

IUSTI LIPSI
EPISTOLARVM
SELECTARVM
CENTVRIA PRIMA
AD BELGAS.



ANTVERPIÆ,
EX OFFICINA PLANTINIANA,
Apud Ioannem Moretum.

CLD. MDCL.

Cum Privilegiis Casareo & Regio.

ILL^{MO} DOMINO
D. BALTHASARI
DE CVNIGA
REGIS Hispaniarum & Indiarum
LEGATO.



ENTVRIAM hanc EPISTOLA-
RVM ad te ire volui, etsi ad Bel-
gas ea esset. Nam quanquam
non tu è nobis (Hispania ve-
teri & inclytâ stirpe dedit)
tamen es in nobis, & maximi
Regis missu Legatum apud Principes nostros
agis, id est consilij & ingenij tui copiam in re-
bus arduis facis, & salutì communi nostræ cu-
ras. Publica si omittam, & ipsum te adspiciam:
magis etiam velle debeo. siue quia virtus sin-
gularis & doctrina tua (rarum in hac nobilita-
te ornamentum) ita exigunt: siue quia affectus
in me, quem ab initio aduentus purum ma-
gnùmque declarasti. Et quidni purum? nihil
in me, aut circa me, quod adumbrare inducat:
quicumque talium magnatum ostendit amo-
rem, etiam habet. Sed tamen iste ipse affectus
ortum ab illo tuo in studia doctrinamque du-
cit:

cit: quæ, vt dixi, inter paucos eximiè colis, ea-
que laus Præcipui quodam titulo tibi debe-
tur. Quicquid temporis à Regijs publicisque
negotijs vacui habes, huic confers:

— *animusque vicissim*

Aut curam impendit populis, aut otia Musis.

Atque vtinam plures tuæ classis ita sint ani-
mati! non verear dicere, illorum ornamento,
reip. præsidio id fore, & consultius felicius-
que administratum quædam iri. Veteres illos
magnos Imperatores aut Reges si videam; ta-
les fuere; si amicos eorum aut administratos; ta-
les. Atque æuum hoc nostrum ante centum
circiter annos, cum cœpisset lucem hanc vide-
re, & rebus inferre: iterum, nescio quo iniquo
Europæ fato, suppressit, & dignissimas hone-
stissimasque artes, ab aulâ, à nobilitate, à pur-
purâ, ad scholas tantùm & mediam pullatam-
que turbâ velut relegauit. Fata cursum suum
peragant: ego ad te meum. & si quidquam
cuiquam, bono atque interiore animo, tibi
ILL^{ME} DOMINE, hoc quicquid est libelli do,
dico: vtinam virtutis tuæ tam perpetuum,
quàm mei affectus cultusque sincerum mo-
numentum! Louanij ix. Kal. Mart. ∞ .MCCII.

AD LECTOREM.



CAPE ad BELGAS tres Centurias mi Lector. Quid? ita copiosus es? Vides, & semel dare cum capî, toto horreo admetior. Commasculavi frontem: utcumque res cadet, * ἐπιπίθω κύβος. Scio equidem & ^{* iacta esse alen.} bonas quasdam (ut in meis) quæ de talibus, aut ad tales erant, me omisisse: nimirum quia vitare calumniam elegi, quàm deprecari. An & sic effugiam? agrè in hoc genere: quod simplex, calidum, candidum, me & mea, etiam interiora & parietibus clausa, exponit. Speculum animi liber, vetus verbum fuit: sed verissimè de Epistolis dicitur, in quibus & affectus nostri, & parè cogitationes

Votiua veluti, pateant, depicta tabellâ.

Quid ad me? esto. Liniuum Drusum memini olim magno animo dicere architecto, qui ultro pollicebatur domum struere ab omni aspectu aut despectu liberam: Quin tu, si quid in te artis est, ita compone ut omnium in eam oculi conijci possint & admitti. Pari, inquam, animo, videant me & mea, familiares etiam sermones & sensus. Sed videant tamen recto aquoque oculo,

—— procul atra recedat

Invidia, atque aliò liuentia lumina fleat.

Nam illa, aut Calumnia, si accedat: quid tuti hîc est? nec Pallas agide suâ me tegat. Illud ultro profiteamur, leues quasdam aut tennes intercurrere: & ut auenam aut lolium in meliore fruge. Quid mirum in hoc numero? facilis emendatio non lege, sed elige: quod licet, & in quavis epistolâ aut incipis aut desinis. Vale.

*

IN NOVAM EDITIONEM
EPISTOLARVM
IVSTI LIPSI
V. C.

Creditor es, LIPSI: tamē haud cū fœnore, nobis
Credis EPISTOLICAS iure-bénignus OPES.
Tu, vice iam triplici, fecisti nomina multa.
Ecce addis factis nomina nominibus.
Addicti tibi nunc multi debere fatentur:
Sed, debes multis tu quoque, pace tuâ.
Quid? tua num debes? certè, in totâ ratione,
Vnus, EPISTOLICA, paginam vtramque facis.

Ant. Vacquerius.

INDEX

INDEX EPISTOLARVM CENTVRIÆ PRIMÆ ad Belgas.

A NTONIO Bessa Negrino Lxvj.	Friderico Taubmanno P.L. G.
Antonio Richardoto suo Lxiiij.	Gaspari Tayo V.N. Lxxvj.
Ascanio Columnæ, Cardinali xliij.	Georgio Austrio, Præposito Lou- nensi & Academia Cancellar- rio xciiij.
C.	Gerardo Corselio I ^{ro} vj.
Cæsari Baronio, Cardinali liij.	Gerardo de Hornes, Baroni Baus- signiaci, Toparchæ Ifcano xxv.
Carolo Desiderio xxix.	Guilielmo Brougelio V.C. Consilia- rio Regio j.
Carolo Malineo, à consiliis mariti- mis xtvj.	Guilielmo Scarbergero suo Lxj.
Christophoro Assonwillio, Consilia- rio intimo xxxv.	H.
Claudio Dansquio, è Soc. Iesu Lxij.	Henrico Sedulio, Ordinis D. Fran- cisci xxviij.
ad Contubernales suos, &c. xliij.	Henrico Stranio I ^{ro} & Canonico xxxij.
Cynthio Aldobrandino, Cardinali Lxxvj.	Henrico Vannettèn, Præsidi Era- mæ PP. in Brab. Lxxviij.
D.	Hieronymo Berchemio xxj.
Dionysio Villerio, Canonico & Cancellario ij, Lxxj, Lxxxv, xcj.	Hieronymo VVingio Canonico xviij, Lxxxviij.
E.	Huberto Audeiantio suo Lxviij.
Emanueli Ximenio, Lusitano xxxviij.	I.
Erycio Puteano Lxxxix.	Jacobo Bonfræo, è Soc. Iesu xlix.
F.	Jacobo Carondeleto, Cancellario & Canonico xiiij, xix, Lxxxij.
Francisco Montmorencio V. N. Bersei Toparchæ Lxxxiiij.	Iano Lernutio suo xxvj.
Francisco Orano liij, lvj.	Joanni Baptista Perezio Baroni suo
Francisco Vander-burchio Decano xx.	

suo	lvij.	Nicolao Damantio, Cancellario	
Ioanni Baptista Sacco	lxxix.	Brab.	xcvj.
Ioanni Bernartio suo	iiij, xvij,	Nicolao de VVeert I ^{ro}	lv.
xxxiiij, lxv, xcix.		Nicolao Fabro, doctōri inuentutis	
Ioanni Boifoto	xvj.	xxxvj.	
Joanni Dullardo Canonico & Ar-		Nicolao Ondarto Can. & Officiali	
chidiacono	lj.	xxiiij, xlij.	
Ioanni Hemelario suo	xlviij.	O.	
Ioanni Sarraceno, Archiepiscopo		Ostauio Episcopo Tricaricēsi, Nun-	
Cameracensi des.	xxiiij.	cio Apostolico	lix.
Ioanni Viuiano	iiij, v.	Othoni Hartio J ^{ro} V. C.	xiiij,
Ioanni VVouerio suo	xlij, xlviij,	xxxvj, lxxxj.	
lvij, xciiij.		P.	
Iosepho Martio	lxxxiiij.	Petro Boschio, I ^{ro}	xxx.
L.		Petro Iardino, Rectori Schole	
Leonardo Lessio, Theologo Soc. Iesu		Athenfis	xc.
xxvij.		Petro Orano I ^{ro}	ix, xcviij.
Ludouico Septalio Doctōri Medico		Petro Pantino, Decano	xij, xxij,
lx, lxx.		xxxj, xl, lxxij.	
Ludouico Tribaldo Toletō	lxxxviij.	Philippo Ayala, des. Legato in Gal-	
M.		liam	xlvi, lxix.
Marcello Vestrio Barbiano,		Philippo de Croy, & c. Comiti Sol-	
S. Pontifici à Secretis	xcij.	rano	lxxxvj.
Marco Aurelio Vallengi, J ^{ro}		Philippo Masio, Conf. & Graph.	
Nuncio à Consiliis & auditio-		Ordinum	xj, lxxx.
nibus	lxvij.	Philippo Rubenio meo	xxxix, liij.
Marco Velfero	lxxv.	Philippo VVingio	vij.
Maria Gornacensi	xv.	R.	
Martino Delrio, Presbytero Soc.		Remaclo Roberti	lxiiij.
Iesu	viiij, x, xxxiiij, xc.	Rhetoribus Collegij Aquicinctini l.	
N.		Richardo Baroni Starrenbergio	
Nicolao Brandio, Cōsiliario	lxxiiij.	xcviij.	

IUSTI LIPSI
EPISTOLARVM
SELECTARVM
CENTVRIA PRIMA
AD BELGAS.

EPISTOLA I.

I. LIPSIVS GVILIELMO BREVGELIO V. C.
Consiliario Regio, & Cognato.



IUSTIVS iam in scribendo cessavi, at non in amando. quia affectu certè tibi alligor, quem iudicium mihi, non cognatio sola in-
sevit. Sed nubes hæc temporum, & factio ciuiliū dissidiorum, si subducit nonni-
hil aut tegit amicitia hunc solem: non ta-
men exstinguit aut tollit. quin ecce iam per-
rumpit, & in istâ occasione radium ali-
quem ab Oceano ad te mittit. Audi hunc amicum, & crede:
gnatus ille mearum rerum, sed & sensuum: ac planè habui ip-
sum velut arbitrum huius cordis. In studiis non cessamus, &
CONSTANTIAM nostram iam videris: nisi quòd lāguor etiam
refrigerat, tum tristitia hæc temporum, vix spe iam alleuanda.
O Deus & cælites, quis finis erit? Qui me priuatim etiam ex-
ercent, & grande vulnus accepi in sororis meæ vnicæ nuper mor-
te. Quam si apud te laudem, inatronam omnibus sui sexus vir-
tutibus perfectam; frustra sum. iuxtà enim mecum nosti, &
pænè dicam amasti. Sed abiit, me reliquit vnum & vltimum Li-
psiorum: tum etiam duos paruos liberos, in ipso dolore onus.
Obsecro te, dum absūm, vicem meam subī consulendo, dirigen-
do, imò & regendo: quem enim, præter te, in exiguo amicorum
numero, idoneum aduocemus? Obsecro & refectro, is nunc esto:
donec mihi fas reuiscere ea loca, ad quæ animo adspiro. Vxorem,
a cognata-

cognatam semper mihi caram, saluere vnâ tecum cupio Cl^{ma}
cognate. L. B. prid. Kal. Mart. ∞. IO. LXXXVI.

EPISTOLA II.

Tornacum.

DIONYSIO VILLERIO, Canonico & Cancellario S. D.

EGO te expertem consilij mei & gaudij habeam, quod ex
eo capies? absit. Veni ad Spadanos fontes, post longas via-
rum ambages, saluus tamen, etsi non sanus. Si affectum tuum
nouî, gratulaberis ex animo, & subsilices tanto propiorem tibi esse
Lipsum tuum: quem ex longo interuallo regustare & recogno-
scere gestis, certè ego te. O suaues semper & fidi, amores priui!
ego ex prior: nec cogitatio vnquam aut sermo animum aurê sve
tangit veterum sodalium, quin cominoueat & exsultem. Atqui
tu, litterarum etiam missione & commercio, iamdiu pristinam
notitiam renouasti; & firmato vtrunque iudicio, perduxisti in
solidioris amicitiae iura. Ea maneant, dum nos manemus: nec
incidat hunc nexum vlla dies, quàm ea quæ vitæ hoc filum in-
cidet. Mihi propositum, in liberis istis purisque item locis, diu-
tius subsistere. apud quos? inquires. apud ipsum me: & efficere
vt ratio aliqua compareat solitariae huius, nec interpolatae, quie-
tis. Alij alio vocant: mihi naturam sequi certum est, quæ ab-
horret ab omni ambitione, & paullo magis actuosâ vitâ. Et a-
lioqui ea de rep. audimus & videmus cottidie, vt viro sapienti &
probo occasio non sit ad eam vel leuiter aspirandi. Quæ fraudes
passim, libido, luxus? & ad summam ea omnia, quæ exitio esse
cuicumque statui solent, & debent: mirabor, si non conuerterent
istum. Non enim dicam euertent. & Deus meliora, & fatum
magni Regis: in quo vtroque (non nego) mihi spes est. Vale.
Aquis Spadanis, VII. Kal. Iul. ∞. IO. XCI.

EPISTOLA III.

Aquaſgrani.

IOHANNI VIVIANO S. D.

LEGI libellum, mi Viuianè, & sententiae tuae prorsus accedo,
quæ est, Silere. Ad hæc talia quid respondeam? cum digni-
tate non possum, inò nec cum gravitate quid enim ferij in hac
totâ re? Mea fuerunt ioci, & boni stomachi, vt censebam, dicta.
Non

Non concoquunt, conuicia & calumnias regerunt: sed illa insulsa, & has vanas: quid opus reiectione? illud tamen fateor, modum fortasse alibi non tenui, & plusculum aut acerbius dixi. Excuset, quod Epistolæ sunt, id est extemporanea quædam,

**Nec restrictum cogitata, & omnibus rationibus:*

v. Afran.

ut ait poeta. Mentem istam vtinam videant! quæ numquam fuit (Æterna illa Mens testis) ad lædendum: & si fecit, pœnitet. Quid volunt amplius? non ego pertinaciter tuendo culpam, culpam alteram committam. Atque adeo, si videatur ita amicis, omnes illas epistolas vnâ spongiâ deleamus. Vtinam ipsi tam niuci, nec verba mea per malitiam attollant, & gladium, quod olim Brennus, adiiciant in hanc stateram! Sed eâ de re satis. Parum me pungunt ista, aut turbant: & quamuis imbecilla frons, ait ille, *magnâ conscientia susinetur*. Te, vxorem, & quod ex eâ est, itemque Rotarium nostrum, saluere volo. Leodici, postrid. Kalend. nouas, ∞. I. XCII.

Ad quæsitum tuum in Hirtio, seorsum hîc habe. Consului librum, qui peruetus apud me à Torrentio: sed is toridem verbis hæc repræsentat: *Fasces vbi confederant (nam in acie sedere Gallos consueisse superioribus Commentariis declaratum est) per manus, sarmentorum ac virgultorum, traditos*. At tu duo ambigis. & vbi hoc Cæsar? & quomodo credibile, maiores nostros in acie & pugnâ fedissee? De loco Cæsaris, credo Hirtium adspicere istum è Comment. III. *Galli, sarmentis virgultisque collectis, quibus fossas Romanorum complerent, ad castra pergunt*. Non dicit in iis fedissee apertè, fateor: sed tangit fortasse & adsignificat. At quis id credat? inquires. Meherculè nec ego tecum, nec capio. quomodo vbi ordines disponendi, tela & manus mouendæ, ignaui homines federint? Ego vel à Celso hoc verbum *Aciei* esse, non pro ipso prælio aut procinctu, sed pro bello arbitrer: id est, vt in castris, & tempore belli maiores nostri federint. aut potius, *Otiij* voce permutandam. Vt velit scribatque, Gallos, cum otiosi, etiam in ipsis castris plurimum fedissee. Quid miri? inquires. Imò est, pro Romanis moribus. nam sessio minùs apud eos crebra; ambulabant magis, aut iacebant. At barbari aliter. quod & Tacitus de Germanis notat: & Strabo de Hispanis, loco qui valdè

*Comment.
VIII.*

disse Centuriones & Tribunos quosdam per spatia obambulantes, & se vertentes. Illos, arbitratos insanire homines, accurrisse, & manibus nutibusque ad tabernacula sua deduxisse. quasi necessum esset, aut sedere in otio, aut in acie pugnare, Verba vltima Græcè sic habent: οἱ δὲ οὐκ ἤμινεν καὶ τὸ πούνηται ὑποβήντες, ἢ μάχεσθαι. Vides barbaricum sensum & morem: pro quo tamen etiam legi in Hirtio possit, ante aciem.

EPISTOLA IIII.

Louaninium.

IOANNI BERNARTIO suo S. D.

IN ipso principio epistola tua peccat mi Bernarti, cetera ex meo voto. Nam quid ita tibi visum excusare, quòd scribas, aut quæ hîc impudentia? Tu verò ac tui similes semper me appellate, atque id etiam mihi imputate. beneficium enim est, & sic interpretor, dum meliores istæ mentes ad me inclinant, & conceptum amorem scripto etiam consignant. Nec nimium te depressum iueris (etsi modestiam amo) quia non solùm candidatum istarum artium te video, sed, vt sic dicam, inter magistratus. Epistola tua variam & priscam lectionem redolet, & Latinæ linguæ quasi parentes, quos in sanguinem iam vertisti & succum, atque ideò facilè imitaris. Plato olim dixit: * ὁ καλῶς λέγων, καλῶς τε καὶ ἀγαθός. ego certiùs, * ὁ καλῶς γράφων. certior adeò mihi character animi stilus videtur, quàm sermo. At tu quoque nostra attollis, & eis ali ingenium stilumque tuum vis & pasci. obsecro, mi Bernarti, affectum seponere. qualia illa aut ego sum, si æquipares ad antiquos? iacemus, & subærata hæc omnia nostra, quæ splendere videntur, erunt, si examines ad illud aurum. Etsi non nego, iuuare hæc aliquid eos posse, qui in limine studiorum: sicut aliquis, qui in viâ medius, digitum ingredientibus ostendit ad ipsam nictam, & quâ ire cœpit, eundem dicit. Sed heus, peccasti in fronte epistolæ, an non etiam in calce? Indicas aliquid editum à te & euulgatum, quod veritus sis ad nos mittere. quid tu ais? ita reliqui omnes mitiores in iudicando, præ quàm ego? erras. illi iudices fortasse: ego arbiter, & in hac ætate tuâ scripta iam pridem didici examinare non ad lineam rubram. multum, si alibi acumen & rectitudo iudicij appareat:

vt

* Qui bene
dicit, bonus
& laudabi-
lis.

* Qui bene
scribit.

ut hæc ubique, non est postulandum. Florem modò videre desidero, postea fructum. Nos ipsi nōne à decimono nono anno scribere, atque edere, incēpimus? & quanquam pœnitet, etiam non pœnitet: quia audaciâ illâ gradum struximus ad maiora & meliora. Illa vna ingeniorum pestis modò fugiatur, ne peruenisse nos putemus quò aspiramus. Senecæ illud aureū: *Putomultos ad sapientiâ potuisse peruenire, nisi putassent se peruenisse.* Modestia est, quæ omnem ætatem decet, ducit: & sine hac præcipitat iuuenis. At tu illa mitte, & monitionem quoque seu directionem expecta, si alterutrâ opus. nam amare te occēpi, & hoc tuum ingenium, de quo magnū aliquid Belgis meis pollicor, atque ideò etiam curare. Vale. Leodici, Kalend. Ianuar.
 .. I. D. XCII.

EPISTOLA V.

Aqua/grani.

IOANNI VIVIANO S. D.

IN re tristi, epistola tamen tua pœnè lata mihi fuit. Quî potest? primum, quia me participem tui luctus fecisti inter primos: argumentum & amoris in me, & fiducia de me, quasi afficiendo (nec erras) tristibus tuis siue lætis. Enimverò, ubi animorum illud vinculum (Amicitiam dico:) etiam affectuum vnctio & paritas quædam sit oportet; aut sinceram non esse illam. Deinde me crexit, idque maximè, quòd te quoque rectum videbam, & non ambitiosè quidem, tamen fortiter ferre hoc vulnus. Solaris ipse te, & Musas aduocas, sed illas sacras: & verum solatium ab alto petis, id est solatij & roboris omnis fonte. Deum ita voluisse dicis, & Prouidentia hoc decretum: ô sapientem vocem, & quæ sola sit dolori omni mitigando, aut tollendo: Summum bonum fecit; benè fecit. Prouidentia statuit; prouidè statuit. quod ipsa vox dicit, & in tuum ac prolis tuæ vsum. Certè quidem in prolis palàm. nam quid ei factum? terris erepta est, in cælum inducta est: turbas & dolores hîc reliquit, fruitura illic æternâ quiete & beatitudine, hoc est Deo. Puer qui hîc erat, pœnè sine mente, sine sensu; virum iam illic agit, atque adeò super omnes viros sapit, Sapientia illis radiis non cinctus solum, sed perfusus. O beatum, qui ex puro illo sereno turbida hæc nostra vi-

det : videt, sed miseratur etiam & ridet. Te quoque beatum, si quam beatus ille sit, seriò cogitas ac sentis. Hæc sunt mi Viuiane, quorum semina in tuis versibus : quæ ego eduxi & diduxi paululum, in liberiore hoc sermonis campo. Quæso te, non cogita hæc tantum, sed recogita ; propior gaudenti eris, quam dolenti. Vt fumus & caligo, quamuis crassa, cum sublata est, dissipatur & spargitur : sic dolor omnis, cum mens ad supera fertur & æterna. Sed homines plerique aliter, & quidquid triste aut acerbum est, acriter & intentè volumus; quod læti inest aut boni, vix leui cogitatione delibamus. Atquin secius oportebat. & vt torrem semiuustum è foco qui tollit, non eâ parte arripit & tractat quâ incanduit, sed quâ ignem nondum accepit : sic nos deceat non acerba hæc & vrentia casuum tangere, sed magis benigna in iis aut læta. Nempe tuus iste abiit, sed vnde? è terris. quò? in cælum. Te deseruit; sed Deo adhæsit. At enim immaturus obiit, & in primo flore. Quid immaturus? ad mortem maturi omnes sumus, ex quo nati, imò etiam antequam nati. Quam multis in ipso vtero, vix benè infuso spiritu, spiritus est ereptus? Multos habet peritus ille agricola flores, vt sic dicam, herbas, fructus. Scit quando hunc & illum opus sit tollere, in ipsâ opportunitate & *ἀκμήν*. Denique tuus, non ita puer obiit: fructus es optimam & iucundissimam illam æui partem. Quid ergo queri possis, si is reuocat qui dederat fruendum? Ecce nos orbos, qui nunquam gustum cepimus penetrantium istorum gaudiorum: & tamen ferimus: quid vos, qui largiter sumpsisistis? In conuiuio si benè sedeas, cibus & conuiuæ placeant; eâ impudentiâ sis, vt apposita nolis tolli? non facias, scis enim illa ad tempus & vsum aliquem tua esse. Idem hîc fiat. & puer ille certè mancipio non fuit datus, nec vt proprium perpetuumque bonum.* Reuoca etiam in mentem, quod nuper ad me, in occasione prisce lapidis reperti scripseras: *Vitam esse velut auiculam, quæ pueri manu tenetur, & sæpius in ipsis primordiis euolare.* Hæc ipsa verba tua sunt: en factum, quod sensceras & scripseras: quid miraris igitur, aut doles? Noli. ita Deus reliquos tibi seruet, qui quasi cum colono, partiaro iure, nec id rigidè, tecum egit. Plures enim manent, & vt maneant (si tibi ipsisque expedit) eum rogo. Vale, & firmare. Leodici, III. Kal. Febr. ∞. IO. XCII.

* *Enimago in sepulchrali lapide.*

EPISTOLA VI.

LONANIVM.

GERARDO CORSELIO I^{to} S. D.

EPISTOLA tua per se grata futura, in fronte prætulit philtrum illud *VVamestiani* nominis; quem virum dilexi vivum, & nunc mortuum gratâ memoriâ prosequor, & stirpem eius affectu. Mi Corseli, in te sunt hæc, quæ te mihi conciliant, probitas, modestia, eruditio: sed si illa non sint, satis vel Avunculus ille proxeneta & interpret, vir, vt breuiter dicam,

* *Ἀρκῶν τις ἀπερὶ τὸ ἴδιον ἀπορίεσθαι θέλω.*

Cum quo quod amicitia mihi fuit, etiam nunc gaudeo: & <sup>* Virtutem
prisci tem-
poris equi-
parans.</sup> quanquam ille in vitâ aliâ, tamen in animo meo viuit & viuere, quamdiu dabitur, vt cum poetâ loquar,

— *Ζώων, καὶ ὅταν παύς ἡλίοιο.*

* *Spicere,
& solis tela
tuari.*

Hoc ex animo scribo. sicut & illud, gratas mihi tuas litteras fuisse, quibus & amorem in me exprimis, & meum inuitas. Paratus est tui similibus, Corseli: & si aliud capit me aut delectat, hoc illud est, ab iis qui virtutem amant amari, & amare. Itaque ambitione nihil hîc opus: patent fores huius pectoris, quod candidum esse experiemini omnes vos candidæ mentes. Louanium etiam me inuitas. vtinam liceat! quis locus in Europâ magis sit ex meo voto! Omitto amœnitatem, & nescio quid in solo ipso atque aëre quod alliciat: sed profectò ingeniorum illud simplex & ^{* ἀρετὴς} semper me cepit. Atque iterum, ^{* sine suco.} vtinam res patriæ eò loci, vt nobis tutò & tranquillè esse liceat in eo loco! Sed iactatur & fluctuat illa, vt vides: & vix qui amicus quieti est (me vnice esse fateor) non dicam sedem, sed pedem nunc in illâ ponat. Itaque etsi in limine eius sum, & auram illam optatam haurio: tamen vereor, vt iterum me retroagat infelix eius sors, nec ad metam pertingere detur desiderij nostri. Deus vrbis vestræ tutor hæctenus, fateor: & spero, etiam erit. sed quis nunc tamen nostri vsus aut fructus, in loco, quem Mars magis possidet, quàm Minerva? Dixi antea, quietem amamus, & valetudo mea sic postulat: tympana & armorum strepitus, non ad meum Genium aut Musarum. Tamen videbo, & menses etiam aliquot consilium omne proferam: si interea benignus ille Deus mitiore oculo aspicere Belgicam volet, & in eâ urbem vestram.

Quod

Quod eum calidè rogo; & te, mi Corfeli, vti me sic ames. Leodici, postrid. Kal. Mart. ∞. Id. XCII.

EPISTOLA VII.

Romam.

PHIL. WINGIO S. D.

VOLUNTATEM simul & occasionem mihi ad te scribendi præbuit Otho Venius noster, quem nosti. Illam, dum studium tuum virtutis & litteraturæ commemorat; hanc, dum facultatem mittendi. Quod scribo hoc vnum est, amari te à me ut popularem, ut earundem artium consecrarium & confortem. O Wingi, quàm pauci hodie, qui seriò & utiliter ad illas eunt! plerisque ambitio proposita, & scientiarum vana: qui solidum crepent, & virtutem veram cum sapientiâ ament, verè pauci sunt, & ut poëta iocatur, vix tot quot Thebarum portæ. Tamen de te, non ex sermonibus solùm boni aliquid mente concepi, sed etiam ex scriptis, quæ missa mihi (ne nescias) à Dionysio Villerio, insigni viro, super Cruce. Nos eam materiam, argumentum & instrumentum salutis nostræ, cum curâ tractauimus: & subiicit ille, quæ Morillonus *παροδοζόμενος* olim sensit; & quæ tu, euincendo illi atque obduendo. Legi, & tua probavi, atque ex iis igniculus in te amoris: quem tu in veram legitimamque Amicitie flammam fuscitabis, si flatu eum iuuas sermonis & alloqui epistolaris. Venius quædam ad te scribet, opinor, de quibus hîc ambigimus, aut certè formam ex veteribus monumentis velimus, ut de *Iugo curruli*, & siquid aliud tangeret. Inquire, & nos iuua. Ecquid notitia tibi cum Fulvio Ursino aut Cæsare Baronio? utroque insigni viro, illo amico vetere, & quæcum, si adsim, utiliùs paullò quàm olim norim. Quid Bensium? nostin? ille verò meus, & ego illi deuinctus adamantino planè vincolo. Si occasio est, omnes saluta; & pium, aut certè inter pios me esse, hoc significa: inò planè pium, quod ad sensum quidem attinet, utinam quod ad vitam! Siquid illic Antiquitatum repertum aut erutum, participare, & nos obstringes. Leodici, XVII. Kal. Iun. ∞. Id. XCII.

EPISTOLA VIII.

Leodicum.

MARTINO DELRIO S. D.

EXSPECTABAM litteras tuas, inò iam flagitabam & subacufabam diligentiam: sed reddidit eas benè manè baiulus, bonum auspiciu[m] dici. Soli hîc sumus, sed magis videor, cùm nec tecum litterarius iste sermo. Quæso cum frequenta, non delectandis nobis solùm, sed iuuandis. Domus plerumque me habet: quomodo non in hac aurâ? & tamen câ tristi potamus, & aut blandimur nobis, aut iuuant fontes. Est vnus & alter Italus, & cum iis interdum sermo, sed vix ex pectore, tralaticius tantum ille & ciuilis. Ancillam iisse quò iusseram, gratum: gratus, si audiam peruenisse, & peregisse. Dedi in mandatis discretè de domo Paullinâ, & si ea locata alteri, si posset redimi siue recipi: quia commodum & suaue mihi, haud longè habitare à vestris. Si potest, fiet: sin aliter, quod potest hoc fiet. Amote de descriptione ad P. Lessium, & eius argumento. Ita fac mi Pater, nunc me cùm maximè & operâ & consilio iuua, & præmeditemur si quid vsus ante factum. Nosti Homericum:

— *ἴσθ' ὅτι δὲ τοῦτο ἐγὼ ποῖ.*

** - factum
factum no-
uit.*

Nam ego, ex animo fateor, in omni hac actione quæ ad salutem, externam omnem prudentiam ab initio seposui, & impetu feror: spero bono, quia in optimum finem. In diuinis, quid spectem nisi Deum? Tamen si quid monito opus, mone. Etiamne de N. præstruendum aliquid videtur? fiet, si censes. Ego ipse ad Cuyckium, sed tunc cùm aliquid à Lessio, pro cuius descriptione aptabo nostram. Velim certum aliquid me intellegere de actione legatorum Leodicensium: quia aliàs, non hîc sine metu. Audimus prædones aliquot circa Aquisgranum hætere: sed quò fugimus aut ibimus? ad Deum, qui mihi tutor, & qui me, spero, seruabit, vt sim *arbor quæ penes aquas feritur, & in foliis perennat, & tempore suo fructus agit, quæ non ignem, non securim videbit.* O vtinam! & tu fac mi Pater quod facere te dicis, atque ego scio. Aquis, III. Non. Iun. ∞. Iō. XCII.

b

EPL

EPISTOLA. IX.

PETRO ORANO I^{II}. S. D.*Leodicum.*

Tv files, ego scribo: hæc promissa? Tu iuris & iustitiæ sacerdos, æquum bonum hoc censes? Desinenda mihi hæc opera est, si inutuo nullo sermone & alterno noster elicitur. Nec longas tamen epistolas exigo: tria verba sufficiunt, quibus constet non neglegi aut contemni. Quanquam si longas, nonne meo iure? Legati redierunt; res ad me spectat quid egerint, quid non egerint: tu files. Atqui silua rerum est, è quâ defectam materiam aliquam & electam ad nos mittas. Fac, aut non dicam minùs amabo te, sed minùs colam. Nam illud non possum. ita alitè insinuauit atque, vt sic dicam, illatebrauit in animum hunc Oranus. Aquis Spadanis, Idib. Iun. ∞. Id. XCII.

EPISTOLA X.

MARTINO DELRIO, *Sacerd. Soc. Iesu.*

NVNCIABO tibi quod mireris, fortassè & doleas, vt est tuus in nos amor. Iterùm nobis pugna. in quem? non in aliquem ex profano & nupero illo grege, sed ex ipsis Musarum mystis P. Fabrum. Ille in te, inquires? Ille. & initio miratus sum fateor, cùm legi quædam velut de industriâ in me iacta. Mox ad sedem & velut fontem veni huius (molliter loquar) affectus: & ecce caput integrum in AGONISTICO, in quo plagij & malæ fidei me accusat. Nō nominat sanè, sed iuxta clare ac si nominasset. Ait me ex libri secūdi Semestrium duobus Capitibus cōcinnasse bellum illum & elegantem (puto verba sic esse) Saturnalium librum: idque ne tenuissimâ quidem eius mentione factâ. Quid ego hîc dicam, aut suspicer? æmulationem cadere in illum virum? non ætas, non eruditio eius permittunt: quarum illa grauis & inclinata est, hæc meo semper iudicio magna. Multa in viro illo variaque lectio, accurata collectio, & in penetrando digerendoque iudicium pariter & acumen. Culpam igitur in me esse? potest. Vtinam non alia tamen grauior: quia hæc vix est vt nomen illud teneat apud inculpatos. Dic bonâ fide, bone Faber, quid telæsi? scripsisti tu aliquid de Gladiatoribus, etiam
ego:

ego: scripta nostra existant, nec tuis per me aliquid detractum. Quid si, non dicam melius, sed certè plenius & magis compositè scripsi? non negabis: & tigna tu fortasse aliqua ad hoc ædificium suppeditasti, ego id struxi, & fastigium imposui nostrâ manu, arte, stilo. Quid si nec suppeditasti? ignosce, & audi quod verum est. In communi positi scriptores à quibus petis, & in illam siluam sæpè iuimus, atque idem ius, ut opinor, meæ securi. Nemo veterum aut recentium in hac re sic egit. Exposita enim illa sunt, & fiunt eius qui haurit velut ex populari lacu. Quod si coniectura aut acumen aliquod tuum nouum: sanè tum improbus, si vindicaui. Doce factum. Istud quidem quæle est? Seneca, aut Dio, aut Lampridius hoc scripsit: scilicet nos non eos vidimus, aut occupata hæc omnia quia tacta. Vir magne atque etiam nunc mihi care, omitte hæc talia, quæ tuum honorem radunt, meum lambunt. Sed ego ad illum Pater, cùm hæc ad te institui. Scilicet etiam in isto ætatis ac morbi frigore incalescimus: & non moueri quidem, sine aliquo motu, possumus. Aspergit in iisdem libris quædam contra meas coniecturas. Quid magnum facit? coniecturæ sunt, nec ego Oracula proscripsi. Illud pro viro bono, & qualis est atque erit (aut omnia me fallunt) quod ne tunc quidem, cùm carpit, deprimit, & amorem quoque iræ suæ miscet. Fac tu atque ego omnia mi Faber (iterum ad te) scriptis fortasse dissidebimus, animo nunquam: atque ego te in diuerso licet stili scriptionisque genere, tu me æstimabis, teste illo & iudice qui non fallit. Si verba alia, damus verba. Hæc & serò & subito ad te, mi Pater, recedat à lectione eius libri: quem ipsum quid causæ est quin cras videas? Et si à Fabro sententiam feres, ecce me paratum agnosce culpam, si serum emendare. O litteræ, litteræ! quàm semper à vobis aliqua vanitas! & quàm illud hîc verum, *Oportere omnibus cordis doli cristâ inesse*. Salue. E nostro Musæo, ante cœnulâ.

EPISTOLA XI.

Bruxellam.

PHILIPPO MASIO, *Consiliario & Graphiario Ordinum.*

AMICITIÆ veteris recordatio, quæ mihi recum ac cum fratribus etiam tuis fuit, impulit ad scribendum. Quo fine?

b 2

hoc

hoc vno, vt tibi affectum meum nunciem, & tuum vicissim prouocem: quem ipsum, nihil inmutatum tamen esse, ab amicis seriò accepi. Rogo vt perseueres, & cum me censeas, qui bonus inter bonos viuere iamdiu vorum habuerit, nunc etiam Deo auxiliante successum. Louanij enim sumus, in veteri nostrâ sede, sed non eâ facie quâ olim. Deus bone, quàm mutauit, & inclinauit! sed sic, vt sperem posse assurgere, si Illustrissimi Ordines pergunt manum ei porrigere, & curâ adhibere, quam cœperunt. Qui quòd in me etiâ vocando decretum honorificè interposuerunt, debeo sanè ipsis, ac publicè breui significabo: quæ causâ me abstinere, ne nunc priuatim. Sed ab eo extra finem scripti nunc propositum: qui est, renouatio & conseruatio amoris, quem audacter exigo, quia fideliter præsto. Vir Cl^{me} vale. Louanij, XIII. Kal. Sept. ∞. ID. XCII.

EPISTOLA XII.

Toletum.

PETRO PANTINO S. D.

CVM epistola tua grata, mi Pantine, tum eius initium, quod est de reditu in patriam communem. Quod utinam, & te tuique similes fas sit hîc amplecti! Nam ego cum in eam redij, quàm paucos è veteri amicorum classe repperi? imò quàm non multos veterum morum? Duellij hîc & Trebellij regnû possidēt,

**Εὐδότες ἐς τοὺς ἡμεῖς μάλα πρὸς αὐτοὺς*

**In pugna
stabilis bel-
lum bellare
peries.*

Virtus & Doctrina, inane nomen. Atque utinam res etiam eo loco, vt te alliciam! sed profectò iam per biennium causâ bona haud valdè promouit: imò contrà, pars increuit & gradum cotidie addit insolenter. Sed publica omitto. nos in studiis, quatenus largitur valetudo, & paramus in historicos plerosque Latinos FACEM diu nobis elaboratam. Ex eâ repositum aliquid magno nostro Principi, quem lati libentesque audimus optimis istis artibus tingi. Nunc DE CRUCE libellos tres dare paramus, vtiles ad Historiam sacram & profanam. Sed vno verbo, mi Pantine, non excitamur, talium omnium rerum hîc despretione & contemptu. Couarruuiæ in Senecam grata mihi, qui & ipse libro veteri vsus sum & non pauca obseruauit. Conferam illa cum meis & cum Nicolai Fabri notis emendationibusque ad eosdem

eosdem libros. Anne vidistis? Lutetiæ prodiit, sed Fabri nomine non adiecto. Vir doctissimus, & in dignitate, non tanti habuit inscribere operis eius frontem. Quod rogas de Procopij Oeconomicâ historiâ: editam non opinor. Bon. Vulcanium scriptam habere existimo, sitamen memoria me non fallit. De Georgij Chronico, nec id publicè exstat: asservabatur nuper in Bibliothecâ regiâ Lutetiæ, & vidi qui vñ sint & ex eo delibarent. In ceteris non te iuvo. Vale mi Pantine, quem seriò amo & amabo. Louanij, Idib. Octob. ∞. Id. XCII.

EPISTOLA XIII. *Bruxellam.*OTHONI HARTIO I^{ro} S. D.

IAM ride, litigo. Quod per iocum prædiximus, incidit in tuas manus, sed non magna præda. Quis ex me fructus? verborum aut litterularum: nec miraberis, hæc ipsa sunt quæ amamus. Externa quàm nos non capiant, sæpè testamur: an bonâ semper fide? Ego ipse ambigo, & vereor ut ille verè: *Opes faciliùs inueniri, qui vituperet, quàm contemnat.* Ecce ego, dum eripiuntur, de iis pugno: sed damus hoc non tam ingenio nostro, quàm mori; atque etiam vxori, cuius propriè hæc causâ. Denique dum viuo etiam, non neglego instrumenta vitæ: quæ adesse mihi volo, non superesse. Probo, ut ille inquit, *Fortunam velut tunicam, magis concinnam, quàm longam.* Satis philosophiæ: de re, commisi eam *Boschio* iam olim nostro: sic ut te consulat, siquid opus. Nam grauioribus te occupari, satis scimus: & sufficit consilium tuum & directio. Vale. Louanij, XIII. Kalen. Nouemb. ∞. Id. XCIII.

EPISTOLA XIII. *Leodiscum.*IACOBO CARONDELETO, *Cancellario & Canonico.*

NON valedixi, excusa: aut te aut tuos potiùs accusa. Nam aliquotiens domi quæsitum non repperi: & addo, quòd iter meum subitum fuit, & natum ex occasione. Ea fauit, & incolumes ac tutos Louanium perduxit, quod nunc me habet. Destino quieti & firmæ mansioni nostræ hanc sedē, nisi aut publici

aut priuati hostes interpellent. Nam utrosque nobis esse non ignoras; & istos (priuatos inquam) nos omnes velut more & lege experimur, qui paullum sumus in clariore famâ. Vt flamma firmior non surrexit vnquam sine fumo: sic nec illa, sine nube aliqua liuoris. Apud Euripidem aliquis exclamat,

* Calinia,
mortalibus
magnum
malum!

* Ἀτὰρ, ἀβόλα δυνὸν ἀνθρώποις κακόν.

Hoc si omni æuo, quâ non isto factionum & partium pleno, & cum carceres aperti ad calumnias specie pietatis? Nos Deum adspicimus, in illo fidimus, humana omnia mala tam alacriter ferre parati, quàm alij inferre. Si virtutis & bonæ famæ causâ petimur: bene est, & cum poetâ,

* Me bella
semper in-
sequuntur
sola.

* Ἀὐ τοι τοί με πόλεμοι διώκουσιν.

Inuidiam non placabo, iis relictis. Aliud quod scribam nunc non est: publica vos scitis, ego hîc nec tenui auditiunculâ ea libo. Siquid habes dignius, significa, & me dum viuo tuum ama. Louanij, VIII. Kal. Sept. ∞. 15. XCII.

EPISTOLA XV.

Cameracum.

MARIAE GORNACENSI S. D.

LITTERAS tuas cum gaudio vidi & legi, Virgo nobilis. Ergo tam vicini sumus? Ardet animus videre te, & alloqui, quod non diffido vel hac ætate futurum, si Dnacum, aut vicina loca, visendi causâ accedam. Nam nunc quidem fontes Spadanos cogitabam, valetudini curandæ. Ea nobis, ô virgo, imbecilla, animus alacer: nisi quod eum quoque, velut nube, interdum inuoluit atra hæc & fumosa bilis. Mihi crede, nec ille officium suum sæpè facit, quod tamen agnoscit, sed vult nec potest. Quid faciemus? homulli sumus, id est pars optima & cælestis in terram inclusa: felices, qui liberi ab eâ & soluti. Tuus pater iam est. Nuncio tibi, si nescis, renouo, si iam scis, periisse, quid dixi abuisse à nobis magnum illum virum: *Montanum*, inquam, nostrum ad alta & æthereos illos montes. Ita scriptum ad me Burdegalis, & quia litteras tuas veteres esse video, arbitror te quoque sensum iam habere huius plagæ. Sed quid mali factum? rideat ille nos, si sciat dolere: quem opinor in ipsâ morte hilarem eam suscepisse, & victorem etiam eius, cum ab ipsâ vinceretur. Iuit, ibimus: quidni

quidni desideremus, per publicas priuatasque istas calamitates? Gallia vestra vasta cladibus, Belgica nostra attrita; & maximè hæc loca, in quibus nunc verſor. Omnia vincit hic animus, nisi quod morbo interdum succumbit, contra cuius pertinacem vim nullius ingenij aut sapientiæ vis resistit. Resistit dico, non vt vincatur & iudicia sua mutet: sed vt vacillet in officiis, nec ille qui est se ostendat. Vereor vt videas, si me vides: nec Lipsium illum veterem, sed eius vimbram. Tamen vt sol interdum per nubes medias se exserit: sic in nobis interlucet melior ille ignis. Hoc tamen satis, amo te Virgo, sed sic vt Sapientiam amo, castè: fac idem mihi, & quoniam pater tuus ille obiit, cense me fratrem. Louanij, 1x. Kal. Iun. ∞. 10. XCIII.

EPISTOLA XVI.

Bruxellam.

IOANNI BOISOTO S. D.

ENIMVERO tu rem & verba simul ad me mittis: ego quid nisi verba? Pudet gratias agere, nec debeo, tam expositæ, inobuiæ beneficentiæ: quæ vt fontes, sponte irrigat & dimittit. Seneca vtriusque mentionem facis, & laudas. Profectò debe, & tu & omnes, quibus curæ aut cordi est ipsa virtus. Christianos scriptores excipe, quis omnium veterum magis ad eam dedit? & maximè iste, qui philosophi nomen vulgi titulo vindicat, meo sophi. Magnus vir est, nec suadet, sed ingerit optima; & impellit ad ea, non ducit. Quis vbique ardor, & quàm è peccatis verba? & miror, aut indignor etiam, si aliter vixit. Dio, & quidam allèrunt. ego ambigo, & cum lego quæ *De beatâ vitâ*, videt in excusationem sui scripsit, calculum album palam pro eo fuisse. Diues fuit. cuius noxâ aut iniuriâ? confluxerunt aut conuulsa sunt in eum opes: admisit, eâdem æquitare & statu animi dimissurus. Tacitus magnus & ipse, ac super Dionem vir, idem liberi iudicij ac stili, multus in Senecæ rebus est: sed laudari semper propior (vide & examina) quàm carpenti. An ille nos celet cum insignita scelera, cuiusmodi Græcus ille obiicit? scilicet post aliquot sæcula eruta, & tunc denique venerunt in lucem? Inò calumnia peperit; cui proprium, magnum aliquid affingere vitis magnis. Et addo, quòd Dio nusquam propitius valdè Philosophis

* flere &
plorare.

sophis sit, ne dicam ex professo eorum hostem. Hæc apud te, velut in sermone. At de Tragico quid iam olim senserim, in his quæ mitto, vide. Tua quæ corrigis, mihi certa sunt: & cur non aliquis ad manum, cum quo talia possim? multa morientur mecum, credo, eiusmodi inuenta vel iudicia: parum est, Deus in tempore dabit, qui hæc suscitabit. Per ista quidem bella, quid omnibus Musis nostris dixerim, nisi * *κλέειν & ὀμάλειν*? Interea virtus, & optimorum amor, si non adeptio, solabitur: & inter externa, nostri horti, quos magnam partem tibi debemus. A Clusio pyxidulam etiam accepi cum bulbis variis, sed sine indice aut nomenclaturâ. Videbo quid ver dabit. Vale mi Boileau. Louanij, Nonis Nouemb. ∞. I. C. XCIII.

EPISTOLA XVII. Tornacum.

HIERONYMO WINGIO Canonico S. D.

BENIGNE non solum accepisse te munus nostrum video, sed etiam legisse. Benigne enim profecto iudicas, nec sine suffragio aliquo affectus. Reuera autem mi Wingi (nunquam sensi aliter:) præter titulum aut materiam, haud multum in eo libello altum & laudabile est: sed nec fortasse potest. Illud, fateor, iudicio notasti de methodo, quâ delectamur in his talibus uti. Et tolle eam è descriptione, quid est? congeries, & ut lignorum aliqua strues, cui faber deest. In mundo hoc quod nos delectat, supero inferoque, ordo est: in illo perpetuus, in isto instabilis: sed tamen ordo, quem nihil errem, si vitam & animam ipsam dixerim esse mundi. Paro nunc ad editionem alia è *Face Historick*: in quibus & recondita multa esse audeo profiteri, & rem totam, non sine intentione & labore nostro in methodum redactam. Videbis, si Deus volet, eis paucos menses, & me amabis, nouum, sed fide veteri, amicum. Louanij, VIII. Idus Mart. ∞. I. C. XCIV.

EPISTOLA XVIII.

IOANNI BERNARTIO Ith S. D.

LVCIVS apud nos fuit, atque heri discessit. Curiosus etiam scire & audire ecquid de te sentiret aut diceret: sed repperi omnia

omnia proba (ex animo loquor) & in te benè affectum. Quid-
ni esset? scio equidem te mereri, & causam deterioris iudicij
non dedisse. Minuta quædam si interueniunt, aut sermones pa-
rum decori, aut forsitan pungentes: cogita quorundam ingenia
sic esse, & talia sexcenta ferenda, cum versamur in mediâ hac
vitâ. Hactenus in quiete & studiis fuisti, inter æquales, Louanij
in domicilio quietis: alix illuc turbæ & mores, & vno verbo,
Bruxella. Tirocinium in istis tuum molestiæ aliquid habebit,
sed frontem & animum mox durabis. Vellem multa tecum in
sermone (& fiet aliquando) sed caput hoc est, in isto æuo & ini-
tius tui progressus, toleranda multa esse, & quædam etiam contra
Genium vsurpanda. Melior Deus postea leniet, & cum dignita-
te aliquâ tranquillitas & otium affulgebit. Louanium si esset
quale fuit ante annos viginti, profecto te huc euocarem: nunc
quid apud nos speres, ubi iacent omnia & algent? Apud exteros
nō deesse mihi honesta iudicia & amicos, tute scis: hinc sumus, vt
vnus è multis. Non patienter solùm, sed tranquillè fero, & te mi
Bernart ad hanc *ἡρεσύναν* & compositionem animi in primis vo-
co. Quamdiu æquor hoc vitæ nauigamus, tamdiu fluctus: & in-
terdum serenum aliquod si blanditur, decipit, & ferè tempestas
maior succedit. Alia & alta cogitemus, & nostra etiam ista inge-
niorum opera, quæ apud posteros saltem pretium aliquod & de-
cus habebunt. Oudartum nostrum (sæpè vides, credo) salutabis.
Tuos item parentes, quos equidem tuâ causâ etiam amo, & vi-
debo, si quando res & iter meum ferent. Nunc non opinor, &
aut Bruxellâ aut Viluordiâ Antuerpiam ibo. Quando tamen,
adhuc nescio: litteras Moreti expecto. cum quo de Statio tuo
seriò agam. Vale. Louanij, XI. Kal. Maij, ∞. ID. XCIIII.

*tranquil-
litate.*

EPISTOLA XIX.

IACOBO CARONDELETO S. D.

REDIISSE te è Gallicâ legatione libenter audiui, & eam
tibi iucundam fuisse (etsi in re tristi aut seriâ) non dubita-
mus. Vidisti loca, homines, variâ laude & hac literariâ nostrâ
celebres; & cum iis sermones etiam te iuuerunt. Quid si fuisset
Lutetia, cuiusmodi olim solet? id est, verè *ἡρεσύναν τῆς οἰκουμένης*, vt
c quispiam

*compens-
atum orbis.*

quispiam Romam appellabat. Sed flaccescit non vrbs ea solùm, sed totum regnum : cui senium suum est, vt omnibus rebus humanis, & aliquando fatalis meta. Non lubet ista, nec in aliena mala inquirere; domi nostra sunt, nec longè exitium ab oculis, nisi pax salutaris medeatur & focillet. Multus hîc de eâ sermo, multa spes: certi tamen aliquid, aut causam spei, nisi quia vtrimque expedit, haud dum cerno. Ad vos ego breui, vestrà & fontium item vestrorum causâ. Te inter primos videbo & amplectar, & de studiis libellisque meis affabor & communicabo. MILITIA excusa est, exceptis Præfationibus. It ad Principem Hispaniarum, suasu Procerum hîc in aulâ. Louanij, Kalend. Maij, ∞. Id. xcv.

EPISTOLA XX. *Meebliniam.*

FRANCISCO VANDER-BVRCHIO *Decano.*

DOLOREM in eum si apud te promam, quem in Amplissimi viri patris tui morte accepi, vereor vt tuum renouem, quem dies & ratio iam, vt spero, mitigarunt. Sed tamen testari apud te debeo, publicam hanc iacturam me censere: & regi, patriæ, curiæ, in iunistrum, ciuem, collegam ereptum, quem haud facile reparabunt. mihi quoque priuatim patronum & amicum: cuiusmodi fideliter illum in me repperi, & quem importuno meo tempore amisi. Sed ista à Deo & fato, ferenda sunt; præsertim nobis Christianis, quibus certum & impressum est, vitam hanc non mansionem, sed viam esse ad alteram vitam: eoque felices, qui hac quàm inaturnè defunguntur. Tu tibi plura dices, vt prudètia tua & pietas est: ego hoc obiter rogo, vt parenti vicarius sis, & in amicitia quoque velut heres. De me, affectum erga te & gentem tuam spondeo, & gratam memoriam parentis in omni vitâ. Louanij, v. Non. Sextil. ∞. Id. xcv.

EPISTOLA XXI. *Iperas.*

HIERONYMO BERCHEMIO.

ABSOLVIMVS MILITIAM, & hîc vides. Illam veterem, inquires. Quid? tu quoque nouam à me expectabas? Nec possum

possim (aliarum ego artium:) nec velim si possim. Iudicio hoc dico. non quia omnia nostra superbè damnem, & quidquid boni, in vetus ævum includam: sed quia in militiâ quidem pauca sunt quæ me delectent, sic solutâ, prauâ, &, ausim dicere, parùm etiam forti. Apud te ausim; si vulgò, qui clamores? Nónne tormenta nobis ænea sunt, iniquiunt, & sulphurei illi ignes, qui sonitu & adspectu fugent veteres omnes hostes? Nescio mi Berchemi: & in aninio agitaui sæpè, & dubitavi. Hoc facilè dederim, sub initia terrendos Romanos fuissè nouitate ipsâ, & inopinato ictu: sed vbi rem vidissent, & plus strepitus, vix plus vulnerum, quàm à suis illis telis; facilè etiam recepturòs animos, & qui fuissent futuros, id est fortes, felices, & victores. Non est meum iudicium: sed Matthias ille Hunniades, rex Pannoniæ, quo nemo à multis sæculis melior, prudentior, militiâ clarior aut felicior, & addam veterum rerum (inter Principes quidè) doctior fuit, palàm ita sententiam tulit. In coronâ illustrium hominum coram ipso sermo erat de præstantiâ nostri æui; & artibus ac machinis bellicis plerique omnes veteri anteferebant. Ille autem renidenti ore, *Si centesimam partem antiquæ militiæ atas nostra teneret, & disciplinam haberemus illi parem; profectò Turcarum istud regnum non fuisset tam longè latequè diffusum. Nec tamen antiquitatem nuncupo, quæ quingentis istis aut sexcentis annis continetur: sed Romanorum illud ævum aspicio, quod cum aliis belli artibus, tum & machinis & tormentis præclare fuit instructum.* Hæc ille rex, peritè & cum iudicio: & cui res atquè euentus adstipuletur, si quis in agnus Princeps tentet. Et si fateor, nostra quoq. tela bona esse; sed validiora, si quis cum priscâ militiâ misceat temperetquæ. Sed desino. tanti regis rectum & inopinatum illud iudicium cellare te nolui: quod amabis, scio, & me vnâ. Louanij, III. Kal. Ianuar. ∞. ID. XCVI.

EPISTOLA XXII. *Bruxellam.*

PETRO PANTINO, *Decano Bruxellensi* S. D.

IAM denique scio & sentio Pantinum meum rediisse, antea opinabar. Si enim certò, an non ille ad me scriberet? imò an non (vt meum quidem desiderium erat) veniret? Nec enim ce-

lamus te nostrum affectum: habemus & habuimus te iam ante plures annos in primis amicis, idque absentem: sperare mutuum potui, imò debui, ut probitas tua est, & cum prisca doctrinâ prisca mores. Sed largiter satisfecisti vnâ hac scriptione, cui & munera adiunxisti: munera, qualia nos decebant, libros. Amo te, amabo: & certè debeo, ut est raritas talium viro- rum in nostro axe. Oudartum tamen, communem nostrum, nouisti: ille est ad Genium meliorem & nostrum, vir quo probiorem nec optes quidem. Adest amor & studium istarum artium: sed & peritia ac rerum usus adest, & cum poetâ, <sup>*. nonis me-
va mentisq;
aliorum.</sup> *κατὰ τοὺς δὲ νόμους τοῦ ποιη-
τοῦ ἄλλου.* Vnō verbo, si me amas, virum ama. De Catullianis Notis, & Inscriptionibus antiquis, gratum est: videbo: & quid- quid fructus, à te erit. Gratius, intellexisse de valetudine insta- ratâ Antonij Couarruiæ, quam afflictam aut depositam esse Stephanus Yuarra, regi à Secretis, mihi indicarat. Addiderat Homeri fato affectum, & iam cæcum esse. Gaudeo aliter habere, quia ignotum de facie virum, tamen acriter amo, & censo lu- men ac sidus esse illius tractus. Plura aliàs: hæc salutatio modò & gratulatio apud te sit, quòd saluus ad nos veneris, per maria, per mōtes: atq. ut diu in patrio isto solo sis, Deum veneror atque oro. Libri mei DE MILITIA traditi Principi sunt: ut ad me scri- bunt, grati: sed de re, quam tu exspectas, ego adhuc nihil, nisi hoc tuum, exspectare. Siquid erit, scies; etiam, si nihil erit. Schol- tum nostrum Romæ esse scis, à quo nuper litteræ, & vnâ ad Se- necam patrem Notæ. Sunt bonæ & eruditæ: sed in plerisque præuenit eum Nic. Faber, quem putò te vidisse. Vale mi Pan- tine. VI. Idus Mart. ∞. IO. XCVI.

EPISTOLA XXIII.

IOANNI SARRACENO, ex Abbate Uedastino
Archiepiscopo Cameracensi designato.

EGO verò gratulationem meâ & gaudium animo conceptū prodere scripto & stilo debeo, cum voce & sermone coram non detur. Gratulor, inquam, & gaudeo ex animo, incohatam nuper dignitatem tuam iudicio & suffragio Catholici Regis, nūc quoque summi Pontificis calculo & auctoritate firmatam. Ha-
bemus

bemus ergo te Cameracensem, veteri & illustri honore, Archiepiscopum, adiunctâ etiam laxâ gubernatione & dominio externo: atque ut diu habeamus, & Ecclesia, Respublica, Litteræ (nam & eas addam) fruantur, ex animo Deum precor. Enimvero virtus tua etsi iamantè campum habuit in quo se exerceret, itemque prudentia: tamen utraque nunc amplius, ut sic dicam, theatrum habet, & in oculis est Belgicæ, vicinæ Galliæ, ac pænè dixerim Europæ. Quò magis illud apprecamur, ut personam tãtam aprè & decorè sustineas, ex Dei gloriâ, tuâ famâ, usu omnium: cui rei nec vites, nec voluntatem tibi deesse sciinus, vouemus tantùm ut ventus diuini fauoris aspires, & inter fluctus nauim hanc dirigas ad tuæ & publicæ Salutis portum. Reuerendissime & Illustrissime Domine valere te & perennare cupio. Louanij, XII. Kal. Octobr. ∞. IO. XCVI.

EPISTOLA XXIIII.

NIC. OYDARTO S. D.

INVITAS me amicè (nónne animum tuum noui?) ad colloquia & conuiuia, cum Pantino & Hartio nostris, quibus adefsem maximè equidem vellem. Quid me tenet igitur? id ipsum quod fortasse deberet propellere, valetudo solito infirmior, quam vel cibi isti ^{ἀναμωσι}, vel alia caussa conciliauit. Vix ausim ^{si sine sanguine.} per eam commouere me, & tamen scriò credo in vestro vultu & colloquiis leuandam illam aut ponendam. Mi Oudarte, iamdiu te amicum habeo, & per litteras animum tuum noui, priusquam ipsum te & totum hominem nossem: sed in omni amicorum classe non est, quem probitate, & cãdore, & fide tibi præponam. Iure ergo ad te propendo, & eò magis quia fortasse diu frui mihi quidem non licebit. Sentio corpusculum hoc deficere, & internum illum hostem, qui hepar ipsum obsidet, vires sumere, viribus meis æuo & tædio imminutis. Quid mali est? mihi crede, quò propiùs & diutiùs res humanas intucor, magis aspernari & fugere eas libet, & toto alio orbe disiungi. Heu vanitates, heu malitias, heu ineptias etiam, quas video! & ipsum istud legere, scribere, discere, quid nisi oculos magis aperit ad videndum & noscendum? Qui cum ludo aut mimo comparauit totum hoc

nostrum viuere, is mihi rem visus intellegere : sed eant, perfe-
deant qui volent, & spectent: ego satur abiturio, & theatri por-
tas spectro. Vtinam & superas portas! à quibus animus hic de-
missus, auet & debet iisdem recipi: quod spero in illo, qui me fe-
cit, aluit, seruauit. Vale mi Oudarte, & nunc de aduentu excusa:
aliàs vel inopinatus te oppressero, si Deus firmitatem dabit. Lo-
uanij, Kal. Martiis. ∞. 15. XCVII.

EPISTOLA XXV. *Bruxellam.*

D. GERARDO DE HORNES, *Baroni Baussigniaci,
Toparche Iscano.*

LITTERAS tuas datas ante tres septimanas, ante biduum de-
mum accepi: nec siluissẽ sanè tamdiu (vt meus in te cul-
tus est) si prius vidissẽ. Neglegentia tabellarij interuenerit o-
portet, in tantillo interuallo. Hoc premisi, vt silentium meum
excusares: at de ipsa re, quid dicam, nisi gratissimum mihi hunc
affectum tuum & in me, & in Iscanũ tuum, esse? Ego verò amo
locum; & affectum, vt vidisti, etiam publicè, & alieno pænè lō-
co, expressi. Vtinam facies ea esset, quæ solebat! valdè nunc de-
formis, cùm ob duplicia incendia, tum & quia homines ac mo-
res non sunt, qui solebant. Infausta hæc ciuilia bella, inter alia
mala, hanc quoque labem morum induxerunt, & homines ne-
scio quomodo feroces, prauos, impios reddiderunt. Paullatim
hæc tuã etiam prudentiã & curã emendari possunt, & restitui
locus atque homines in veterem splendorem. Quò inuitare pro-
fectò pax hæc debet, quam cum Gallis certò habemus (vt vñdi-
que nunciant) consecutam. Ita securitas iis locis erit & quies, & li-
berius exeri auctoritas tua atque imperium poterunt, & mutari
aut tolli quæ videbuntur. Ego certè, si tempora indulgebunt,
non solùm crebrò illuc comineem, sed etiam secessum illum se-
nectuti atque otio meo (si Deus dabit) seponam. In eo & te ali-
quando, Nobil^{me} Domine, videre atque affari mihi votum sit,
cum Dominã, quæ hæredem tibi donet. Louanij, XIII. Kaled.
Iun. ∞. 15. XCVII.

EPISTOLA XXVI.

Brugas.

IANO LERNVTIO, *suo fido & veteri S. D.*

SILVI mi Lernuti, post gratissimum tuum Carmen, quod sine in animo isto interiore affecit, non ob laudem, sed ob amorem. Amo, amaui te; & amari à te, hoc quoque valdè amo. Silui tamen vt dixi, quâ causâ? quæ nec ipsa causâ esse debuit, valetudine impeditus. Ea mihi tristior est, & fuit ab illis castimoniz & abstinentiz nostris diebus; & in languore sum & ignauia etiam, assiduâ comite huius mei morbi. Atqui alij passim me incitant ad scribendum aliquid, & cudendum: hem, nec nunc quies? O æuui, quod exigis officia, non reponis! Nam titulis quidè & iudiciis in me honesti sunt, in re cessatores. Quæ tamen culpa Quæstorum potius, quàm Principum est: sed quid refert? illi nunc habent regnum. Deus, rex, tempus emendabunt. tibi si benè, sanè, & iucundè est, gratulor, & toto pectore voueo talem perseverare. Filius valet, studiis operatur, me amicum habet & habebit. Louanij, Idibus Maijs. ∞. ID. XCVII.

EPISTOLA XXVII.

P. LEONARDO LESSIO, *Theologo Soc. Iesu.*

IN variis & parè cottidianis sermonibus nostris, de NOTIS tabulati sumus: quatuor vsu crebrius vel adsiduum veteribus, vterque consueuimus cum fructu & bono publico reuocandum. Sed quâ fiet? exoleuerunt illæ, & fuisse magis, quàm quid & quâ facie fuerint, scimus. Ostendebas te non nolle vt aliquid huic rei colligerem, collectum ad te deferrem, melius sic certiusque arbitrandum, an tanti tota res esset. Facio igitur: & cuius causâ magis velim, aut debeam? Tuum est, vt Homericò versu dicam,

— ὅσους μὲν ἐγὼ δυνάμαι χροόντες ποόντες

Καὶ δέξι.

Notas hîc appellamus, scripturæ quædam compendia, cùm verba non perferibimus, sed signamus: celeritati, & excerptioni repertas. Ipse qui hoc facit, *Notarius* dictus. Glossæ: *Notarius*, ζε-
 ρεράτης: *velox scriptor*: à fine. Suidas: *Notάριος*, ὑπογραφεύς:
 quasi

* quantum
 equidem
 possum ma-
 nibus pedi-
 busq; &
 Robore com-
 miti.

Lib. II. ca.
XXVI.

XX. My-
thol. in Or-
pheo.
* Sic legi-
mus vulgò
corrupta.

Ang. cap.
LXIII.

In eius vi-
tâ.

Lib. I. c. XXI

quasi dicas *Exceptorem*, ab usu. Iterum Glossæ: *Notarius*, σημε-
γράφος: qui per signa scribit, à modo. Hinc Aufonij quædam
Epigraphæ: *Ad Notarium, velocissimè scribentem*. Augustinus, de
Doct. Christi. *Ex eo genere sunt etiam Notæ, quas qui didicerunt, pro-
priè iam Notarii appellantur*. Itaque duplex apud veteres scribendi
ratio, *Scriptura* & *Notaria*: illam καλλιγραφίαν, hanc ταχυγραφίαν
dicebant. Scriptor aliquis, apud Suidam, de Origene illo, Græ-
ciæ stellâ, utinam non caducâ: Αμβρόσιος, inquit, πολλὰ βιβλίου
& ὁδὸν διατάξας, & ταχυγράφως ὑπὸ ὁδοῦ ἡγίας ἐπὶ τα, καλλιγράφως δὲ
πάλιν, ἐρησώσαι αὐτὸν τὰς θείας γραφάς ποιῶντες: *Ambrosius* (quidam
inter potentes) multa eum orans & adigens, & septem ei *Notarios*,
plures scriptores alios apponens, commentarium sacros libros curavit.
Fulgentius & has intellexit: *In omnibus artibus sunt primæ artes,
sunt secundæ, ut in puerilibus litteris primæ est Abecedaria, secundæ
Notaria*. Rationem scribendi per litteras, ut faciliorem, primam
discebant; tum istam. In Suetonio huic sensui iam olim emen-
dauimus: *Nepotes & litteras, & notare* (siue *Notariam*) aliæque
*rudimenta per se plerumque docuit: ac nihil æquè laborauit, quàm ut
imitarentur chirographum suum*. Vulgò quidem *natare* scribitur,
& defendunt alij: sed rem & textum Suetonij qui attendet, nisi
prauis peruicax est, ad me ibit. Sed *Notarium* istarum quis pri-
mus auctor? Ego libenter Græcis gloriam dederim, & nomina-
tim Xenophonti, philosopho & historico. de quo Diogenes: ὁ
πρῶτος ὁ ὑποσημειωσάμενος τὰ λεγόμενα, εἰς ἀνθρώπων ἡγεγας: *Primus
notis excipiens dicta* (Socratis) *in lucem hominesque protulit*. At La-
tini ad se trahunt. de quibus ita Isidorus: *Vulgares Notas Ennius
primus mille & centum inuenit*. Appellat vulgares, ut à *Iuridicis
& Militaribus*, de quibus subiicit, distinguat: & quia hæ in
cōmunissimo usu. Sed itane auctor Ennius? nusquam lectum, &
ipse Isidorus mox abnuat: *Romæ primus Tullius Tiro Ciceronis liber-
tus commentus est Notas sed tantum præpositionum*. Post eum *Tertius
Persannius Philargyrus, & Aquila Macenatis libertus alius alias
addiderunt: deinde Seneca* (patrem puto intellegi) *contracto om-
nium digestoque numero, & aucto, opus effecit in quinquemillia*. Quis
hic ille *Tertius*? nullus in libris scriptis, quos ego vidi: & vox ab-
est. Itaque legam, *Post eum Persannius*: & idem nomen supra
reponere ausum: *Vulgares Notas Persannius primus*: non autem

Ennius.

Ennius. Ita dicat istum repperisse primum tali numero *Notas*: etsi paucas antea *Tiro Tullius*, & ut addit (sica quoque verba sincera) *præpositionum* tantum. neque enim commodè hîc ingero aut digero *præpositiones*: tu iuuabis, si potes. At *Plutarchus* *Ennium* quoque reiicit, & magis pro *Tirone* est. nam scribit in *Catone Vticensi*, vnam eius orationem proflare, exceptam *Ciceronis* operâ, qui in curiâ celerrimos scribas disposuerat, prædoctos *Notis* & signis veti. Addit deinde: ἔτι οὐκ ἦσαν, ἐδὲ ἐκείνῳ τὰς καλουμένας σημειωτάδας: nondum enim instituerant, neque habebant, *Notarios* dictos. Sed magis hoc clarè *Eusebius*: *M. Tullius Tiro*, *Ciceronis* liber-
bertus, primus *Notas* commentus est. *Dionem Cassium* mente refragari istis non arbitror, etsi pænè verbis. nam scribit, & laudat inter alia *Mæcnam* : ὁ πρῶτος σημειῶν τὰ γραμμάτων πρὸς τὰ ἔξοχα: quòd primus *Notas* quasdam ad eeleritatem scribendi inuenit. Non herclè primus omnes, sed quasdam ex iis, & auxit. Imò reuerà nec *Cicero*, nec ipse: sed liberti eorum, ut ex *Isidoro* clarum: etsi *Plutarchus* & *Dio* patronis attribuerunt. *Seneca* noster magis ingenuè: Quid loquar verborum *Notas*, quibus quamvis citata excipiat oratio? vilissimorum mancipiorum ista commenta sunt: *Tironis*, *Perfannij*, *Aquilæ*, libertorum aut seruorum. Hæc inuentio, propagatio, auctio: quis vsus? duplex, publicus & priuatus. *Isidorus* suggerit: *Notarum* vsus erat, ut quicquid pro concione, aut in iudiciis diceretur, librarij scriberent complures simul adstantes, diuisis inter se partibus, quot quisque verba, & quo ordine exciperet. Ait fuisse complures simul: quod necessum, vbi citata & longa oratio, neque vnus mens aut manus suffecisset. Ait, adstantes: at liber scriptus, addentes: ex quo possis, audientes. Ait denique, diuississe partes, & verba: id est, ut primus sex prima verba (pro exemplo) secundus sex altera, tertius tertia: aut tali diuisione. & postea simul iuncti & conferentes, in membris insitis, orationem explerent. Ac plurimum ita fuerit, certiusque ita fuerit: arte tamen adauctâ, nihil ambigam vel vnum suffecisse. Igitur publicè hîc vsus, orationes & dicta excipere, ac prouulgare. Ita *Asconius* tradidit, orationem *Ciceronis* pro *Milone*, ipsam quam dixerat (nam hodierna hæc scripta modò est) exceptam fuisse, quæ suo tempore exflaret. Et *Fabius* queritur, orationes aliquot suas circumferri, negligentia excipientium in questum *Notariorum* cor-

In Chron.

Lib. xv.
Ad ian-
nii
DCCXLVI.

Epist. x.

*Nec da-
mnamus
tamen ad-
stantes.Lib. vii.
cap. lxx.

ruptas. Culpatur non de facultate, sed de intentione: & quod tantum in quaestum, non fidem, exceperint. Factum idem in Actis iudicialibus, & documento hodieque aliquot Christi martyrum: in quibus omnia verba ultro citroque dicta referuntur.

Lib. xlii. Vlpianus hac occasione censet: *eos qui Notis scribunt Acta iudicum, reip. causâ videri abesse*. Ammianus, *Iudici assistentes hinc inde Notarios facit*. Manilius de Iurisprudente:

Hic etiam legum tabulas, & condita verba

Nouit, atque Notis leuibus pendentiâ verba.

Cod. de vtroque iure coucl.

Quia crebro scilicet earum ibi usus, quod tamen Iustiniano displicuit, ob causas: vetuitque *per signorum captiones & compendiosa enigmata Codicis sui textum conscribi*. Publicè igitur hic usus:

at priuatim, plurimus. siue in epistolis, orationibus, scriptis aliis subito dictandis; siue in excipiendo statim, & sine iacturâ magnâ lectionis, adnotando. Plinius minor, de maiore: *Sæper ei, etiam in itinere, Notarium adlatus fuisse, cum libro & pugillaribus*. Idem de sese alibi: *Notarium voco, & die admissio, quæ formaueram, dicto*.

Lib. xlii. ep. v.

Quis neget grande in eo commodum? & quod calor vel intentio dictantis morâ non tepefcit aut frangitur? Hodie si in lectionibus publicis, ubi Dictatura regnat, vsurpetur: quanto bono, & quo temporis scœnore fiat? Nam mira hic in excipiendo celeritas: quæ finis & fructus propriè huius inuenti. Celeritas inquam tanta, ut *quamuis citata* (verba Senecæ) *excipiat oratio, & celeritatem lingua manus sequatur*. Quid, sequatur? imò præueniat: & ita Martialis in lemmate, *Notarius*:

Epist. xc.

Currant verba licet, manus est velocior illis,

Nondum lingua, suum dextra peregit opus.

Lib. lxi.

Manilius, de codem:

Quiq. notis linguam superet, cursumque loquentis.

Ausonius ad suum Notarium:

Tu sensa nostri pectoris

Vix dicta, iam ceris tenes,

Tu me loquentem praeuenis.

Et addit pulchrè:

Quis, quaeso, quis me prodidit?

Quis ista iam dixit tibi,

Quæ cogitabam dicere?

Ideò *Furta verborum* Hieronymus dixit: *Extemporalis est dictatio*, & tantâ ad lumen lucernula facilitate profusa, vt *Notariorum manus* lingua præcurreret, & signa ac furta verborum volubilitas sermonis obrueret. Furta, inquam, vel quia eripiunt & præcipiunt verba: vel etiam, quia tegunt & compendio quasi clepunt. Sed quid aut quales fuere igitur? inquires. Communiter possum dicere, videri duplices fuisse, *Litteras* & *Signa*. *Litteras*, vt cùm vna aliqua hoc aut illud verbi notat. P. *Publius*: eadem, *Pupillus*: eadem inuerfa, *Pupilla*. Item C. *Caius*: conuerfa C. *Caia*: & quæ talia passim in libris aut monumentis. Sed cùm ex pauca essent, *Signa* reperta, plerisque verbis notandis: quidni plerisque? cùm ad quinque millia fuisse à Senecâ, suprà dictum? Ea autem aliâ quadam & minutâ facie, vt iure à litteris distinguantur. Iuriconsultus: *Notis scriptæ tabule non continentur edicto*, quia *Notas litteras non esse* *Pedius* scribit. *Sidonius*: *Tribuit & quoddam dictare celeranti scribarum sequacitas saltuosa compendium, qui comprehendebant signis, quod litteris non tenebant*. *Signa* igitur, & parua. atque ita *Plutarchus* notificat: *συνεῖτα ἐν μικροῖς καὶ βραχείσι τύποις πολλῶν γραμμάτων διωκόμενα*: *Signa in paruis & breuib; figuris, multarum litterarum vim includentia*. *Ausonius* *Puncta* appellat:

Punctis peracta singulis

Vt vna vox absoluitur.

Et benè *Singulis*: vnde & sic appellarunt. *Iustinianus* in *Constitutione* Græcâ: *Συνεῖται ἐν τῇ γραφῇ, ἀπὸρ Σηγλας καλεῖται*: *Notis inscripturâ, quas Singulas appellant*. Sed de *Punctis*, etiam *Prudentius*, de *Calliano* martyre, doctore eiusce artis:

Cod. de r-
troq. iure
encl.

πρὶ εἰσ.
Hymn. ix.

*Præfuerat studiis puerilibus, & grege multo
Septus, magister litterarum sederat,
Verba notis breuib; comprehendere multa peritus,
Raptimque punctis dicta præpetibus sequi.*

Et addit eum damnatum, & adiudicatum ipsis pueris, qui stilis foderent & conficerent, imitatione illius artis. Itaque clamant:

*Reddimus ecce tibi tam MILLIA MVLTa notarum,
Quàm stando, flendo, te docente, excepimus.
Pangere puncta libet, sulcisque intexere sulcos,
Flexas catenis impedire virgulas.*

Ex quibus videas & *Puncta* fuisse, & *Lineas*, & *Flexuras* ac *Cate-*

nationes. Nec plura repperi. aiunt libros alibi in bibliothecis extare harum Notarum : cur non edunt ? quanto vtilius , quàm nugas quasdam hodie atq. heri natas ? Enimverò periisse vtilissimam (ita censeo) artem , dolendum est : & reparabilem tamen , si libeat adniti. Sinenses hodieque characteres habent , quibus tota verba signant : sed operosos ferè aut implexos. Expeditius aliquid oporteat. & credam à sagacibus viris , in paucis diebus , repertum iri , si iubeantur. Finiui mi Pater , tu iudicabis , & tabellam dimittes , me animo tuo & precibus includes. In Musæo nostro , hodie horis matutinis.

EPISTOLA XXVIII. *Machliniam.*

P. HENRICO SEDVLIO , *Ordinis D. Francisci.*

LIBRUM tuum accepi , neque vno nomine libens vidi. Quia argumentum pium erat ; quia de capite & principe Ordinis vestri erat ; quia à te ipso erat , quem iam pridem cum veneratione quadam (seriò loquor) amo. Vidi igitur libens , & legi libentiùs : ita me & res , & ipsa scriptio tua , & iudicium trahebant. Multa opportunè miscuisti , ad fidem , ad intelligentiam , ad vitam & mores : quam partem in his scriptis ego maximè requiro & amo. Non dicam de stilo tuo , qui grauis simul , & præter communem morem disertus est : sed illum adesse etsi gaudeo ; tamen si absit , ipsa etiam res sic tractata delectet. Ordo , & iudicium , & optimus ille finis , ea sunt , quæ in re Pietatis me capiunt : & tum maximè , cùm à spirante animo & incenso veniunt , & qui sentire se ostendit quæ dicit. Fateor me iis moueri , trahi , rapi : fac tu sepe mi Pater , & in Dei honorem , & nostrum bonum , scribe. Loquentem olim audiui cum fructu ; recognosco nunc in scriptione. Quod dixi , amo te , & veneror : illud prius tu mihi facito , & precibus etiam iuua. Louanij , x. Kal. Sept. ∞. IO. XCIIII. Adiunxi munusculum bellariorum , quæ valetudini tuæ seruire toto animo opto.

EPISTOLA XXIX.

Montes.

GAROLO DESIDERIO S. D.

GAVISVS sum, cùm per te intellexi venisse incolumem quòd velles, & iam in auspiciis esse muneris tui quod suscepisti. In quo si quæ molestiæ erunt fortassè (imò quia erunt, vt sunt res humanæ) sustinere eas magno animo & vincere oportet, aspectu isto duplici. quòd & splendidum atque illustre munus impositum tibi sit; & quòd tua in eo cura, ad Remp. ipsam in parte spectat. Non ignoras Principes istos adolescentes qui assurgunt, quasi fulcra & columnas esse in magno ædificio; quod iis aliquando innitetur, firmiter & fideliter, si institutio sit à fideli & eruditâ manu. Vtrumque tibi hoc adesse censemus, & Fidei plus satis, & Eruditionis quantum sit satis ad illum, & grandiores etiam, poliendos & formandos. Deus rogetur tantùm, vt laboranti tibi adspiret, & nobili ingenio amorem & affectum erga doctrinam & docentem simul inspiret. Enimuerò quin breui vel hæc vel alia Academia vos sit habitura (sed hanc mallem) non ambigo: & tuum licebit pleno gradu pergere iter, quod suspensio aut resistente alibi pede est nunc tibi calcandum. Certè nos tunc operâ & voce iuuare possemus, nunc voto & hortatu tantùm. De Galliâ terrores quòd illic habetis, nos hîc nullos: imò de pace creber & certus sermo. Quæ mihi tamen ambigua erit, quidquid colloquia & tractatus instituantur, donec audiam pertractasse & conuenisse. Faxit Deus: & te cum Ill^{mo} Duce; & Nob^{mo} discipulo incolumes seruet: tibi autem illius beniuolentiam, huius reuerentiam & amorem. Louanij, vi. Idus Nouemb. ∞. Id. xcviij.

EPISTOLA XXX. *Bruxellam.*PETRO BOSCHIO, I^{to} & Iudici exercitus Regij.

PONO frontem, & ad te venio petiturus, quod vix res tuæ patiuntur, scio: sed amicitia nostra patitur, imò animus in me tuus ad maiora animum mihi addat. De mutuo meo, sanè in isto sum certus. Peto autem iuuari à te in extremâ istâ metâ rei nostræ, siue litis: quam tangere non potest, & heret sine operâ

tuæ manus. Cedo eam quæso, quantumuis leuem & breuem. nam vicatium alium dare ægrè possumus, qui eam norit : & ut norit, spes mihi est (sincerè dico) in mente & manu tuâ. Vale. Louanij, xvii. Kal. Apriles. ∞. Id. xcviij.

EPISTOLA XXXI.

PETRO PANTINO, *Decano S. D.*

DVPLICITER dolui epistolâ tuâ lectâ : primùm, quòd inualetudo te haberet, quæ adurgeret Spadam ire : deinde, quòd mihi comitem esse non liceret, uti tu, quid tu ? imò & ego vellem. Nam reuerà & languor meus vetus illuc trahit, semper ibi aliquâ alleuatione : & in tuo consortio iuuat esse, & inter rupes ac siluas illas ambulare, garrere, ridere. Nam & hoc in eo loco opus, & seriæ cogitationes aut curæ tradendæ ventis sunt, in mare, ut ille ait, ferendæ. Volebam igitur, vel potius hauebam : sed pericula me absterrent, & iure Batauos aucupes metuo, quorum arundo alas mihi verberauit. Audisti confusionem & fugam nostram, cum nuper illuc fui. Itaque hac æstate differo ; & pax me illuc restituet, si tamen Deus speratam eam dabit. Quem commendasti, cupio & faciam, ubi occasio erit. Nam hæc subita esse non possunt. Vale Reu^{te} & Cl^{me} Domine. Louanij, prid. Kal. Iun. ∞. Id. xcviij.

Quod oblitus sum dicere, ego Aquas hîc bibo, procul à fonte suo, & ideo minùs efficaces, fateor : sed tamen vel sic iuuant.

EPISTOLA XXXII. *Bruxellam.*

HENRICO STRAVIO I^{to} & Canonico S. D.

Ex litteris tuis vidi, quid in rem & famam meam amicè fecisses. Quæ tu æstimabas & loco aliquo habebas, voluisti item ab aliis : & libros meos in Italiam, ad viros illos magnos, misisti. Benè cessit, mi Straui, & iudicium pro voto tuo rettulisti : quid tuo ? etiam meo, negare non debeo, & Italiæ indicis me & mea probari semper habui inter voriuâ. Quidquid hoc est litterarum reliquum, illis debemus ; quidquid etiam ego in hoc genere profeci aut possum, magnam partē debeo viris quos tellus

tellus ea dedit. Sed & ipsam vidimus, & iudicia etiam nostra ad elegantiam aliquam formauimus in meliore illo cælo & solo. Consuetudo virorum aliquot summorum, qui tunc viuebant, & incitauit me ad hæc studia, & bonâ rectâque viâ perduxit. Itaque, vt dixi, amo iure & amabo Italiam, & amari aut probari ab eâ æstimabo. Sed sic, vt excitet me ea laudatio, non attollat aut vano vento inflet: cum sciam nec maxima mea esse, & quidquid sunt, non à me esse. Sicut locus à sole illustratus, splendorem, sed alienum, habet: sic nobis euenit, quibus lux hæc communis à supremâ illâ luce. At tu mi Straui, vt concludam, amicè: & debere me gratiam sentio, & habeo, & animo affectuq. tuum esse serior testor. Vale. Louanij, IIII. Idus Iulias, ∞. IO. XCVIII.

EPISTOLA XXXIII. *Leodicum.*

M. ANTONIO DELRIO S. D. *Ex animo optat.*

IAMNUNC tuas vidi, sed egone vt fileam in tanto meo gaudio pariter, & dolore? Dolui, dolui tuos casus,

—*dura nauis,*

Dura super mala, dura belli.

Omnia conspirarunt in te, sed pro nobis, certè pro me, qui te ubique retineo & animi sinu inuoluo, sed propiorem malo, & sæpius aut litteris aut aspectu etiam frui. Quis vel hunc mihi eripiat, cum in Belgicâ es? adibo & reperiam te ubique locorum eris; & si Leodici, iam nunc promitto in æstatem, & reducem gratulabor & amplectar. Omitte, per Deum, in posterum has cogitationes, quas ille improbat: nonne vides? & illi gratias, non tibi, debemus, qui fugituum retraxit. Ignosce huic verbo, amor dictat, & dolor etiam, sed quem gaudio muto. mane apud nos, viue, & morere, cum hora illa erit. Tarda sit. me ama, asperge aquam languido tuis litteris, ego non deero mutuum facere vtrumque. Ad lumen scripsi, nec diu potero, gemina illa sidera mea caligare incipiunt, & ad vitrea auxilia deuoluor. Heu homo, heu æthereæ etiam partes! fatiscitis, aut peritis. Louanij, VIII. Kal. Nouemb. ∞. IO. XCVIII.

EPI-

EPISTOLA XXXIV. *Mechliniam.*IOH. BERNARTIO *Cognato S. D.*

EST vt dicis, aliquot menses filui. Sed mi Bernarti, apud ple-
tosque omnes hoc iam vsurpo, nec nisi necessario scribo.
Valetudo ista & multiplex distractio iubent: neque me cen-
sueris * *ναζιάς πρίσας ἐς ἄλλας ἀκόντας*, vt hoc cum Pindaro dicam.
Ætas etiam atterit & delibat, ac quinquagesimum primum an-
num iam sum ingressus. An plures addam? tu trepidas & malè
ominaris, & iter hoc Italicum nescio quid fatale præfagis. Noli
mi amice. bonis votis ominibusq. prosequere, abeunte in dum-
taxat bono illo & Pictatis fine. Sacer annus & sæcularis est, qui
me inducit: si in conatu ipso moriar, præsentanea & perpetua
merces erit. An & hoc indecorum, homini inorum & studiorum
veterum, mori in eorum altrice & parente Italiâ? Deo decretum
hoc in arcano & tacito consilio: fiat, si ita est: redeam, si non est,
& vobis iterum fruam. Nam redire mihi quidem certum est, nec
vllæ blanditiæ aut promissa me sistant, imò nec retardent. Pau-
corum mensium iter est: nec plura de eo, ne & saluam tibi mo-
ueam, an iam moui? Nam fallor, aut vnà velles: sed compe-
dem tuam vide, quâ custos ille teligat. Mane, mane, voto me ex-
specta, & ARAM FORTVNÆ REDVCI para. Quamquam hæc
inaturè satis (aliquot enim menses intersunt) sed scriptio tua eò
trahit. Louanij, v. Idus Mart. ∞. IO. XCIX.

De Commentario tuo Statiano iam sciebam, & Moretus ad me
scripserat. De inscriptione, nihil deliberandum censeo quin ad
Archiepiscopum nostrum eas, virum à se & virtutibus clarum, &
præconiis etiam nostris meritò faciendum. Nam de aliis apud
nos Dynastis, omitte. Oudartum tamen audire potes.

EPISTOLA XXXV.

CHRISTOPHORO ASSONVILLIO, *Consiliario intimo.*

PRO veteri & perpetuo meo cultu, quem tibi meritò defero,
referre consilium meum debui, quod in re meâ recenter ce-
pi. Id est tale. Instat annus Sacer siue Iubilæus à Bonifacio VIII.
Pont. ad incitamentum pietatis, & noxis purgandis, institutus:
ad

ad quem me religio primùm, tum & viri aliquot in Italiâ Principes, sed & valetudo inuitat. Religio ante omnia. & cùm Deus viuere mihi dederit (si tamen uiuo) verè sæcularem & centesimum illum annum; vtar hoc beneficio, & Lustralia illa sacra in sacro ipso loco obibo. Sed & aliquid tribuendum primoribus illis in Ecclesiâ aut Rep. viris videtur: qui cùm crebrò iam inuident, & mansionem iis meam pertinaciter negauerim, liceat indulgere breuem hanc peregrinationem & visionem. Breuem, inquam. nec enim aliter statui, quàm ire in Autumno proximo, & in vere primo redire. Certè Principes & patria mea me tenebunt, nec in hac ætate & valetudine ingrauescente noua consilia aut sedes quæram. Hoc rogo vt tibi aliisque (si opus erit) persuadeas: tum & illud, sperare me omninò per hunc motum & mutationem aliquid in valetudine mutatum iri, quæ certè nunc languet. Eius enim curam aliquam me gerere, & ratio vult, & vos patroni atque amici mei, vt spero, non abnuentis. Hoc iterùm rogo Ampl^{ma} & Nobil^{ma} Domine: Deum autem, vt bono publico, cui natus es, te diutissimè seruet. Louanij, VII. Kalen. Maijas. ∞. IO. XCIX.

EPISTOLA XXXVI. *Bruxellam.*NICOLAO FABRO *doctori iuuentutis S. D.*

Tv verò acriter litteras meas desideras: sed quo argumento donem? Laudes in me congeris; non admitto, nec quicquam in iis probo præter affectum, qui expressit. Vt oculus, in quem humor aut phlegma illapsum, parum videt: sic animi acies, quem Amor inumbrat. Fit tibi mi Faber, tibi. & Lipsium quia valdè amas, valdè æstimas: vtinam re sic attollendum per hæc iudicia & mutandum! Sed animo tamen non attollar, absit: mei gnarus apud me manebo, nec inter Aquilas censebo, quæ sublimes cæli plagas petunt, sed inter Struthiones aut marinos passeret, qui curriculo, vt ille ait, volant. Terram rado, ærem capto: & quid me detinet aut detrahit? corporis pondus, & præsertim hoc morbi, qui tot annos adhæret & opprimit, etiam nunc medium & incertum vitæ an fati. Verè loquor, per hos menses ille meus hostis sic inualuit & sæuiit, vt ultra vix sim

c ad

ad munia & functiones publicas, quas obimus. Vide remedium, quod petere institui. unde? à Deo & pietate. Romam ire ad annum sacrum Sacularem mihi decretum est: & si non sanior, melior certè rediero puriorque per lustrationem istam publicam diuinitus ibi concessam. Quid si & ipsa peregrinatio ac motus iuuabunt & alleuabunt? spero & opto: tu mecum pro amore tuo, mi Faber. Quem redamo, & saluere iubeo. Louanij, xv. Kal. Iun. ∞. ID. XCIX.

EPISTOLA XXXVII.

OTHONI HARTIO. V. Cl. S. D.

ECCE fortasse quod libenter audias, in Italiam nunc non imus. Litteras accepi ex ipsa Vrbe, quarum exemplar ad te mitto: & videbis morbo, qui est aut imminet, iure nos terreri, imò & teneri. Quis molestias nescit, quas in singulis vrbibus Italiae ferre necesse est, vbi vel minima contagionis suspicio? at nunc ipsum regionis aditum ac limen obsidet in parte. Lōgius etiam, ut anni tempus est, se sparget fortasse: quid tum nisi frustra suscepimus iter, nec irriti tantum, sed irrisi? Ergo lentè & cautè præstat: quò me etiam ducit vel inuitum valetudo, tristior & cui symptomata quædam noua. Alioqui assidua inuitationes excitabant, & fortasse ambituuncula aliqua (cur negem?

—*neque enim mihi cornea fibra est,*

ut Poëta ait) ambituuncula, inquam, etiam trahebat. Videre Principes viros atque vrbes, videri & excipi, optabile erat, si Deo & Fatis visum fuisset. Nunc depono cogitationem, & magno Rectori me attempero, cui infelix qui recalcitrat aut obsistit. Ad Oudartum nostrum scribam: scripsi iam nunc ad D. Thesaurarium, cuius intererat hoc scire, & ob affectum in me (seriò cottidie experior) & ob cogitationem de Cognato. Cl^{me} Domine, valere te cum tuâ & tuis ex animo opto voueoque. Louanij, viii. Kal. Sextil. ∞. ID. XCIX.

EPISTOLA XXXVIII. *Antuerpiam.*EMANVELI XIMENIO *Lusitano S. D.*

EPISTOLAM tuam legi beniuolentiæ in me testem, & curæ quæ tibi de te & tuis est veniendi ad virtutem. Illâ & hac delector : & in istâ libens etiam iuuabo, si quid consilio possum. De teipso tamen res mihi facilis videtur, & tu tali ingenio atque indole (Deus ea dedit) in portu esse iam potes, imò es etiam, si esse te censes. Fluctuatio ista & timor abiicienda sunt : genus vitæ sumendum, & in sumpto firmiter hærendum, atque id molliendum est (nam dura semper aliqua euenient) cogitatione meliori aut lectione. Sortem humanam si benè nouimus (nosse autem Philosophia docebit) quid mirum, aut acerbum, in vitâ hac erit? Imò tibi multa læta, quem supra tot millia extulit benignior ille Deus. Hoc cogita, quos præcedas, non quos sequare: & simul eos ipsos, quos sequeris, iactari suo metus aut spei æstu. Duo isti affectus vitam exagitant, & ut venti mare hoc nostrum, per se quietum, turbât: vinci eos planè aut eiici frustra suadeam, temperari tamen possunt, & à Sapientiæ ac Quietis studio debent. Ad hæc & istiusmodi solatia libros sacros si addis; culmen ædificio imponis, & tectum te præstabo contra iniurias nimbosque humanos. Libelli, quos nominas, boni sunt: at in ipsis Bibliis quid melius sapientiusque *Sapientiæ*, *Prouerborum*, *Ecclesiasticis* illis libris? Sunt breuia multa, fateor: sed ea me capiunt, & amo hæc monita talia esse, sicut leges & sanctiones quasdam vitæ. Satis de te, & tu tibi (conare tantum) sufficis: de filio, quid suadebo? Curam hanc & affectum verè paternum laudo: & quas meliores firmioresque illi opes, quàm has Virtutis & Sapientiæ relinques? Ad vtramque igitur ducendus es; & nunc ducendus, dum ætas hæc mollis, & quasi cera, signa melioris doctrinæ & monitorum admittit. Domi tamen tuæ, in tenerâ hac ætate, adhuc haberi suadeam: si tamen Schola & institutio publica displicet, quam illic laudatam habetis. Inter plures non libentiùs solum, sed plus etiam discunt. Pædagogum velim ex voto tuo, & vsu pueri esse: ac dispiciam, si quis hîc talis erit. Sed nunc infrequens nostra Schola, & lues, quæ grassari incepit, plerosque abegit. Cùm redierint, seriò cogitabo. Nam de

meâ domo, si consideras, profectò immaturum est: & progressus paullo grandiores oporteat eum secisse, si vtiliter in hoc contubernio nostro sit futurus. Post annum vel annos, si voluntas tua, & occasio aut opportunitas mea erit; profectò non negabo, & ostendam me in te amicum esse. Publica, quæ tangis, parùm lata sunt. & quid mirum est? mirum, si aliter in consiliis & viâ, quæ initur. Iudicia mea haud libens interpono, & nimis antiquorum hominum videamur: tamen liberè & strictè dico; istis nouitiis moribus & consiliis, nescio an augebimus imperium, utinam partem retineamus. Bataui in exiguâ potentiâ, ostendunt Ordinis & Oeconomix vim magnam esse: nos, sed desino. & querelæ, etsi leuant fortasse dolorem, non tamen tollunt. Vale vir Nobilis & magnifice, & me cense animo atque operâ tuum. Louanij, III. Kalend. Sept. ∞. IO. XCIX.

EPISTOLA XXXIX. *Bruxellam.*

PHILIPPO RVBENIO meo S. D.

ALIVOT tuas litteras accepi, legi, lubens, suauiter; & beneficium, non solum officium, ut censes, præstitisti. Quidni quos amamus, etiâ absentes libenter in litteris videamus, & alloquamur? litteris, quas summum solatium, & vtilissimum instrumentum (Philosophiam semper excipio) censere licet humanæ vitæ? Ergo eas missita, & in iis te videâ, publica etiam videam: nec præsentia solum, sed genere quodam futura. De Germanis, *παρὰ δ' ὅσων καὶ ἐλπίδα* esse, hoc fateor: sed benè opinari nondum desij, & Deus aliquis ad suum, id est bonum finem hæc aptabit. Caligo mentis humanæ in nullâ re magis, quàm publicâ, apparet: siue quia ipsi Principes & eorum consilia recondita, tecta: siue quia Fata, & illa implexa rerum series, semper in obscuro. *ὁμοῦ καὶ τοῦ ἀντιθέτου* Homerus & priscæ Iouem in nubibus habitantem, & *καταρσιῶν, νοσηλῶν καὶ ἐπέων*, appellant: ab hac ipsâ causâ, quia decreta & consilia eius obscura, nec peruia humanæ menti. Radiorum tamen aliquid interdum, ut fulgur, emicat: & sagaciores vel acutiores mentes vident, & illâ luce ad futura etiam eunt. Ego de me nunc fateor, caligare, imò cæcutire: & radium illum exspecto, quem geminum nostrum sidus exseret, in auspicijs istis actionum. O si

Minerua

* præter opinionem
speciem.

* utrinque
& nubecula.

Minerua iis adsit, & armata! nam utroque nunc opus, & Prudentiâ, & Annis.

* Όσα δὲ περιήχεε λίαν ἀνδρῶν ἐν ὁμίλῳ
Δείσας, ὅπως μὲν δόλοισι πλεῖ κέλαι ἀγασσι:

* Qualia
magnanimus leo fo-
cum corde
voluit, Cum cincti
retinent
clausumq.
indagino
torrens.

Italia nostros oportet nunc Principes, periculis & insidiis fortasse cinctos. Bataui magna spirant, magna etiam quædam patrant: ab ordine, fatcor, & Disciplinâ suâ adiuti, sed fortasse & ab iis, quos indicare malo, quàm nominare. Mihi hoc firmum est, nisi Militiam corrigimus, atque eam ante omnia, bello quidem nihil nos prosperè acturos: faxit Deus, ut pace. Sed seria omitto: festiua vestra quî habent? Toti estis in apparatu, in ordine, ut sic dicam, ludorum explicando, ut audio: sed non ego eò festino, & pacatior lætiorque in otio meo ero. Otio, non otio: sed ut Homeri similitudine utar,

* Ως ὅτε τις θαλὸν ἀποδῇ ἐνέκρηι μελαήη,
Αἰεὶ ἐπ' ἐχέσταις, ᾧ μὲν παρὲ γύτων ἄλλοι,
Σπέρμα πνεῖς σάϊζον:

* Sicut qui
torrens ci-
nerum sub
tegmina co-
lat,
Linguis
in agrum,
Ubi vi-
cinia raris
est,
Ignis cõser-
mans sili se-
mina.
"reditus
dies.

sic ego me chartis & libris in solitudine istâ inuoluo, & ignem aliquem aut lucem è fomentis eliciam & dabo. De reditu vestro, vellem. Sed vereor, ut iterum hoc cum Poëtâ, ne nondum venerit vobis ἡμεῖς: quia Apollo pestifer, propior etiam nobis factus, & sagittam letalem in viciniam nostram misit. Tu manes, & obduras? inquires. Fortiter, Deo fîsus, Fato fîsus: & si illi ita volunt, cum obsequio & quiete exspectans. Tamen, ne nihil pro communî more aut homine, si periculum præsentius apparet; ego dispareo, & secessum aliquem mihi & reliquis meis quæro. Satis. vos ibi hærete, donec aurê vobis vello: & D. PRAESIDI officia mea, filiis salus delata sunt. Louanij, IIII. Non. Sept. ∞. IO. XCIX.

EPISTOLA XL.

Bruxellam.

P. PANTINO Decano S. D.

QVOMODO non tibi gratuler ex tam longâ, & plenâ periculi peregrinatione, reduci? Ego verò animo & stilo facio, & non FORTVNAE illi REDVCI, sed Deo seruatori & tutori gratias ago. Equidem recreabar iam animo, & spê alleuabar, cum

te ad Insubres venisse incolumem, litteræ tuæ dicerent: at nunc plenum solidumque gaudium gaudemus, & sine vllâ, quam cura aut sollicitudo faciat, deductione.

* floruit
hoc pectus.
Latinaque
lingua est.
prudentiâ.

— ἀνθ' ἑσέως, γήθησα τα γλῶσσαι.

Frucimur te, fructur patria, fruentur & Principes: quos talium, id est, bonorum & simul *φρονίμων* operâ ac consiliis vtinam ne res iubeat egere! Ancipiti enim fato Belgæ sumus, et si libra inclinare ad Felicitatem & Tranquillitatem videtur: quam vtramque ô alter & altera Principes nobis donent! Sed seria non lubet nunc tangere, cum remissa & festiua vos habeant: voto finio duplici, quorum alterum superis soluo, te reduce; alterum concipio, vt sub nouis Principibus faciem hanc innouent tristioris diu status. Libellos à Couarruuiâ, tuo commodo, exspecto. Hic, qui istas defert, meus amanuensis est: poterit & illos deferre. Vale R^{de} & Cl^{me} Domine. Louanij, III. Non. Sept. ∞. L. XCIX.

EPISTOLA XLI.

Lutetiam.

IO. WOVERIO suo S. D.

ITA est, lætificasti me fateor; & quia feliciter aduenisti, & libentes volentesque illos amicos in te meque repperisti. Magnos viros vidisti, & videbis, mi Woueri, in illo tractu: adi, æstima, hauri quantum datur. & si non aliud, ipse vultus & brevis etiam sermo, aliquid te iuuet. Sicut nautas in tenebris leuis intermicantis sideris inspectio dirigit: sic nos in hac vitâ vel inspecti illi viri. Admiratio enim excitat, & in viam eandem vocat, si non pari felicitate ad metam ducit. De Thuani in nos & Roiliardi animo, nihil mirum. Debent hoc (audacter dixerim) huic meo: qui iamdiu illum, & hunc recens, sed acriter tamen amat. Tu, vt facis, fove, & te quoque dignum affectu præbe. At N. quam in te, præter morem (ita audio) benignus! Aiunt aliquin hominem esse perpaucorum hominum, qui Timonæum aut Bellerophonæum aliquid sapiat, sibi viuens,

— πᾶσι τοῖς ἀνθρώποις ἀλλοτρίον.

* hominū
vestigia vi-
sent.

Non inquirō, & fortasse vel nimis sapit: si tamen hoc ipsum sapere est, Nimis. Ianus Wouerius cognominis tuus, si non gentilis, quam bona tecum fœderatio! Optimum par, nec vel Dij dederint

dederint magis ex vſu aut ex voto. Modestiam & probitatem in eo adolescente ſemper amaui; & vt vidi primum (Hamburgi id fuit ante annos IX.) vnâ laudatum illam indolem iui. Viuat, creſcat, & lampada à nobis in hoc curſu iam feſſis accipiat: me libenter & iudicio tradente. Sed heus, Fredericum Morellium ecquid vidifti? Videſis ociùs, ipſam Virtutis & Muſæ item prolem. nihil illo vtriuſque amantiùs. Eſt & Iofias Mercerus, olim & nunc inter meos. nam ego certè non mutauì, imò vel magis amaui, poſtquam in meo ſtudio, id eſt ruſtico, eſſe audiui. Beatum curarum! maneat, & vrbanas illas pallentesque fugiat, & Floram, Pomonam, Segetiam amet, adiungarque noſtras Deas. Sed in hac ſcriptione ingemui. nobis hoc non licere: ne ſpem quidem etiam eſſe? nam de pace pauci & fracti ſermones: & ſine eâ, ne ſeceſſus quidem nobis ad agros. De Italiâ autem nihil ſpera, aut vltrâ ſuſpira. ſic ea cogitatio periit, vt fabæ in extremâ viâ ſolent. Valetudo vetat, & Deus adeò vetat, ſine quo mens hæc non mutaret. Baudio noſtro quid à malâ linguâ aut manu obiectum? Quam puriter amem, tu ſcis: & nec in ſomnio aliter de illo non dicam dixi, ſed ſenſi. Multos amicos habemus, & diuidi hic animus videtur: ſed quod Philoſophi de illo dicunt, totum in parte eſſe, idem de meo poſſum in iſtâ re amoris. Valdè quos cœpi amo, & longum ac conſtanter amo. In iis te mi Woueri, idem mihi facturum. Louanij, VIII. Kal. Nou. ∞. IC. XCIX.

EPISTOLA XLII.

NIC. OVDARTO *planiffimè ſuo* S. D.

EPISTOLA tua non latum me repperit, ſed fecit. In Autumno iſto languido, languebam (& noſti valetudinem:) ſed bonâ Romanaque fide, ad nomen mei Oudarti, quid ad ſcriptionem? reuixi & ſurrexi,

Vt ſolet aſſuſo ſurgere flamma mero.

Hoc magis, quia interuallum iam fuerat ſcriptionis: & auidius ad cibos inus, poſt abſtinentiam aut famem. Neque negabo, mirabar ſilentium, & tacitus expoſtulabam: ſed abſentia tua abundè purgat, nec opus aliâ aduocatione. De meâ manſione quòd ſecurus es, eſto. fœdus mihi iamdiu cum patriâ & velut nuptiale pa-

le pactum, non diuercere aut disiungi: nisi fortè peregrination-
culâ. quod etiam in legitimo coniugio scis & fateberis licere.
Atquin Italica illa suspecta est, & nequis Paris Helenam rapiat
aut teneat: ecce ergo Penelopen, domi maneo, & vel frigidum
istum lectum foueo ac seruo. Securus ab eâ parte esto, mi Ou-
darte. etsi Vlysses noster lentè aduenit, lentè amat: sed quid ad
rem? ego ipsum fortiter, & vel neglectus perseuero. O vtinam
modò facies aliqua veteris & pacatæ Belgicæ sit! vtinam tutò
inire, remeare! mihi crede, sæpius in sermones & amplexus
tuos irem, & ab amico affatu vires huic ^{λεπτό γένει}, & quasi no-
uum spiritum inflarem. An vnquam erit? dic sodes, dic liberè
quid videatur. Nam mihi (apud te hoc possum) aulæ nostræ hic
lentor, aut frigus placet, non placet: placet, si cum modo; non,
quia fortassè nimius. si tamen nos occulta illa, & ^{κρυφαί} aulæ in-
uestigamus. Nam de pace communi, & operâ consilioque in-
ter se arcano Principum conciliandâ, sermo iamdiu me tetigit,
imò & fides huic animo insinuauit: quæ res si fallit, quid spei re-
liquum sit, ego non video. præsertim in flagitiis istis (liceat di-
cere) militiæ, & nec togatâ administratione vndique inculpatâ.
Sed mittamus hæc non nostra. philosophemur potiùs: quod ego
quidem seriò cottidie facio, & in ipsam Sapientiæ arcein me im-
mitto. Quomodo? SENECAM commentari incepi, vt non igno-
ras: pergo sedulò, & in ipso labore fructum eius capio, formari
& emendari. Semper ille mihi magnus vir apparuit: sed vt so-
lent verè magna, magis magisque inspectus & tractatus se ap-
probat, & credo post Sacras litteras nihil in vlllo orbe, in vllâ lin-
guâ, scriptum vtilius meliusque. Deus mihi det absoluere. hoc
saltem breui nec operoso Commentariolo (ita confido) assequar,
vt quiuis legere Senecam & capere possit, qui modò Latinæ lin-
guæ rudis non sit: & ex illo campo messem legere, ad vitæ suæ &
morum tutelam. Me aut meam ambitionem hîc non specto:
publico hunc laborem imputo, breui (nisi quid interuenit) vul-
gandum & dedicandum. De aduentu meo ad vos, vix po-
test. docemus, & solennes nostras operas edimus: quin tu
magis ad nos, tui amantes & cupientes? Tu, inquam, cui vaca-
re magis licet, atque adeò negotij prætextu aut iudicij peregri-
nari. Nihil hîc culpæ aut criminum? puri omnes sumus? tantò
magis

*tenui cor-
pori.

*occulta.

magis appropriata, & qui pura amas, veni ad hos puros. Vale, mi Oudarte. Louanij, v. Idus Nouemb. ∞. Id. XCIX.

Mea & mei te salutant: rogo etiam te vt Cl^m Breugeliū cum vxore, & Bernartium nostrum cum suā, an non etiam grauidā? Si est, manum meam in sacro fonte offer.

EPISTOLA XLIII.

Romani.

ASCANIO COLUMNAE, Cardinali.

Ill^{me} & Reu^{me} Domine, me verò mordet, de aduentu in Italiam meo dilatum, aut, quid dissimulem? desperatum esse. Ita me valetudo tenuior & incertior exercitum habet, vt non dicam medicorum, sed & meo iudicio, etsi valdè velim, par non sum huic viæ. Quid ergo restat, nisi vt affectu, vt semper, & interdum scriptione vos adeam & colam? quos meritò dignitas, virtus, eruditio in luce & famâ etiam posuit apud exteros & longinquos. In eorum numero & hic perhonestus adolescens est, auditor etiam meus, cuius pater inter primores nostræ patriæ, CAROLVS DELLA FAILLE, quem vt Ill^{me} Domine benigniore oculo videre, interdum admittere meâ causâ digneris, toto animo rogo. nam pater valdè mihi est inter amicos.

Ill^{me} & Reu^{me} Domine Deum rogo, te inter verè columnas & fulcra Christianæ reip. seruet. Louanij, pridie Idus Ianuar. anni Sæcularis, quem, heu, vetitum mihi obire.

EPISTOLA XLIV.

AD CONTVERNALES SVOS,

Franciscum Oranum.

Cornelium Anchemannum.

Io. Baptistam Perezijū Baronium.

Io. VVouerium.

Guilielmum Richardotum.

Balduinum Iunium.

Antonium Richardotum.

Philippum Rubenium.

Guilielmum Scarbergerum.

Hubertum Audeiantium.

ADESTE mei iuvenes, oculos atque animos paullisper huc date. Ludi in Circo faciendi sunt mihi, & Canes in arenam producendi: vt pugnent ipsi? non, sed vt pro iis ego, & quorum

rum fidem, industriam, blanditias, sæpè sum expertus, semel ipsi stili mei operam. quam extorquent isti, qui cauillantur palam aut mordent in hoc genus meum affectum. Vidistis ipsi frontes fimbriatas, & voces notastis: quas eo breuiter refutatum, & canes assertum, benè meritos & merituos de genere humano. Agite, tuba canat, committamus hos ludos. Negant primò, decere conditionem nostram hoc contuberniū aut comitatum: sed eos magis, qui Martem colunt aut Dianam. Quid ita? quia ne Musarum clientes sumus? aiunt. Ego contrà repono & obduco, si ullos mortalium caninum hoc consortium, litteratos decere, & eloquentiæ ac sapientiæ candidatos. Ægyptij hoc mihi asserunt, qui Anubin suum canis specie frangebant: quia videlicet vtriusque regionis ille Deus, supera atque infera permeabat, ut Hecate quædam Græcorum. Atqui nos illi sumus, qui alta, qui ima scrutamur, & canis exemplo peruigiles noctu diuque agitamus. Quid, quòd iidem cum virum diuinis deditum, vatem aut sacrorum doctorem, Hieroglyphicis exprimerent, canem signabant? quòd scilicet, præter sagacitatem, clamare ac quasi latrare istos deceat, in improbos & bonis insidiantes. Et Sacra ipsa nostra non refugiunt imagine hac uti. Iam Græci, cosque secuti Romani, Mercurio canem comitem siue adstitem dederunt: quia, ut Plato ait, sagax & ingeniosum hoc animal, conueniebat facundissimo & promptissimo decorum. Si autem Mercurio, id est, artium nostrarum præfidi, assiduus ille comes: cur à nobis arceant, qui artibus istis operamur? Et arcent improbè. cum iam olim heroibus, aliisque animi viris, asseclæ isti & stipatotes. En Telemachus, apud Homerum, in concionem cum prodit:

* Simul hi-
c canes duo
comitati-
suntur.

— ἀμα τὴν γὰρ δὴνὸ κύνης ἀρξὴν ἔποντο.

Virgiliano Euandro procedente,

Necnon & gemini custodes limine ab alto

Procedunt, gressumque canes comitantur herilem.

Neu censeas venatus causâ hoc fuisse: idem Homerus distinguit clarè,

— οἳ τὴν ἑταρῆϊν κύνες αἰσχροῖς

τήν τ' ἀγλαΐης δ' ἔντα καμύουσιν ἀνακτες.

Agnoscit, inquam, mensarios canes, & animi ac voluptatis causâ
alios

alios tantum. Poëtas loquor? è cælo Genium aduoco, qui cò ducit. Raphaël ille, qui in Tobia solatium missus, vnà cum eius filio canem comitem viæ sumit. Itaque habuerunt & amarunt Iudæi, Ægyptij, Græci, Romani, Barbari: nec vllum magis animal ipsa natura nobis iunxit. Videte autem quàm ipsi sint * *ἐκ τῆς φύσεως συννησιν.* *λαίβεσθαι!* Omne genus aliud efferatur, & siluas ac solitudinem tolerat aut quærit: solum istud homini adhæret, atque ad eò cum eo viuit, vt absque eo nec viuat. Bella ciuica nostra hoc docuerunt. cum agri, villæ, pagi vasti, errabundos eos destituerent: atque illi tabe, morbo, rabie mox absumpti. Adeò domesticum, inquam, & cicur hoc animal: atque ideò meritò Laribus diisq̃ue Penatibus olim consecratum. Itaque Natura communis conciliat: sed mihi propria etiam quædam (apud vos fatebor) mea. Pater ille, nunc inter beatos, singulariè amauit & souit hoc genus. Idem mater: neq. vt ei placeret, sed fecit hoc ipsum defuncto iam superstes. Ab hoc ego ortu, inter quinos quaternosq̃ue semper canes educatus, mirum est si à semine duxi, à lacte suxi, à consuetudine traxi hunc affectum? Quem Ratio etiam nunc defendat, non Auctoritas solum, quam dixi, & Natura. Nego esse animal magis suo merito amabile, laudabile, mirabile: & id à dotibus animi corporisq̃ue, quas diuinitus (pænè diuinus scripseram) habet. Quatuor ex iis seligam, *Robur*, *Ingenium*, *Vigilantiam*, *Fidem*, & leui atque extemporaneo sermone diducam. *Robur*, in illâ mole corporis, habent, quo æquant aut superant ceteras animantes. Agilitas mira est, impetus, ars, pertinacia, & vel ferocissimas belluas in pugna lassant aut vincunt: apros, vrsos, tauros, leones, elephantos. Claudianus, de Britannicis canibus:

Magnaq̃ue taurorum fractura colla Britanæ.

Symmachus hos *Scoticos* appellat, & ostendit Romæ in Circensi pugna exhibitos, & à mirante populo spectatos. Sed robur vno exemplo satis adstruxerim, quod Plinij ipsis verbis ponam. *Indiam petenti Alexandro Magno, rex Albanie dono dederat inusitata magnitudinis vnum: cuius specie delectatus, iussit vrsos, mox apros, & deinde damas emitti, contemptim immobili iacente eo. Quâ signitie tanti corporis offensus Imperator generosi spiritus, cum interimi insit. Nuntiauit hoc fama regi. itaque alterum mittens, addidit man-*

data, ne in parvis experiri vellet, sed in leone, elephantove. Duos sibi fuisse: hoc interempto, praterèa nullum fore. Nec distulit Alexander, leonemque fractum protinus vidit. postea elephantum iussit induci, haud alio magis spectaculo latatus. Horrentibus quippe per totum corpus villis, ingenti primùm latratu insonuit: mox ingruit assultans, contraque belluam exurgens, hinc & illinc, artificii dimicatione, quàm maxime opus esset, infestans atque euitans, donec assiduâ rotatum vertigine afflixit, ad casum eius tellure concussâ. Videtisne leones & elephantos esse cùm prosternant? nec dissimile in Indicis canibus, quos eidem Alexandro rex Sopithes donum dedit: de quibus Diodorus, Strabo, Curtius docebunt. Et sanè magni animi animal, & quod homini etiam, in acie & iustâ militiâ, opponatur. Valerius Flaccus de Caspiis populis:

—claustris que profusi

*Caspiade, quæis turba canum non segnius acres
Exsilit ad lituos, pugnâsque capeffit heriles.*

Idem Magnetes fecere. Iulius Pollux: καὶ μὴν μάγνητας μὴν τὸς ἐπὶ μαγάνῳ ἔειπεν κύας, πολέμων ὑπααπὶς αἰς: Etiam Magnetæ ad Meandrum canes alere, auxiliares in bello. Sed & in Plinio legetis: Propter bella Colophonij & Castabalenses cohortes canum habuere. ea prima dimicabant in acie, numquam detrectantes. Quid Cimbrî? idem Plinius: Canes defendere, Cimbris casis, domus eorum plaustris impositas. Et nunc quoque Germani canes ad currus suos militares habet. Quid Galli nostri? Strabo: κομίζονται ἐν τῆς βρετανικῆς & κύνης δυνάμεως πρὸς τὰς κυνηγετίας. Κελτοὶ δὲ καὶ πρὸς τὴν πολέμωον χρών καὶ τύτοις, καὶ τοῖς ὑπάρχουσιν: Adducuntur è Britannia canes ad venatum optimi: Galli autem ipsi ad bella etiam utuntur, sicut & indigenis. Imò & ad fa-

Fragn. xi.

tellitium iis vsi vulgò. Appianus scribit, Bitulsi regis legatum ad Cn. Domitium venisse, & in reliquo comitatu ac pompâ, satellitio canum succinctum. Addit etiam: δορυφοροῦνται καὶ πρὸς κυνῶν αὐτῆς βαρβαροί: Nam communiter etiam à canibus stipari & custodiri solent eius regionis Barbari. Benè tibi sit Appian hoc notanti, & me etiam more vetustæ patriæ vindicanti. Nec Galli tantùm: Garamantum regem (Plinij verba) ducenti canes ab exilio reduxere, preliati contra resistentes. Hodie in eadem Africâ, regem Cesale ducentos canes stipatores habere, asserunt qui viderunt. Quid Massissa iam oliun? salutem suam (ait Valerius) custodiâ canum vallauit.

Hæc

Hæc fati *Robur* ostendunt : & cum risu vestro finiam ? meo arbitrio & imperio , etiam hodie sit in militiâ eorum aliquis vsus. Adeone absurdum sit ? Romani olim in Sardiniâ cum bellum non explicarent , hostibus in saltus specusque profugis , & ex occasione inuadentibus : M. Pomponio Pratore , canes ex Italiâ arcessiuerunt , & eorum operâ è latebris eductos inuenerunt , id est , vicerunt. Idem nuper in Peruanâ Indiâ Hispani . qui siluas & vastum illum tractum canum commilitio excusserunt , & subegerunt. Memini historiæ facietæ (nam ridere cœpimus , & huius scriptionis is finis) cui auctor Petrus Cieca . Ait se cum aliquot sodalibus egressum , ad Indos vestigandos : canem comitem habuisse , ad ista longo vsu doctum . Ecce fœmina vetula apparet , fugit in montes , canis assequitur , & iam prehendebat : illa in genua se abiicit , canem *Dominum* appellat , & blandè orat , ac pænè adorat. Iste placatus an contemnens , crus tollit , & fœmillam illam permingit atque abit . Et sanè sensus aliquis precum aut submissionis iis est . idcoque & Vlysses apud Homerum , cum canes inuaderent ; *Ἐγὼ κερδοομένη* , ait poëta : *ἀσλὺτὲ* sedit : quoniam hoc submitti & cedere interpretantur illi . quâ mente Plinius : *Impetus eorum & seuitia mitigatur ab homine confidente humi*. Idem Aristoteli scriptum . Sed de *Robore* fati : ad *Ingenium* inus . Mirificum habent , & planè iuxta hominem. Plinius : *Soli nomina sua , soli vocem domesticam agnoscunt . Itinera , quamuis longa , meminere : nec ulli , præter hominem , memoria maior*. Enimuerò mira facilitas in discendo , memoria in vsurpando , & cottidiè nos , imò & vos videtis . Nonne hunc *Mopsum* meum ? nihil ei bis præscriptum , quod non hauserit : & post menses aliquot , inopinantibus reddiderit . Bruxellæ , me puero canis fuit , Britanni generis , ex illis grandioribus , quibus cerdones hîc uti solent ad currum coriis onustum in forum & è foro trahendum . Ille , præter hanc operam , doctus fuit ad macellum ire , pecuniam ferre , carnem referre . Id ita fiebat . corbem vimineum collo appendebant , pecuniâ in tot libras carnis impositâ . Ille rectâ & nusquam resistens ferebat , in macello apud notum lanium se sistebat : carne acceptâ redibat . Sed eueniebat interim , ut in viâ canes alij odore moti adspirarent & accederent , quasi erepturi : tum ille corbem deponere , in orbem propugnare , fugare . & si copiâ

aut robore vinceretur, vnà irruere, & partem de prædâ capere. Hæc publicè nota erant, & à nobis aliisque iucundè spectata. Sed maius etiam ingenij & ratiocinationis (pænè rationis dixeram) specimen, in cane qui ante triginta circiter annos in hac Louanio vrbe fuit. Is litteras in illo siue collari insertas & aptatas, signo ab hero accepto cursim Bruxellam deferrebat, in notam ibi certamque domuin. Atque illi ibi religabant, canem pascebant, litteras à se aut aliunde acceptas iterum inferebant: & fidelissimi, sed & celerrimi nuntij vice, canis eodem die referebat. Sed his nouitiis vetus etiam adiungam eiusdem rei exemplum, à Plutarcho singulare quidem & ipso quoque stupente, & firmiter tamen narrante, quia oculis vsurpauit. Vespasiani imperio canis fuit, mimmo domino. Is canis varia argumenta & personas in scênâ representabat, vt nemo histrio doctius aptiusque: atque inter alia, hominis veneno, in specie, tollendi. Panem sumebat siue offam, sopore temperatam (fingebatur autem venenum esse:) ac repentè ad simulabat tremere, lapsare, grauedine tentari. Denique cadebat, ac porrectis membris in mortuum iacebat: tractus, sublatus, elatus, vt argumentum poscebat. Dein cum tempestiuum esset, ipso sermonis articulo, primùm quasi ex somno ad se reuerti, leuiter caput & membra mouere, oculos aperire & circumferre, tum denique surgere, & latus gestiensque ad illum ire & se exhibere, cui debebat. Hæc sic decorè & efficaciter, vt totum theatrum, & ipse Cæsar (aderatenim) commouerentur, ac mente quasi afflata exclamarent. Audistis rem demiram: & minus iam erit quicquid dicam, tamen & dicam. Idem auctor, canem fuisse qui amphoræ oleariæ insidiaretur: & cum parùm plenâ, non pertingeret, lapillos paullatim iniectis, donec oleum adurgeret, & ad os redundaret, sic vt lambere linguâ posset. Hoc acumen est: enimuerò & prudentiam aliquis eis, ac cum iudicio dilectum donet: ex facto quod Nicetas Choniates ita narrat. Capta Thessalonica à Balduino Flandriæ nostræ Comite & Latinis erat: iterumque paullò post à Græcis recepta. Cædes ibi vtriusque variæ & multæ. sed canes Thessalonicenses nullum omnino cadauer Græcum tangere, quasi amicis popularibusque parentes: at contra, Latinos nostrosque vorare, tantâ rabie, vt etiam sepulchris conditos cruerent & lancinarent.

narent. Simile, & magis recens, Sabellicus denarrat. Tenebant Derad. 117.
lib. 12. Rhodij equites, acres illi tutores Christiani nominis, opidum in orâ Carię, exaduersum Coö insule, opere & præsidio munitum: quod sancti Petri vocabât. Id Christianis, siqui seruitutem Turcicam fugere possent auderentque, certissimum refugium & asylum: canum cā in re mirā sagacitate. Nam habebant opidani quinquaginta admodum canes, quos (laudabili more) custodię causā, & contra insidias, noctu extra muros excubare iubebant. Ij, siquis Christiani generis accederet, comiter adire & blandiri, ac gannitu quodam & velut plausu ad opidum deducere. Siqui autem barbarorum; statim intonare; inuadere, lacerare. Dicite vōs, vnde is sensus hic dignoscendi? ego nescio: haud magis, quā quod in eādē discretione nunc dicam. Fuit Iu- Zonaras. llianiano Principe agyrta, qui Byzantium venit. Populum contraxit, & innox anulos cuiusque in aceruum medium coniici rogauit siue iussit. Cū factum; canem, quem circumducebat, accedere, & cuique seorsim atque ordine suum reddere. quod ille sine morā & sine errore effecit. Idem canis interrogante domino, quis spectantium diues, pauper, quæ mulier virgo, marita, vidua, meretrix esset, & id genus alia: singulas notabat, idque circumiens & accedens, veste cuiusque ore prehensā. Desino, & vereor vt extra canem ad Genium eam, qui profectō potuit hīc misceri. Sicut & in canibus Gallicis, patrum memoriā. cū bellum inter Heluetios Gallosque esset, canes ingenti numero, qui heros suos secuti fuerant, paucis diebus ante prælium, relictis Gallicis castris, Nouariam & in Heluetiorum stationes venisse narrantur: eorumque pedes lambendo, & caudā adulando, quasi futuri euentus præscios, sese mox victoribus submisisse. Quo velut diuinitus oblato prodigio Heluctij animati, alacriter in prælium manusque venere, & nobilem illam victoriam peperere. An & illud sine culpā sileam, cui ætas & notitia nostra ad stipulatur? Nam scio fuisse canem, cuius generis *Mopsulum* meum videtis: atque is apud Priacipem virum agebat, qui bellum tunc, & in Belgicā nostrā castra, habebat. Ea adorti noctu animosē ad IIII. millia circiter Hispani, certi & destinati rectā ad Principis illius tentorium ire, & viuo eo an mortuo potiri. Et absque hoc erat, fecissent. nam veniunt, fallunt vigiles aut opprimunt:

opprimunt : nec longulè ab ipso iam tentorio. cùm ille sagax in vultum dormientis insilir, scalpit pedibus & excitat: qui audito demum strepitu, agrè se è manibus propinquantium eripuit. Hunc ipsum canè & diuinationis peritum habuisse dicitur: & ex eius blanditiâ aut auersione, de mente & interiore affectu aduentium, non semel ex fide comperissè. Sed hæc aliquis, vt dixi, ad Genialem operam referat : nos ad alias, & à Naturâ dotes, inus. Nam *Vigilantia* sequitur : Deus immortalis, quanta & quàm testata ! Lucretius expressit.

Et leuifomna canum fido cum pectore corda.

*quasi Canum,

Vix me hercules aut leuiter dormiunt, semper intenti, circumspecti, & supra omnes stationarios solliciti ac curiosi. Itaque Latini meritò *Catulum* dixere, propter sagacem sensum, ait Varro : & eundem *Canem*, à canendo, quòd in custodiâ dat signum. Non diu noctuque auditis meos istos vigiles ? siquid increpuit, primum leuiter insonant ; mox canunt classicum, si propior fides aduentoris facta. Veteres rectè, qui non priuatim solum ad suas quisque aedes, sed publicè adhibebant, ad templa, arces, opida custodienda. Et volumus vnum alterumque *Vigilantiæ* exemplum ? In *Æliano* legi, ciuem quendam *Colophonium*, Tëon *Ionix* metcatum iuisse, seruo vno & cane comite. Ille, seruus dico, sacculum pecuniæ ferebat : & in viâ, vt fit, naturâ citante, secessit paullum ad leuandam aluum. Canis ei comes erat. ille sacculum deposuit, exonerat se, surgit, abit, sacculum obliuione deferit : at non canis, qui pertinaciter adhæret & seruat. Veniunt destinatum locum, emunt ; pecuniam dum expediunt, abest. Perciti retrò iter legunt, sacculum reperiunt, & iuxta custodem canem : at hunc frustra. nam miser fame siti que enectus, in ore eorum obiit, & vnâ cum deposito animam tradidit.

Alterum. Athenis, circa *Plutarchi* narrantis æuam, canis in æde *Æsculapij* custos erat, cui *Capparo* nomen. Fur nocte venit, irrepsit, donaria aliquot abstulit, *Capparo* tamen non ignaro aut silente. nam baubatur, & templum personat : at æditui alitum stertunt. Fur abit, iste insequitur : & quanquam lapidibus peritus, non desinit obseruire. Sed cautè & callidè, de die longius paullò, periculi metu ; de nocte propiorem se faciebat, & nusquam ex oculis amittebat. Viatores autem siqui obuij, statim

tum illos blandiùs affilire, prehensare, tum conuersus furem adspicere & allattare: tantum non clamans illum esse, & opem suppetitatumque poscens. Ecce autem & æditui assequuntur, viatorum super cane indicio: & captum à Cromyone vsque reducunt. Quid Capparus? ille gannit, subsultim præit, & gestibus vocibusque prædā & capturam illam suam facit. Et erat certè nec Athenienses abnuerunt: qui cibum è publico ei decreuerunt, gratæ memoriæ honorisque ergò. Iam *Fides* est vltima, vt vero verbo dicam, prodigiosa. Plinius sic extollit: *Fidelissimum ante omnia homini, Canis & Equus*. Et verò quàm dominis suis adhærent? quàm æmulantur, si quis alius? quàm tuentur? & propugnant? imò & mortem cum iis, proque iis obeunt: & accipite exempla. Nam in his talibus verba perdit, si quis sine iis verba facit. Pyrrhus quidam fuit, non ille rex, à quo mortuo canis non abcessit. cum efferretur, ille lectum eius adsilire: cum in rogum deponeretur, insilire, atque ibi vltro passus se comburi. Simile in Polo, histrione celebri: simile in Lyfimacho & Hierone rege, ne diffusè hæc iterentur. Quàm multi alij, hero mortuo, inediā & mærore contabuerunt? In Eupolide poëtâ, in Iasone Lycio: & in auia meâ paternâ domesticum exemplum cui omittam? *Margareta Eeckhoutia* fuit, quæ canes, & ipsi illam amarunt. Fuit vnus ruffulus, paruus, ex illo genere qui cuniculos terrancos subeunt, & inde apud nos habent nomen. Is toto tempore valetudinis, quæ ei suprema fuit, à lecto non abscedere, ne depelli quidem: & cum iam exhalasset, ille vlulans, caudâ reductâ (etiā nunc videre videor, quæ puer vidi) in hortum se proripit. Ibi sub corylo arbore pedibus scrobem leuiter fodiat, imponit se, & spiritum deponit. Hæc totâ familiâ nostrâ teste sunt gesta. Sed ad alia. In Corsicâ agrestis fuit, venationi deditus, vt gens ea amat. Quodam sereno die, scorpione suo instructus, & cane subsequâ, iugum alti montis conscendit. Cum in eo est, nix densior cadere; ille calidè & temerè pergere: donec confusis vestigiis, animi incertus hæret primùm, deinde in rupe confedit. Ibi frigus occupat, dirigit, atque obiit. Sequenti luce fratres & populares eum requirere. in montem scandunt, tandem eminus conspiciunt & inclamant. silente eo, quod erat suspicati, accedunt. Sed canis (ô intempestiuam, et si lau-

*Terriers.

dandam fidem!) herum tuctur & stipat, illos, ut prædones, ferociter arceat. Fratres placare conati, è quorum manu solitus cotidie cibum capere, non proficiunt: denique eò compulsi, ut, cadauer si velint tollere, alterum ei addant. atque ita sagittis petitum, simul animâ & fide exuunt. Aliud. Romæ Titius Sabinus, splendidus Romanus eques, Tiberij seuitiâ perit. is in carcere strangulatus, in Gemonias scalas proiectus, ubiq. fidum assecclam canem habuit. Mœstos ululatus deinde edentem populus stipat: & cum quidam è coronâ miserans cibum obiecisset, ille acceptum ad os defuncti retulit. Quin cum cadauer in Tiberim iam missum, adnatauit, seque supposuit, sustentare conatus: meritò attonitâ multitudine, in animalis tam nobili fide. Triste est, & me mouit: sed historiis actisque publicis populi Romani testatum. Aliud. Pyrrhus rex Epiri iter fortè faciens, populum videt limiti adstantem. Accedit, quatrit: audit videt: que canem ibi esse, qui militis interfecti, heri sui, cadauer adstibat, triduum iam sine cibo. Miratur & miseratur: illum sepeliri iubet, hunc comitem sibi duci. Post aliquot dies exercitum lustrat, sedet in altiore loco & spectat singillatim transeuntes. Canis ad pedes accubat, hætenus quietus: sed cum percussores domini transirent, exsiluit cum ferociâ, & inuasit: identidem se tamen ad Pyrrhum reflectens, & quasi significans istos esse. Motus ipse atque alij, capiunt, examinant, conuincunt, plectunt. Simile in Hesiodo, poetâ illo nobili, qui à Ganyctoris filiis clam occisus, indicem & vindicem canem habuit. At minis antiquum quod D. Ambrosij fide se probat. Antiochiæ miles in publico interfectus iacuit, incerto auctore. Canis adstitit, adseruanit, fide luctuque suo populum traxit. Ecce & percussor se miscuit. quem ille statim agnitum insiluit, mordicus tenuit, & mox de capto confessoque pœnas exegit. Aliud etiam recentius, Dirmaro Episcopo scriptum. In palatio Henrici Imp. cognomento Aucupis, in multo populo, canis quemdam confidentem conspicatus, clam & tacite accedens, manum eius dexteram rabido morfu inuasit & abstulit: tum quasi re bene gestâ, capite & caudâ plaudens, ad suos rediit. Mirari omnes, ille ultro confiteri, diuinâ ultione merenti hoc sibi accidisse. Nam diutius factum, inquit, cum herum huius inuasoris mei dormientem in viâ reperti,

L. VI. H.
12. C. IV.

L. I. Chro.
in fine.

peri, malo Genio atque animo impellente occidi. Ibi istum impugnantem, insequentem, vix euasi : & nunc, cum obliuione sepulta hæc censerem, inopinatò me inuasit, & (Deo ita placitù) puniuit. Hæc Episcopus. Sed omnia dicta, aut & aliis dicenda, fortasse superat, quod in Galliâ euenisse verbis ac fide Iulij Cæsaris Scaligeri ponendum est. qui ita narrat : *Offensus amici siue potentiâ siue perfidiâ quidam Regis aulicus, eum ex insidiis obtruncat, atque in auio agro sepelit. Venaticus canis ibi tum fortè comes heros fuerat. is amore victus, diu sedit in tumulo. Posteaquam fames putatam superauit, atque in aulam sine domino reuersus est, rati illius contubernales, bestiam temerè vagari, cibum ei dari iubent. Satur ille ad tumulum redit. is redit toties, vt primum suspicio innaderet animos incerta quædam ac fluctuans : mox etiam certi esse sibi videntur, veri id fieri desiderio. Abeuntem persecuti, deprehenso telluris tumore, effossum cadauer atque agnitum afficiunt sepulturâ. Canis, exequiis peractis, socius fit eorum, quibus fuerat dux ad inuestigandum. Tandem aliquando in aulam vbi homicida redisset : eum canis conspicatus, magnis ilicò editis latratibus, agrè ab impetu cohibetur. quo tantquam indice aucta suspicio, in multorum animis certa fides euasit. Ceterùm bestię perseuerantia in illius odio atque persecutione, etiam regem mouit, vt iuberet hominem causam dicere. Ille negare factum, persistere inficiatione. Canis eius orationem latratibus atque assulis ob-
turbare : vt eam interpellationem pro facinoris exprobratione, quotquot aderant, interpretarentur. Eò res deducta est, vt iussu regis homicida cum prouocatore singulari certamine dimicaret. Picta est canis victoria in cœnaculo quodam regio. Pictura vetustate dilutior atq. obscurior facta, regum mandato semel atq. iterum instaurata est. Digna prorsus, Gallicâ magnanimitate, quæ ære fusili assequatur perpetuatē.* Atque hîc desinebam, iuuenes : sed paternæ memoriæ & pietati vnum etiam, etsi minùs alti cothurni, dandum est : quod sic habet. Fuit ei *Gennetta*, canis fœmina : cui hoc nomen ab equi Hispaniensis specie, quâ eximiâ inter *Vertagos* eminebat. Do-
num acceperat, ab Emanuele Sabaudix duce. Ea cum in aliis fi-
dem præferre, vt subsequi semper, nec in vllâ turbâ falli aut pel-
li ; ad lecti pedes iacere, nec accedentem pati. ne matrem qui-
dem meam, nisi Hero experrecto & coërcente : tum in vno fa-
cto memorabilem, hoc isto. Pater in conuiuio erat. ibi fortè

inter assidentes rixæ, pugna etiam, & pugionibus eductis se per-
tunt. Meus dum in medium se facit, & disparat: canis opinata il-
lum peti, utrumque pugnatorem seorsum inuadit, lædit grauius,
& læditur. nam pugionibus ter quaterq. corpus mediū, quod exile
habebat, transfossa cecidit. Pater cum dolore & indignatione ab-
ijt, illā pro mortuā relictā. Quid facit? surgit, & lapsa bunda se-
quitur: tardē domum venit, fores pulsat (ita assueuerat, sublato
naribus pensili ferro) mater audit, & indicat: pater abnuuit, &
mortuam adfirmat. Iterum sonus, visunt, inducunt aut potius
inferunt: in stabulo deponunt, chirurgum adhibent & medi-
cantur: ac postea conualuit, & sæpē fidam operam patri exhi-
buit. De me tunc puero addam: ego cotidie agrum visere, ci-
bos offerre, ad stare vel accumbere: & quid dissimulem? allac-
mare etiam. ut eram ætate atque animo tener, & iam tunc (initio
dixi) mirificē in hoc genus affectus. Sed satis lusinus, tuba mis-
sioni insonet, ite, valete. Heus heus, manete etiam. pauci versiculi
sunt, canum in eorum laudi siue memoriæ facti. Tres eos habeo,
ut scitis, gradu quodam magnitudinum discretos: *Paruum, Ma-
iusculum, Magnum.* eos depingi in tabulā iussi, & notas ac carmen
cuique præscribi aut subscribi:

SAPHYRVS CATELLVS, GENTE BATAVVS. CORPQRE
ALBET, CAPITE AVRIBVSQVE PURPURAT, DISCRI-
MINE TAMEN ALBO A SUMMO EO, INTER AVRES, CV-
NEATIM AD OS DESCENDENTE. SENECIO NVNC EST,
ET TREDECENNIS: CVM IN FLORE, PVLCHERRIMVS
ET LEPIDISSIMVS CATVLORVM.

*Gemma dedit nomen. sum verè gen: ma catellum,
Quotquot terra habuit Belgica, habebit, habet.
Tale decus vultus, talis Venus. adde lepores
Ingenij, humanum qui sapiant Genium.
Et sanè est aliquid mi hominis. vis argumentum?
Vina bibo, & vino nata me habet podagra.*

MOPSVLVS CATVLVS, DOMO ANTVERPIA, DONVM
A CL. V. ARNOLDO BORCOVTIO, AMICO VETERI,
ET I^{CTO}. IS CORPORE ALBET, CAPITE, AVRIBVS, AT-
QVE ALTERO OCVLO SVFFLAVIS. ROSTRVM E RV-
BRO

BRO ALBICAT, BREVE ET OBTVSVM, ET NARE PRORSVS REPANDA. CRASSVLVS, ARGVTVS, MORDAX EST, ÆTATE BIMVS.

MOPSVLVS *ast ego sum, domini coniuina: quid vlerà?*

En etiam lectum participo domini.

Estne aliud? domini dominus, si diceresas est:

Vsque adeò formæ huic iungitur improbitas.

Sed formæ, quæ rara cluet. si examine iusto

Pendor, quod nec ames est mihi, plus quod ames.

MOPSVS CANIS, GENTE SCOTVS. COLORE CRASSO SPADICEO; SED CIRCA ORAS AVRIVM, ET IN IP-SO ORE, DILVTIVS FLAVO. SVPER OCVLVM VTRVM-QUE ORBICVLI AEQVALES DVO, ITIDEM FLAVI. IDEM COLOR IN PEDIBVS INTERIORIBVS, INTRA FEMORA, SVB CAUDA, ET IN ANO. AT PECTVS LATVM ET HONESTVM, PANTHERINA PRORSVS SPECIE, ALBVM ET MACVLIS SPADICEIS SPARSVM. TALE IPSI IMI PEDES. ANNVM AGIT TERTIVM, AD INVIDIAM PVLCHER.

MOPSVS ego, formæ qui vinco sacra canina;

Quod nolim, in magno corpore nil habeo.

Quodque velim, dominum, dominam, ancillamque volentes

Conciliat probitas simplicitasque mihi.

Ille canis redeat, meruit qui calica templa:

Si certet, terra hunc, me sibi calum habeat.

COROLLARIVM, EX SEXTO EMPIRICO

LIB. I. PYRRHON. HYPOT. CAP. XIII.

ILLE de ingenio Canis sic philosophatur. *Electionem habet. nam capit quæ sibi commoda sunt, fugit noxia: edulia persequitur, flagello intentato omittit. Sed & artem habet commodorum comparatricem, Venatoriam. Nec verò Virtutis est expers. nam cum Iustitia sit unicuique suum tribuens; canis familiares & benè meritos adulat, custodit, tuetur: inuadit externos, aut iniuriam inferentes. Vide-
mus & Prudentem. ut etiam testatus est Homerus, qui Vlysem suis*

omnibus ignotum, à solo Argo agnitum facit. Secundum autem Chrysippum, etià illius tam celebrata Dialectica particeps est. At enim eum tertij notitiam per alia non probata consequi. Ut cum ad trivium venerit, & cum iam duas vias indagaverit, per quas fera non iuit, tertiam ne odorans quidem aut dubitans iuit, & magno per eam impetu fertur. Velut ratiocinans: Aut hac, aut istac, aut illac transit fera: neque autem hac, neque istac: ergo illac. Sed & medicus est. ac si se fluxa sit impacta, eam extrahit dentium ministerio. Si vlcus alibi (quoniam ea sordentia egè, facillè autem munda curantur) leuiter tabem inde fluentem absterget. Sed & Hippocratis præceptum adseruat. & quoniam pedis medicina, est eius quies; hunc læsum sursum attollit, & quantum potest seruat à motu. Cum verò prauī humores aggrauant; gramine vescitur, eiusque ope quidquid noxium erat expellit. Itaque non mirum, si philosophi aliqui se huius animalis nomine voluerint commendari.

*Cyni.

EPISTOLA XLV:

PHILIPPO AYALAE, designato Legato in Galliam.

VT audiui designatum te à Principibus, qui Legati in Galliā munus obires, fateor ex animo me gauisum. Inter partes aut munia reip. præcipua, est illud tuum, quod impositum sustines; & parem te ferendo esse, animus hic meus, sine vllō blandimento, dicit. Age, aggredere, exsequere, & afflicta huic Belgicæ, pro tuâ virili medere. Ego tibi non culmen, sed gradum statuo hanc dignitatem ad ea, quò Deus & tua virtus ducent. Me rogo seriò tuum ama, sed & Neptem (patiaris me addere) quam hîc habes virginem pethonestam. Louanij, v. Idus Martias. ∞. L.C.

EPISTOLA XLVI

CAROLO MALINÆO, à consiliis maritimis.

EN, etiam ad te V. C. exemplar lucubratiunculæ nostræ. An merebatur? nescio, neque res magna est: sed Plinius tamen, & hoc eius scriptum, inter ea quæ à te, & primæ etiam classis siue eruditis siue sapientibus, legi mereantur. O libellum stilo, acumine, monitis laudandum: atque vtiā legant, capiānt,

piant, audiant, quibus est scriptus ! Nisi quòd hodie passim voces, vetera hæc non esse pro nostro ævo. ineptâ & fatuâ sententiâ : quasi alia natura rerum aut homines, & non illa recta & suprema Ratio semper habenas temperet in hoc mundano curru. Pro temporibus, ingeniis, locis, scimus variari aut flecti quædam : sed capitalia illa, ut sic dicam, monita firma manent, & infirmi ipsi erunt qui infringent. Sed quid philosophor ? in sermone malem : meum tamen facio, & sollemnia vel sapio vel insanio, ut ille ait : quia in priscis his studiis & sapientiâ à puero sum deditus, nec vlla res incidet aut efficiet, ut pœniteam vel mutem.

Sibi habeant sua regna reges, sibi divitias diuites;

ego cum bonâ mente quietem & modestiam, in modico censu. Fallor, aut in animo tuo mecum sentis, etsi Respublica te habet : atque utinam plures habeat tuæ notæ ! Vale V. C. & nos serio tuos ama. Louanij, prid. Kal. Maijas. ∞. 100.

In Oratiunculâ nostrâ nihil additum vel auctum voluimus : tum quia perpetui moris mei nihil refingere ; tum quia, si cura aut lima appareat, amittat gratiam illam extemporalitatis.

EPISTOLA XLVII. *Hispalim.*

I. WOVERIO *suo* S. D.

TEMPESTAS te exercuit, mi Woueri, & nos exercet : atque utinam non absorbeat, quod minatur. Res valdè hîc in turbido : & vercor ut, cum ciuili, etiam intestino bello implicemur. At Deus & Principes medeantur. Quid ad ista tu ? rides, vel culpas : & cur non in Italiam ? inquis. nec nunc volo, etsi amici omnes vellent velle. Patria cara est, valetudo quæ eas non longè iaciat, denique Philosophia quæ etiam in tristibus & turbidis serenum quietumque reddat. Hanc ample ximur. nam nec tibi nunc, aut postea, omnia pro votis cedent. Dic autem, diu ibi hæres ? Mineruæ an Mercurio, an utriusque vacas ? studiorum illi notitia aut amor ? sodalis aliquis compar ? scribe omnia, & siquid in publicis etiam tutò potes. Ego coram Principibus, in aduentu eorum, publicè aliquid disserui, sed extempore. tamen edidi, & si facultas mittendi esset, facerem. Tu, si tantum est, per tuos cura, & à Moreto pte. Vale mi care Woueri, & Ment

Menti Bonæ semper sacrificæ, semper litæ. Louanij, vii. Idus Maijas. ∞. IdC.

EPISTOLA XLVIII. *Hagam.*

IOHANNI HEMELARIO suo S. D.

QUID tu ad me timidè? tunc vetus ille meus, & inter caros? accede, pete, impetra: quicquid in meâ manu est, imò quod & in amicorum meorum, à me aut per me habebis. Itaque in Italiam ire si decretum (& valdè ego suadeam) Minerva fuero, & monitis atque etiam litteris iuvero te Vlysses. Ad nos prius veni, & illa & has habebis. Ausim panem recipere, si de viatico tibi prospicis, me ibi de loco honesto & domo. Nam de filio Præsidis, id tardum aut serum est: & iam aut iuit, aut iuerit, intra dies pauculos, familiâ omni instructâ. Quid, quod in Sequanis duos aut tres menses hæret? non tibi suadeam: comites aut nunc non deerunt, aut certè sub Autumnum: nec longa ea est morâ. Summa, si decernis, prius ad me veni, apud me diuersare, & à me cum bono Deo in beatam Italiam abi. Louanij, iii. Idus Iunias. ∞. IdC.

EPISTOLA XLIX. *Duacum.*

IACOBO BONFRÆO, è Societ. Iesu.

AMOREM tuum in me non significas tantum, sed probas. Quâ magis possis, quàm publico isto munere THESIVM, quas tui mihi inscribunt? Tui, inquam: id est, ipse tu. Nec enim nescio non solum dirigente te & hortante, sed iuuantem ac faciente hæc concepta, scripta, missa. Sicut in scenam actores prodeunt, poëta latet: ita hic factum. & tu ille auctor muneris es, alij quasi latores. Sed muneris mihi gratissimi. quod testatus apud eos sum: & tu, si videbitur, leges. Enimvero seriò laudo hoc instituendi & exercendi genus: utinam plures imitentur, & paulatim iuuentus in gustum amoremque ducatur veterum artium rituumque, id est, optimorum. Non ita hæc prompta aut obuia, fateor. sed ut qui gemmas vel aurum quarunt, non summam terræ cutem leuiter stringunt, sed in viscera eius penetrant

- &

& immergunt: sic qui veram mansuramque doctrinam, altius
necessum est in scriptorum loca & sensa sese immittant. Felices
qui faciunt, talibus doctoribus! Et scio D'ausquium & Heri-
bertum nostros, monita operasque conferre. Saluta, amabo te:
nos te quando incoram? veni, deinceps cum illis seriò aman-
de. Serio, inquam, mi Bonfræ. & reperiēs in nobis, cum Eu-
ripide,

*Αἰσθὲς ἦθ' ὅτι, ἐν ἀρεστῇ περ εἶμα.

Louanij, 111. Idus Sextil. ∞. IOC.

*incere
frandis po-
tius, os af-
fabile.

EPISTOLA L.

Duacum.

RHETORIBVS Collegij Aquicinctimi S. D.

INOPINATÒ vidi & affectum vestrum in me, & cius tesseram
THESES, quas dedicatum mihi iuistis. Fateor animo, gra-
tum mihi vtrumque accidisse. affectum, quia ex eo eundem in
bonas honestasque artes colligo. cur enim aliter me ametis? De-
dicationem, quia non tam honorem hunc habitum mihi inter-
pretor; quam ipsis studiis; in quibus nomen aliquod vestra &
benignior fama mihi dedit. Amplector, o mei iuuenes. quid re-
pendo? monita, vt in hoc casto & pulcherrimo amore atatem
perseueretis. Doctores habetis, fato natos (fas ita loqui) ad opti-
mas artes, & cum iis pietatem excitandam: audite, sequimini, &
militate sub felici illo signo. Constantino olim cælitus ostensa
& deformata sacra illa crux, cum inscriptione, *In hoc vince*: vo-
bis simile dictum ingestumque esto. & sub sacri illius nominis
ductu auspiciisque *Vincite*: quid? ignaniam, & cum eâ super-
biam, duas pestes iuventutis. Fores animi si his aperitis: eruditio
nunquam init, prudentia, aut sapientia. Fugite, vel potius fugate.
& sub optimis illis gymnastis assiduè formamini ad doctrinam
& virtutem. Assiduè, inquam. neque enim vt in agro satis est se-
mel sementem iecisse, & ille accipit, fouet, profert: sic in animis.
qui cottidiano, vt sic dicam, vomere præscindendi, & obserendi
sunt, ad meliorem illam frugem. Video & gaudeo vos facere, & lu-
di isti non ludi mihi dicunt: quos ego quidē habeo & æstimo su-
per omnes *Agones sacros*. Vtinam interesset fasti ora videre, voces
accipere, & fortassis interponere! sed locorum abiunctio, & ma-
h
gis

gis valetudo, vetant. Ergo igitur votis adspiro tantum, & animi isto occulto fauore ac plausu excito iam commissos. Athletæ mei pergite. & sicut Mercurius ille apud Homerum talaria, siue ut ipse appellat, καλὰ πίδαλα sumebat: quæ ferrent eum

* - seu super
undam,
Seu super
immanis
terram, au-
rai equi-
pantem.

— ἢ μὲν ἐφ' ὕψους,

Ἡδ' ἐν ἀπείρονα γαῖαν, αἶμα πατρὸς ἀνέμοιο:

sic vos alam duplicem Pictatis & Doctrinæ, quâ subuoletis & emineatis super omnia humana. Deum veneror ita sit, & vos tales aut faciat, aut seruet. Louanij, III. Idus Sext. ∞. 156.

EPISTOLA LI.

Leodicum.

IOANNI DVLLARDO Canonico & Archidiacono.

LITTERAS tuas vidi, vel illo argumento gratas, quod per se tamen ingratum non ignoras. Quis vel constantissimus calumniis velit appeti? etsi cum factum est, spernit, calcat, vincit. Sed gratum, ut dixi, te scribere, & in litteris (coram non datur) alloqui & frui. Utinam viarum securitas iter non impediatur: diu est cum Fontes me haberent, & ab illis Liberalia vestra. Moriar enim, nisi conuictus, fabellæ, candor, benignitas iucunda mihi semper apud vos, & voto usurpata. Sed nunc voto rem abnuunt Harpyiæ, quæ omnia infestant & fœdant. De Oratiunculâ autem illâ, quid tu ais? dic seriò, non aperit ipsa & reuelat fraudem vel inspecta? Quid enim in eâ Lipsianum est? non stilus, non res, non color: & malè nimis sustinet histrio personam. Sed iamdiu hæc talia præiudi. prouidi quoque, quod in me quidem fuit, publicâ denunciatione & velut præconio, quod in fronte libellorum De Cruce exstat. Nam vetare hæc quæ possum? non magis quàm Pandari sagittam Menelaus arcere, quam ille furtim & à sociis reclusus, imminisit. Vndeunde hæc fraudes, à petulanti & improbo ingenio sunt, mali exempli sunt, & Principibus meritò castigandi. Illis permittimus, te Vir R^{de} & Cl^{me} saluere iubemus, & communem patronum atque amicum nostrum, in occasione, Billéum. Louanij, IX. Kalend. Sept. ∞. 156.

EPI-

EPISTOLA LII.

Bruxellam.

PHILIPPO RUBENIO suo S. D.

VIX abistis, ecce scribo: an non hoc affectus est? Fateor, tamen & occasiuncula est, ut has tuâ operâ Lutetiam curam mitti. Qui cursui publico præest, is accipiat: & unâ à me salutem, & gratias etiam pro officiis quæ exhibuit benigne. In vestrâ re aliquid decrevit ille Prætor? De Italiâ quidem, ut anni tempus video, *ἡμερὰ μὴ ἐλπίς*. Tamen, cum poetâ,

—πολλὰ δ' αἰλιπῶς περιγύρει θυοί:

⁊ frigida
spes.

⁊. Multa
insperatò
dij dederūt.

& hîc fortassis erit. Magis, si Antonium Sequani tenent, & eaquæ sperata eius iam, an sponsa? nam si ille non abit, facilius parens hunc dimittet, fratri Legato etiam solatium, ut alias causas omittam. Siquid horum est, scribe. Quid etiam? de publicis, quæ curare nos, sine curâ tamen, non nescis. Galliæ regi res in Allobrogibus succedunt? pax an bellum porro sperantur? Noster & nostri cessant? At mea domus calet, & Baronius iam in apparatu sollemnis pompæ. Non idem in N.N. qui vereor ut aliquot etiam menses cogatur differre. Heu res intricatas, inquires. Ita sunt, ubi bellua illa multorum capitum se miscet. Sed peccatum etiam à nostro, quod non statim in Catalogum relatus sit: neque pro studioso censent, qui non inscriptus. En causam moræ, ipsi mihi quæ molestam: sed mihi eius causâ. Hoc scribo, nequid in illo Carinine festines: in altero, non sufflamino te aut sisto. Vale mi Rubenij, & nostrum Guilielmum à me saluta. Louanij, v. Kal. Octob. 60. 1600. In Haechtianâ te ecquid sit? serio equidem commendaram, & velim scire de successu.

EPISTOLA LIII.

Romam.

FRANCISCO ORANO suo S. D.

PERVENISSE te iam, quod intenderas, id est, beatam illam Romam, opinio nostra est & votum. Si ita, quid restat nisi ut alacri pede in viam & vestigia te des Amplissimi patris tui, cuius fama & gratia illic etiam flagrant? Fac ô mi alumne, & Probitate, Industriâ, Modestiâ ducibus ad fastigium laudis & honoris conscende. Manette corona, si adniteris, & in aperto

stadio sine ignaviâ curris. Commendaui summato viro Baronio Cardinali: reperies & alios tui volentes, quosdam etiam è sodalibus, cum quibus cautè & iudicio tamen versare. Antonius noster illic est, item Lafaillius, & Houius: ij boni honestique, & potes debesque amplecti. vulgus illud popularium tuorum ne prehende, qui fraudem, fucum, vitia sæpè afferunt, & affricant rudibus adhuc & morum ignaris. Hæc ego tibi,

* veluti
pater ipse,
Ex animo
cupis, con-
suevit.

—πατήρ ὡς παύλας

Ex θυμῷ φίλον ἐπιτέλλομαι:

audi & sequere, & quid in re aut spe tuâ sit, scribe. Louanij, VIII. Kal. xbres. ∞. 1500.

Morbus me grauior habuit quattuor ferè septimanas, capite emersi, corpore adhuc teneor, & animo bono cetera languent.

EPISTOLA LIIII

Romæ.

CAESARI BARONIO, Cardinali.

ILL^{us} & Reu^{erendissime} Domine, Vereor peccare apud te, & ingenti mihi pudoris limites transilire, dum sapius adeò & in alienâ causâ ac gratiâ interpello. Sed quî me subtraham? iste ipse non solum è disciplinâ meâ, sed è domo est, & plures annos modestè atque industriè hîc egit. Itaque aditum ad te auidè querenti, da veniam, si breui hoc scripto struam: præsertim cum is ad beatos (ita confidimus) abierit, qui coram potuit debuitque commendare. Is erat patruus eius, vir clari gratique nominis, Franciscus Oranus, in Duodecimuiriâ apud vos consilio: cuius memoria ut nepoti gratiam aliquam conciliet, ego eius vicem rogo. Modestum, probum, iuris veteris non imperitum (pro ætate quidem) hunc quoque reperies: & me semper, Ill^{us} & Reu^{erendissime} Domine, inter fidos addictosq. tuos clientes. Louanij, VIII. Kal. xbris. ∞. 1500.

EPISTOLA LV.

Bruxellam.

NICOLAO DE WEERT, Iⁿter Cognato.

EGO verò tui non obliuiscor, nec vlla occupatio mihi subducatur. Flores tamen non misi: quid ita? in pœnam, ut rectè iudicas,

iudicas, absentiae tuæ, & quia vadimonij diem non obiisti. Excusas, sed aures nunc mihi clausæ, atque etiam manus. Sed heus, à cognato tuo tamen Batzonio nonne aliquid accepisti? Dedi equidem, atque inter alia Colchicum album, quod nunc debeat florere. Mitto & semina tuliparum, statim deferenda. Quid videtur? an bonâ fide satis irascor? velim, si possim: imo nolim (absit) nec unquam in tam mihi caros. Tamen legem aliam tibi dicam, ut hoc verno tempore circa Maium nos inuisas, cum hortus meus variè floret: atque ibi coram arbitrere & eligas, quid velis. Spondeo, habebis: ex iis quidem quæ pluscula mihi erunt, & diuidi apta. Hoc tempore, terrâ omnia condita, nec possim ipse discernere quid mittam, non mittam. Itaque fer breuem moram, & clementiam meam prædica, qui eâ solâ contentus sum pœnæ vicem. Vale mi optime cognate, cum tuâ & meâ carâ, & utrâque prole: quando & tertiâ? Da nobis, & in sacris initiis mystagogum & alterum parentem me voca. Louanij, v. Kalend. Octob. ∞. Ioc.

EPISTOLA LVI.

FRANCISCO ORANO

PETRI F. LEODICENSIS,

I. C^{II} TITVLVM HODIE ADEPTO,

I. LIPSIVS gratulatur.

QUIDNI autem? è meâ domo & disciplinâ es. & sicut arborem qui posuit, fructus ex eâ cum voluptate carpit: sic nos hæc gaudia ex iis, qui si non sati è nobis, tamen ut sic dicam insiti sunt, & in meliorem quemdam succum directione & doctrinâ traducti.

Fortes creantur fortibus,

ait ille: & tu habes, quo parentum inscriptione gloriaris.

—nec enim externo monitore petendus

Virtutis tibi pulcher amor.

ECCE Patrem habes, illum iuris & æqui non interpretem solum, sed arbitrum & administrum: virum quo nec Iustitia iu-

h 3

stior,

stior, nec Integritas integrior, nec Amor pænè dicam amabilior est in illâ comitate & candore morum. Patruos etiam habes, an habuisti? alterum certè habuisti (& doleo) illum Romanæ vrbi in amore pariter & cultu: virum incertum an modestiâ quietiorem, industriâ promptiorem, honore clariorem. Quem summi nostri Pontifices in summo illo xī. virū tribunali collocarūt: in quo æquitas, peritia, sagacitas eius orbi lucerent, •

—trepidus vt dulcia nautis

Lumina noctuaga tollit Pharus amula Lunæ.

QVID Patruum dicam, quem etiam nunc habes? & quidem sacri illius & fructuosi Ordinis, qui nominis quod supra omne nomen est, titulum gerit: in quo vel censeris laus est, quid? sed filco, & modestia eius, ac contemptus vel odium potius gloriæ, os mihi frænant. His, dico, maioribus & hoc sanguine, quid nisi ad magna & alta natum te, tu aliique censeant?

Doctrina sed vim protulit instam:

& si quid rude in te, poliuit; si quid inchoatum, perfecit. Nam parentis curatione, tuâ inclinatione,

—studius te protinus anni

Formauere rudes.

& primū quidem illis rudibus: sed felici fidere non in iis hærens, nec vt ille apud Euripidem,

—ωλλων χαυμιδων τιμὴν κεραις:

sumos doctrinarum colens.

peruadis, eniteris, & ad ipsam Iurisprudentiæ arcem contendis.

Felix curarum, cui non Heliconæ cordi

Serta, nec imbelles Parnassî è vertice laurus.

QVID autem video? euge, peruenisti. apud se collocauit

Astræa virgo, siderum magnum decus:

& coronam hâc Antistitum suorum manu imposuit, quâ clarus honestusque fulgeas, donec in calo illæ stellæ fulgebunt. Sed vt ex quoque non sibi, sed huic orbi, lucent: sic ad alios nunc ingenij tui lux perueniat. Sicut nauta aliquis,

—assiduo cū Dorida viceris vsu,

Iam clauum totamque subit torquere carinam:

sic tu post quinquennij legitima pericula & curricula, ad reipub. hanc nauim accede: ô in hoc turbido quàm fluctuantem! Accede, inquam, &

Hic consulta Patrum, leges hic iuraque tractes:
sed cum fide (nam peritia adest) & religione:

— Phalaris licet imperet, ut sis

Falsus, & admoto disces periuria Tauro.

SICUT amnes, mare qui influunt, saluginem eius non mutant: sic in te quicumq. affectus, ne diluant iustitiæ seueritatem. Originem & ipsam nomen tuum cogitas? ORANVS es, CAELESTIS es. alta igitur & pura cogita: ita Deus te ab hac humo & turbis ducat aliquando ad illa secura & alta. Sed quid facio? Agamemnon apud Homerum, cum alios prælio animasset, ad Aiaces veniens negat se id facere, neque decere apud sponte sic promptos: item ego in te stimulis parco, eorum non egenti. Vota addo tantum,

Dij seruate pio genitori gaudia tanta

Proles, & utrumque hunc patriæ seruate roganti.

Louanij, v. Eid. Octob. ∞. 1600.

EPISTOLA LVII.

Hispalim.

IANO WOUERIO suo S. D.

VALERE me nuncio, mi Woueri, sed non valuisse. Tunc usque? placent, & hæres etiam in iis locis? Iterum ægrotem, nisi ægrè mihi est te sic abesse. Sed vincat voluntas patris, & tua utilitas, si tamen ea adest. Res nostræ rursus eunt, & pænè spes nos relinquit. Quid singillarim denarrem? alij faciant, mihi morbo sit vel meminisse. Ab illo astro an auxilium? In Pannoniis Canisia, vnica in immanem hostem arx, amissa. In Allobrogibus bellum, & serpere ad nos vosque minatur: nisi Pontifex tamen, quod conatur, restinguat. Sed abite publica, id est, tristitia: in priuatis quid? cessare nos aut languidè agere, ut à languore. Tamen Centuriam vnā damus Epistolarum, sed Italicarum aut Hispaniensium: & in numerum hunc tu venis. Separauimus enim à Gallicis aut Belgicis, & in fronte earum videbis causam. Illam de Vitâ meâ, & Scriptis expressisti: descripta est, sed semel: seruatur, & in publico fortassis videnda. Cetera noster Rubenius, quem amo, quem amari à te volo, ut fratrem. Liberale ingenium est, & ad optima quæque factum. Hæus,

scis

scis tu ante biduum Batauos Antuerpiam tuam venisse nauibus, Prætoriam nostrā abduxisse, & septem aut sex alias e portu. O miseriam! si nec modica illa pars Scaldis immunis manet ab incurfu & vastatione. Quid dicam aut censeam? nisi quod ille

* rex regū
Saturnia
proles.

Ζεὺς ἡρώδης, ὕψιστος ὁ ἀρχηγός,

hostibus dat robur & gloriam:

* nostras
maximè
resq; ligat.

—ἡμῶν δὲ μὴ καὶ Ζεὺς ἡρώδης.

Ita videtur, sed in exitu lætiora spero, voueo, & pro causâ succum. Tu mi suauissime vale, tutu inquam primo, id est, animo, & ab illo corpus. Louanij, III. Non. xbres. ∞. IOC.

Luciano Negronio V. A. & à te laudato S. mitto.

EPISTOLA LVIII. Lutetiam

IO. BAPTISTAE PEREZIO BARONIO suo.

LUTETIA te habet mi Baroni? cur pte non scimus? & tamen aduenisse iam antè dies plusculos debes, si bonus Genius (ita confido) iter tuum fortunauit. Si es, bono & vsui tuo vis opto & moneo: & mores ac iudiciū formes, polias, tum & linguam. In consuetudine multum est, & eam iudicio elige, proborum, & quos Deus ac virtus amarunt. In tanto illo populo, etiam inter populares tuos, ne cense gemmas & aurum omnes esse. Elige, vt dixi: & grandiores atque honestiores maximè, a quibus & prudentiæ aliquid trahas & splendoris. In primis autem, destinata & consilia tua omnia ad Sapientiam, id est, ad Deum refer: certus, hæc nihili esse, in quibus versamur, vinculis illis, & velut carcere, compediti. Sicut rota, quæ in terrâ voluitur, parte imâ & minimâ eam tangit, cetera exstat & est in alto: sic nos oportet decurrere per hæc humilia, optimâ & maximâ parte altos & subleuatos. Eò facient præcepta veterum sapientum, & lectio, quam, per Deum, ne omitta. Sicut limites in agris confundi non sinunt & misceri: sic salutaria illa monita coërcent, & animum neque diffundi ad vana illa, nec misceri. Sed monitionum satis. tu de te, de amicis ibi, de publicis etiam tange: si quid est instruendis nobis aut recreandis. Tum has litteras etiam trade, quibus inscriptas vides: & alterum nosce, bonum sine exceptione, vt opinor; alterum. sed scis quid non

non dicendo dicam. Vale mi Baroni, semper noster. Louanij,
postrid. Non. Decemb. ∞. IOC.

EPISTOLA LIX.

OCTAVIO EPISCOPO TRICARICENSI, *Nuncio Apostolico.*

IN vnâ re duplex beneficium fateor me accepisse: & quòd
miseris libellum mihi legendum, & quòd talem. Illud enim
prius, nōne à benignitate tuâ est, & curâ aut æstimatione etiâ
aliquâ mei? certè: nec vel in mentem venisset, nisi ego essem sæ-
pius in mente. At ipse libellus, non mole sed bonitate pretium
habet. inuentione nouitius, dispositione, & totâ tractatione, lau-
dabilis. Theologus est qui scripsit? agnoscis igitur & Theolo-
giam, sed modicè, & vt salern, inspersam. Philosophiam variè
miscet, à naturâ, à moribus, à ciuili gubernatione: & hæc omnia
ingenio & subtilitate commendantur. Dicam quod res est. si
hic liber breuior etiâ fiat, id est in methodum, & velut tabu-
lam contrahatur: plus laudis, atque etiâ fructus habeat, cum
in vno aspectu vtrumque hoc corpus, & Humanum & Ciuile,
liceret intueri: idque à nouo isto Prometheo adfabrè aptatum
& iunctum. Nam excursus etsi haud magni, tamen leues sæpè
aut proprij sunt, nec nisi Galliam ferè tangunt. Ecce, Ill^m &
Reu^m Domine, meum super hoc scripto arbitrium: sed arbi-
trium, & quod iudicium tuum spectat. quem Deus suo hono-
ri, Ecclesiæ bono, & nostris vsibus vel tria sæcla seruet. Louanij,
prid. Idus xbres. ∞. IOC.

EPISTOLA LX. *Mediolanum.*

LVDOVICO SEPTALIO Doct. Medico.

ECCE ad te litteras ab eo quem amas, qui te amat: nōne hæc
satis iusta caussa scribendi? Vt vulgò amantes nihil æquè
auent, ac colloqui: sic puto in verâ animorum amicitia esse, qui
gaudet affatu se aperire, & iungi, aut certè scripture eius vicem.
Facio mi Septali, te adeo, & munus adeo offero. quod illud: pade
sinum, in eum accipiendus sum, ego ipse qui scribo. Me inquam
offero: vis à me grandius aut melius? & cū fidè offero, mancipio
iam antè tuum, nunc vsu etiâ & litterarum commercio, si vo-
les.

les. Voles autem, aut quæ scripsi rescribo, & me recipio, qui volens non nisi volentis esse possum. Vale, & Puteanum etiam nostrum mecum ama. Louanij, xv. Kal. Ianuar. ∞. IOCI.

EPISTOLA LXI.

GVILIELMO SCARBERGERO suo.

GAUDEO, gaudeo ex animo mi Scarbergere, saluum te in Italiam, ex Italiâ in Galliam, & ô si ad nos, venisse. Quando fiet? non tui te magis & tuus sanguis, quàm ego exspecto: & videre desidero stirpem illam nostram, quæ iam in viri robur & modum, vt opinor, adoleuit. Diu hercules peregrinari te, non ego auctor. & Platoni propior sim; vetanti ciues à suâ Republicâ diu abesse, imò (nisi in certâ aetate) abesse. Et si turbæ tamen nostræ causam vel prætextum absentiae præbent: sed quando sedandæ? Exul aetatem à patriâ sis vereor, si tranquillitatem & quietem apud nos exspectas. Apud te, apud te potius mi Scarbergere. & animo sic componere, vt gaudium & quies tibi ex te sit, cetera vt flumen censeas labi. Veni igitur, & ad nos primitus. nam & via per nos te ducit ad parentes. Vale optatissime. Louanij, iiii. Kal. Ianuar. ∞. IOCI.

EPISTOLA LXII.

Duacum.

CLAUDIO DAUSQVIO, è Soc. Iesu.

TVA libens vidi, libentior legi & ruminatus sum: sanè polita, & quibus lima mea deterere aliquid potuerit, non lauigare aut ornare. Itaque eam insuper habui, nec libuit, nec mos meus est, *περιτρίβεται. Μὴ ἀεγισιν ἵνομαι*, nisi recta hæc, non *ἔλαττα*, loquar. Voluissem inquirere alibi in sententiam, fatcor: sed ipsius Basilij copia mihi aut inspectio non fuit. Quid autem opus est? te in istis ante me & alios etiam, qui procures sibi videntur, esse, liquidò scio: sume fiduciam ex merito, sed non superbiam, quæ nec in ingenium tuum, nec vitæ genus cadit. Morbus me nuper conculsit, & insultauit deicecto victor: sed ille suminus iterum erexit, & stare in muris dedit, si non in acie pugnare. Senecam affeci, an confecturus eam prouinciam nescio. nam præter

* *superflua
ageret. Ne
discurreret
sim.
refluxa.*

ter languorem & alias occupatiunculas, etiam fastidium irrep-
sit, & tædium habet vniufmodi laboris. Epistolas cœpi dare, &
nunc CENTVRIAM SINGVLAREM ad Hispanos & Italos: ordi-
ne ad gentes alias meosque Belgas, si Deus & fauor etiam pub-
licus volent. Nam valde excitari nos, non dicam: & publica si-
ue priuata video,

**Κίθνα μοί & μάλλον ἐνι φρεσίν, ἢ περ ἄλλα.*

Saluere te mihi Dausqui, animitus opto, & meliorem mei partem
per tuas preces. Louanij, XII. Kal. Febr. ∞. IOCI.

Seriùs tua scripta accepi, id est ante dies IX. aut X. ne tarditatem
accuses. Epigrammation habes, quod tuis præscripsi.

**Cura mæ-
tæge sunt,
quam præ-
mia petere
nosiro.*

IN D. BASILII SELEVCIENTIS ORATIONES

versas à CLAUDIO DAUSQVIO Soc. Iesu,

I. LIPSII Epigrammation.

GRAECA *vertere, vertit in frequentem.*

Usum nunc bodie, sed æne laudem?

Non hercles. neque versio omnis audit

Fida sensibus, aut polita verbis.

Quod qui præstitit, ille laudis omne

Punctum, iudice me, tulit: tulisti

Omni iudice tu, erudite Dausqui,

Qui sacrum Basilij & elegantem

Librum, veste decenter induisti

Romanâ: atque adeò decenter, inquam,

Vt iam pallia spernat, & Seleuci

Urbem præ Latiare mûtet orbe.

EPISTOLA LXIII.

Romam.

ANTONIO RICHARDOTO suo S. D.

MEAS te nondum accepisse video, etsi missas ante binos
ferè menses: at ego tuas iam ternas. quam diligentiam
amare me fateor, quare? quia te ipsum. Suaue audire de te, & à
te: & in litteris quasi videre atque alloqui, cum incoram non da-
tur. Delectat etiam in tuis litteris, quòd Roma te capit: etsi quem
non, qui sit ingenuâ & altâ mente? Multa ibi vetus & noua in-

spectio, multus splendor rerum atque hominum: & denique confluxus quidam ex omni orbe, quos vel sacræ vel profanæ causæ (sed magis illæ) cōtraxerunt. Itaque non tam in vrbe, quàm in altâ quâdam speculâ atque arce mihi esse videtur, qui Romæ agit: vnde dispectio & inquisitio fit in omnes partes, & quod sequitur, cognitio rerum varia, cum fructu maiore nescio, an voluptate. O beatum te peregrinationis! & præsertim quam sine curâ aliâ subis, in contubernio Amplissimi fratris tui, cuius munus & dignitas omnia tibi & peruja facit & tuta. Fruere igitur, & dum licet amplectere, & in sinu te merge formosæ illius Diuæ: me rivali & æmulo, non nego. & quanquam canescens iam capite, amor hic etiam me habet, & feram mecum ad Orci illum thesaurum. Sed mihi amare, tibi potiri etiam datur: vide quò eam, fungere & meam vicem, ac vide & observa quod narratum etiam nos doceat aut delectet. Delectet inquam, cum redieris:

Et non antè mihi languecant lumina morte,
quàm tua illa meis applicem, & reducem brachiis istis teneam & stringam. Publica, quæ illic, per te didici: de nostris reponere velim, sed vtinam læta! In re non sunt, spes sœuet, etsi frigida; quia non actio solum omnis, sed sermo elanguit de pace. Atqui bello vt res tranquillumus, vt pertinaciâ & loco munitas partes vincamus, votum est: quod vtinam ille Deus ratum reddat! Vtinam & de pace inter Gallum atque Allobrogem, quod fama recens iam nunc adfert! Nam profectò illo rege, non dicam inimico, sed dubiè amico, res spesque nostræ in arctum cōguntur, & hostis caput atq. animos valde tollit. Sed quid ego

— æternis minorem

Consiliis animum fatigo?

Deo, & qui illi proximi sunt Principibus, hæc relinquo: te valere cupio, & semper

Quò te celestis Sapientia duxerit, ire.

Louanij, x. Kal. Februar. ∞. 1661.

Mea Iuno & mei te saluant. Est ibi Io. Hémelarius in familiâ Cardinalis Cæsij, gente Batauus, honesti animi ac studij adulescens. an videris obiter apud me & noris, nescio: si non, adi & iam nosce, familiaritate tuâ dignum. Iubilæum trans Alpes
iturum

itutum sperabamus, & inter primos frui: si non, feremus

Quicquid corrigere est nefas.

EPISTOLA LXIII. *Bruxellam.*

REMACLO, ROBERTI S. D.

ACCEPI vnâ cum litteris tuis libellum, quem legendum dederam: atque is secum alium etiam traxit. Legi .ornata sunt, sed non sine affectatiunculâ, quæ mihi semper odiosa. De pace cum Allobrogum dynastâ, Deus fortunet, & ratum esse velit. Res magna est, & multis inopinata, pro ingenio vel regis, vel gentis. Sed benè sanè & opportunè cecidit, non solum nostris rebus istis, quas in arctum id bellum cogebat; sed vniuersè Europæ, & periculum præfens imminebat ab immahi & iurato illo hoste. Etiam nunc imò imminet, sed fœdere & iunctis viribus faciliù depellendum. Utinam diem hunc fidi mutuique consensus inter reges videam! sed pro æui moribus, subdola multa & flexuosa interueniunt: & clàm per machinas fraudesque noxij sunt, qui palàm & honestè non possunt. De re tuâ priuatâ, vellem prolixior spes esset. sed & hanc accisam ego fouere non desinam & vegetare nouâ commédatione, vt cupis, apud Legatum: vtinam tam efficace, quàm volente! Quod scribis submissurum: te quædam interim publica, si nuncium aut hominem certum haberes: ecce tibi istum qui has tradet, notæ fidei & industriæ. potes, me sponfore, vti. Liber epistolarum cum venerit (sed vereor vt plusculi dies intercedant, ob hoc frigus quod retardauit:) sed cum venerit, statim habebis, & per te Legatus. Vale vir amice. Louanij, Nonis Febr. ∞. IOCI.

EPISTOLA LXV. *Mechliniam.*

IOANNI BERNARTIO S. D.

ECCE epistolas, quas tu cum aliis, sed tū calidè, expressisti. Quid ais? seriò & more maiorum, sunt tanti? an singulæ placere fortassè potuerunt (ita est in hoc genere) vix vniuersæ? Sed vtcumque iudicatio erit, res facta est, &, vt poëta princeps ait,

—ὅδ' ἔτι μῆχ'.

Πρὸς τὸ καὶ ἴσ' ἀκ' ὀρεῖν.

non mo-
dus vltis
Iam factū
tenocatur.

*Oresti:

O quoties ego vobis, quos subsannare solebam, parnè inuideo vobis dico, qui Genium vestrum propitiatis, ab arte & operâ vestrâ viuitis, securi potentium & Aulæ. Mihi crede, ne mura sapere pulchrum, sed sibi sapere: famam & scripta hoc æuo spargere, vereor vt adsideat *filio Græcanici apud Troiam regis. Sed nobis vela vertere, serum est: complicare ea & tollere, hoc licet. faciemusq. etiam cum excusatione iustissimâ: quia profectò

—nos fortior atas

Iam fugit, & votis tantum precibusque iuuamus.

Tu vale mī Bernarti, & meliori æuo tetuōsque Deus seruet. Louanij, ix. Kal. Mart. ∞. IOCI.

EPISTOLA LXVI.

Mantuan.

ANTONIO BEFFAE NEGRINO S. D.

EPISTOLAM tuam ego verò gratam habui, in qua tam viuus & ardēs mei amor expressus. Itaq. nihil opus de Velfero meo, Hercule vestro, aut alio proxenetrâ interponere: ipse mihi per te carus esse poterat, & præsertim ab iis dotibus ingenij tui scriptio docet) commendatus. Quòd imaginē mei vidisse te scribis, missam à Velfero, benè est: illud mutem, si possim, de elogio, quod ille vir nimis amanter superscripsit & subscripsit. Non sum ille, quem me facit, esse conor: & has tales laudes, non iudicia habeo, sed monita & incitamenta. Simile in vtroque versu tuò ad me missò: in quo omnia, præter fidem, laudo. Et verò mi amice (sic iam appello) quid magnum effici à nobis potest, vel priuatim inter languores meos, vel publicè inter turbas? Eæ manent, & inuidere parnè dicam Italiæ vestræ cogunt, vbi nunc

Pax secura locis, & tranquilla otia vite,

Et nunquam turbata quies.

O fruimini, & interdum miserantes oculos ad nos reflectite, qui iactamur, & sine spe portus. Certè Parca mihi lumina claudet, priusquam Deus limina hæc nostri lani. Fero, & Herculem Achillem in oculis (animi, dico) quem benignè sic iudicas in me affectum. Idem à me repone, soluam; & tempore à vobis vinci potui, in modo pariabo. Louanij, xvi. Kal. April. ∞. IOCI.

EPI-

EPISTOLA LXVII. *Bruxellam.*

MARCO AVRELIO VALLENSI, *Ill^m Nuncio*
à Consiliis & auditionibus.

LITTERAS ex Italiâ te mittente accepi, gratiores (ingenuè dico) quia te sic benignè mittente. Priuatim aliquid meritum me, non possum dicere: sed iamantè & ex sermone, & ex vultu ipso tuo vidi in me affectum. quem redamare & æstimare magis debco, quia, vt dixi, nullo meo beneficio vel officio prouocaui. At velle me, hoc fateor, & seriò rogo si vsus mei non dicam tibi, sed tuis sit, significatum velis, id est, impetratum. Nam voluntati tuæ (quam honestam semper fore scio) mea hæc deuincta: quod credere te quidem cupio, & magis, experiri. Louanij, Idibus Martiis. ∞. JOCI.

EPISTOLA LXVIII. *Brugas.*

HVBERTO AVDEIANTIQ *suo S. D.*

BENE est vos peruenisse incolumes, velim & te redisse. Nam non nego, operam tuam desidero: etsi libens aliquot etiam dies concedo, vel rei, vel animo tuo. Sed tu ad nos, quantum commodè potest: etiam studia tua te poscunt. quæ si peragere apud me visum tibi tuisque, licet, & gratum te semper habui, & habebo. Magni oncris aut auocamenti nunquam imponam. Anchemantum nostrum video Brugas vestras citò ire desertu.

* -- μέγας ἀπὸν θυμὸς ἐπαύει

Δῆμον ἐς ἀλλοδαπὸν ἵστα:

quod Deum precor cum securitate faciat & fructu. Molem belli ne in vos ingruat, vos timeris, nos suspicamur: sed tamen in uiuo sententiæ, donec hostis alibi certò sistat, & pedem firmet. Vah, eò ventum vt illi pauculi & nuper imbecilli, non contenti repugnare, vltro lacescant: vtrum, & plura indigna fient, nisi domi belliq. emendemur. Sed desino querelarum: ad amicum nostrum Wyngaerdum latiore cogitatione eo, quem corde * ἀπαλζο-
 μαι: quâdo brachiis facturus? tu spem iniicis, nescio an fulcro nixam: sed vt erit, amo virum, magno illi & æterno amico nostro (Busbequium dico) amicum & heredem. In quem Carmen nostrum,

* mens nō
 pe illum a-
 ctiō adiurg. e
 In terras
 alias profi-
 cisci.

* saluta.

ulu. Ann.
* launmen
lul. Ann.
* propria
affectione.

strum, si tanti est à sese, (affectu scio bonum) vulget, sculpat, vtatur, vbi & quando ei visum. Sed heus, de floribus, veteri & ingenuâ nostrâ delectatione, quis spem ibi facit? quis tam amicè offert? ille dictus, an Pamelius, an quis alius? quicumque, nã ille me grato munere honestarit, qui submitter. Addo & opportuno. nam hæc hiems & niues, quicquid mihi elegans, enecarunt. Ecce ^{in id. O.} vbi ^{in id. O.} omni Helenâ accepior, si quis propinat. Quæris de hoc aut illo flore: nugæ. omnes grati meliores aut rariores, sed inter omnes Tulipæ selectiores, quas ^{id. O. O.} quadam amo. Tu me & bona, mi Audeant. Parentem vtrumque amicè resaluto. Louanij, XI. Kal. April. ∞. IOCI. Lernutio nostro iterum salutem & vxori volico.

EPISTOLA LXIX.

PHILIPPO AYALAE, Legato PRR. NN.
apud Regem Gallie.

NIHIL præter affectum me impulit. scribere, & fortassè quia etiam discedenti sic promisi. Sed argumenti alioqui parum est: & res apud nos lentæ, & cum anni tempore frigentes. Apparatus Batauorum audimus, consilia & scopum nondum videmus. Sunt qui de maritimis Flandriæ suspicentur, quæ tuta iis esse valdè interfit: sed difficile opus videtur, præsertim nostris iam paratis & intentis. Si à vestris illis partibus quies sit & pax fida, magni merus causâ non est, modò vt vigilemus. Ab Hispaniâ auxilia exspectari dicebantur, sed dicebantur: & fama iam refrixit. Pacem Allobrogicam, diu vacillantem, nunc denique firmam habebamus: sed an conditionibus pactisque illis primis, an aliquid mutatum? Factam eam, mihi videtur pro nostro, imò Christiani orbis borto: Asiatico illo hoste sic inualecente, & non vnâ in Pannoniis nuper plagâ. Nam Canisæ turpiter amissæ accessit de Transilvaniâ turbatâ dicam, an & ipsâ amissâ? Ego hoc vereor, vt initia & progressus sunt, denique vt animi populariter ab Austriacis auersi. Deus initiora do ret, & te Vir Nobilis & Cl^{me} in munere tuo dirigat, e re Principum, & tuâ famâ. Louanij, VIII. Kal. April. ∞. IOCI.

EPI-

EPISTOLA LXX. *Mediolanum.*

LVDOVICO SEPTALIO V. C.

AMANDO me anteuenisti, fateri debeo: at non scribendo, etsi casus aut mala fraus litteras meas retardauit, an oppressit? Sed scripsi hercules, & misi: atque en hîc exemplar. Interea de amore, debere me tibi fateor tamen: quid fateor? rescribo, & reddere me tibi ampliter adfero, non debere. Solo tempore, non modo aut magnitudine me antecedas. Quod facio equidem iustissimè, non ab illo solùm affectu impulsus, quem in ipsum me habes: sed & quem propter me (ita intellego) in meum Puteanum. Quem iuuenem raris ingenij dotibus, & animi vitæque candore, ad vos misi ornandum tuendumque: quoniam parùm opportuna nunc ei hæc patria, tota armorum & turbarum. At Italia quiescit, viget, floret, mihi ipsi optata nuper & sperata: quod si fuisset, quo meo gaudio? quo nexu vos tales, animo iunctos, etiam corpori appressissem?

—quod subdere robur

Illas dies, quantum potuit dempsisse senectæ?

Ita loquor, de senectâ. quæ maturior ingruit, & per tædia hæc temporum occupauit. Summi poetæ illud nosti,

* *Αἴψα γὰρ ἐν κακότητι βροτοὶ καὶ γρηγορεύουσιν.*

Nam anni alioqui non premunt, & LIII. iam eram ingressus, an ad calcem decurrendum? Deus viderit, æquo me in vtriuvis partem: & te Vir Cl. alterum Æsculapium tuæ patriæ, mihi amicum seruet. Louanij, vi. Kal. April. ∞. IOCI.

* Nam citò,
& ante
diem, venit
in mære
senectæ.

EPISTOLA LXXI. *Tornacum.*

DIONYSIO VILLERIO S. D.

LIBENS imò lætus litteras tuas vidi, veteris & puri in me affectus testes. Inuitas in domum tuam: & quidni sequar? Micaultius reuocat, amicus & ille fateor: sed tu æuo & tempore certè antecedis. Itaque si in loca vestra vnquam venio (spero autem & destino, breui:) rectà in tuam domum, & corpore ac contubernio sociabimur, qui animo iam dudum sumus iuncti. O suaui mihi in hac ætate recordatio priorum & iuueniliū an-

norum! ô firmam & inconcussam, in omni motu temporum, tuam fidem! Quæ certè animum meum titillat, inò percutit, sed suavi thyrsi voluptatis. Vtinam publica materiam sic lætam suppedirent! quæ nunc quidem (apud te dixerim) fluere mihi videntur aduersa non Austriacis tantum, sed Christianæ rei. Ciuilia hæc & finitima bella omitto: quæ aliqua pæctio aut fortuna ponat vel abrumpat: sed illa Pannonica & Dacica, quid nisi iugulum nostrum & salutem petunt? Inualefcit ille Barbarus hostis, agit & fert res vrbesque nostras: & nuper Canisiam, nunc Daciâ amissâ (ita audiebamus) aut certè alienatâ, quid nisi latus & tutus illi limes in penetralia Europæ nostræ? Doleo & excrucior, cum hæc audio: nec ob euentus ipsos, sed eorum causas, quas à secordiâ simul & superbiâ nostrâ esse, vtinam ne verè dicam. Intereâ gens finitima nobis, pacata agit, & surgit in suis finibus: & paullatim vires colligit, citò aut serò in nos exercendas. Enimuerò supremum illum aurigam video currum huc nostrum regere & flectere, sed ad Murciæ ædem, non ad Solis & optatas illas victoribus metas. Feramus, & philosophemur: quod olim consilio, nunc necessitate faciendum: & aliis excussi, ad Constantiæ illam anchoram adhærescamus. Sed hæc omitto tristricula: ad vos adspiro (sed in tēpore) alacer & sepositis curis,

Pinguis vt inde domum possim phæaxque reuerſi.

Tu talis me expecta, & talem (Deus audiat) redde. Louanij, III. Idus. April. ∞. IDCI.

EPISTOLA LXXII.

P. PANTINO Decano Bruxellensi.

VIDES inclusam epistolam, non etiam quod in ipsâ. Quid? inquires. mortuale aliquid, & Epitaphia inscriptio, quam concinnari forti viro & duci Gaspari Zapenæ, rogatu Ludouici Blasci. Ad hunc mitto, & rogo vt si quid mutandum, de tuâ sententiâ fiat: ad quem sanè rectâ ire poterant, me non appellaro. Quid enim ego hîc melius? sed fatum nostrum est his talibusq. distrahi, vt destinatis nostris scriptiunculis vix sit locus aut tempus. O Politiane, quàm sæpè mihi querela tua similis in mente! & tamen assero, & liquidò etiam iurem, plures menses me perdere

dere & perdidisse, & perditurum etiam addo, in hisce auocationibus, quàm te dies. Etsi reuoco illud, perdidisse. * nam benè & sæpè vtiliter opera sumitur, quæ amico aut officio imputatur. Talia pleraque ista. nam quòd ambitio mea ad hæc non eat, satis ego scio. Valere te opto, Vir Reu^{de} & Cl^{me}, & breui nos spolia illa tua è Graciâ videre: è quâ iam nunc ad me epistola à Cyrillo, magno Archimandritâ Alexandriæ & Exarcho (ij tituli sunt) sed scripta **ελλογίματος*, vt captus est captiux quidem huius *ueruditè* Graciæ. Iterum vale. Louanij, XIII. Kal. Maijas. ∞. IOCI.

EPISTOLA LXXIII. *Bruxellam.*NICOLAO BRANDIO, *Consiliario.*

Ex longo interuallo, en meam manum. Cur non antea? inopiâ non amoris, sed argumenti: nec id te fugit. Nunc cum EPISTOLAS cæpi edere, en tibi libamentum, quo volèrem te iterum & propitium reddam, si tamen subduxisti aut contraxisti. Utinam & manum tuam laxem? Quid hoc est? inquires. quod solet: ad fontem vberem venio, & aquam postulo: arbo-rem onustam concutio, & fructus velim legere. Sine ambagibus. ecce meus hortus cladem accepit, hac acritate hiemis, plusquam Cannensem. Pauci militum melioris & ingenui sanguinis supersunt: ad seruos redigimur, & honesto nomine Volones. Tu aliquid suppeditas? Quid? inquires, defini. Iam dixi, Volones me quærere: ergo quicquid tu voles. Nam bonâ fide, non iam eligo, nec quo expleam aut ornem requiro: sed quo nouum velut hortulum pangam. Iuua, iuua: & tuæ mortalitatis quoque memor, amici funera subleua & solare, non lessio aut verbis, sed manu & factis. Quid tibi videor? vrbanam, imò fori vestri, frontem sumpsi, & aliàs vel ad vitium verecundus, totam illam pro salute horti, id est delicij mei vnici, posui. Vale V.C. Louanij. v. Kal. Maijas. ∞. IOCI.

Carmen hîc habes, in re hortenfi meâ subito scriptum: quo sine? vt tuum aliquid eliciam. mitte.

IN PINVM ARBOREM EX OPACO ET OBSITO
IN HORTVM SVVM TRANSLATAM.

ARBOR, quæ meliore calo & aurâ
Nostro pangeris hortulo, arbor olim
Sacra DIs tribus: & Deum parenti, &
Fauno capripedi, simulque Pani:
Arbor mystica, quæ comâ virente
Gaudes crescere, & es perennioris
Natura nota: tumeo virenti
Sic viuas vireasque semper horto:
Vt quarto quoque numini sacreris.
Nam Musam colimus: sacratur ipsi
Musa hic hortus, & hortuli patronus.
Cresce ergo hæc mihi lege, tolle culmen
Celi ad sidera, tolle nomen unâ
Musa: audebone dicere? & patroni.

EPISTOLA LXXIIII.

Romam.

ANTONIO RICHARDOTO suo S. D.

SEMPER enim te meum appellabo, & nec tempus eripiet,
Nec loca diuellent. Quamdiu autem ibi? volente & nolente
me, vt rem dicam. Nam esse te quidem in illâ luce gentium, im-
probare non possum: sed satis diu fuisse, animus mihi dicit, &
suadet propiorem fieri nobis. Ætatem parentis & tuam cum vi-
deo, velim te quò destinariis ire, id est ad coniugium, & grandæ-
uo parenti tuo nepotes eiusdem sanguinis & nominis etiam da-
re. Vnde hoc mihi in mente? quia & Guilielmum nostrum, qui
mihi adest, iter illud velim ingredi, & te regredi illo vicario quasi
dato. Hæc à voluntatē eius pendere, contra quem nihil velle de-
bes, scio: sed ad eum in occasione ego scripsi, & puto diuersum
ab hoc consilio non esse. Tamen sustinendum est, & decretum
illud expectandum: interea à virtute & modestiâ non abeun-
dum. Ab hac minimè. quæ omnes tuas dotes alias (Deus largi-
ter dedit) commendat: & per quam verè sis, quod poeta dicit de
suo Mercurio, ---superis Deorum Gratus & imis.

De

De me autem, exactis his Ieiuniorum diebus mediocriter valeo: per eos langui, & animo & corpore pænè collapsus. EPISTOLAS edidi ad illos aliosque Hesperios, & inscripsi Card. Borromæo: illinc aliisque satis probatas? Labet audire iudicia: non quia sequar semper, sed quia nec spernam. Ceterum ipsum Cardinalem semper ego in magno habui colere, vel virtutis eius quæ eminet, vel beniuolentiæ in me, causâ. Misimus & ad te exemplar: & voluissim ad te vnum, ut primus traderes, si in mente mihi fuisset. Domus mea nunc minus frequens, & paulatim in solitudinem, id est quiete redigor, meis ordine singulatim digressis. Nam alios non sublego: non quia priores d. s. licuerint, sed ne displiceant sequentes. Varia ingenia, nec lubet ultra periclitari. Quod ad publica, nihil nuncio, quia nihil agimus aut patimur, extra pacem magis (ut nunc res est) quam in bello. Sed utinam ipsa illa pax (ô Dei summum munus!) nos respiciat tam benigno vultu, quam vicinos: qui fruuntur eâ & fruuntur, nisi malâ ambitione aut cupidine ipsi eam pellent. In Italiâ nuper mirificos apparatus audiebamus, & magnarum rerum minas: sed minas, & nunciant nunc diuulsas eas copias, & partem ad nos aduentare. Mallet in Thracas, ne mentiar: nisi tamen, quod bello hîc manente, miles opus est, utinam tamen compositus & sub disciplinâ. Reges, & rex ille regum, videbunt: ego humana æquo animo atque oculis aspiciam; te illo, quando & istis mi Richardote? Deus breui faciat, & te spei parentis & nostræ seruet. Louanij, prid. Kal. Maijas. ∞. IOCI.

EPISTOLA LXXV. *Augustam.*

MARCO VELSERO S. D.

BEFFAE Negrini litteras per te accepi, et si iam antè simili argumento & pænè verbis alteras, quibus cùm responderim, non videbatur operæ nunc iterare. Ad Delrium nostrum ecce habes. Satin' ut te vtimur, an abutimur? Sed hæc tua benignitas est in omne litteratorum nomen, quæ te ad celestem gloriam effert, ut Augusti verbis hoc dicam. De Epistolis nostris, quod Billiodo dante videris, gratum est: sed an non & me mittente? Misi enim certè, & te velut inter familiares Lares habeo, quibus

primis offeram hæc libamenta. Vtinam melioris rei! & tu tamen vr̄ges vt reliquas: dabo, dabo, gratia an infamia vestra suaforum esto. Accingebam me ad iter in nostros Neruios, quos finitimos nondum vidi: etsi amici illic boni & multi. Nunc me iis daturus dies aliquot eram, & corpus atque animum refecturus, si Deus annuct: quem tutorem tibi mihiq̄ue, ô virorum optime, precor. Louanij, prid. Kal. Maijas, ∞. 1661.

EPISTOLA LXXVI. *Bruxellam.*

GASPARI TAIO V. N.

DEVS bone, tuam benignitatem! Munera mittis multa, rara, & quibus in gaudium etsi datum me fateor, tamen addo & ruborem. Nam quo meo merito? Promiseram, inquires. Imò potius spem feceras, nec actio certè mihi tecum ex stipulatu. Totum, vt dixi, est benignitatis tuæ: & tanto plus debeo, quo minor fuit eius caussa. A me certè nihil elicuit, nisi fortè insitus animo huic in magnum parentem tuum (nunc inter beatos) amor simul & cultus: quem virum Bruxella nostra habuit, in tenebris turbisque istis temporum, ductorem, tutorem, vindicem contra mala & malos qui immincebant. Deus illum eripuit, te eius germinè reliquit, vestigiis iisdem insistentem probitatis, fidei, & priscae virtutis. Sed hæc desino, gratias agere paro, sed paro. Verba defunt, animus superest: & scito tamen breuiter & fidè, nihil te potuisse gratius pro ingenio meo mittere, qui illis hortensibus deliciis vnice delector & velut pascor, vbi animum vel languor vel occupatio deiecit siue exhaustit. Debeo ergo tibi non vt amico tantum, sed vt medico: qui & animum meum recreas, & corpus reficis: quæ vtraque, Vir Nobilis, vt diu sana habeas, intimum meum est votum. Fratrem tuum aduenisse incolumem, gaudeo: spero, Louanium suum reuerset, nos vnà, & amplectemur. Ibidem, prid. Kal. Maijas, ∞. 1661.

EPISTOLA LXXVII. *Romam.*CYNTHIO ALDOBRANDINO *Cardinali* S. D.

DE CORI limites egredi, & exclamare statim initio cogor, O benignitatem! ô quo alio nomine appellem hunc mi-
xrum

xtum ex amore & promptitudine affectum? Promptitudine, quæ te in isto culmine (ignosce) non decet. Tunc ad vnas meas bis scribas & respondeas? nam ita factum: semel ipsis, & antea expectationi earum & spei. Iterum, ô benignitatem! quâ me quidem sic capis & tuum facis, ut si ære olim & librâ emisses. Itaque ut in pauca sed fida verba conferam, mancipio me tuum habes: imò mancipium, si tamen id verbi tuus meusque ingenuus animus admittat. Quem animum serîo Ill^{me} & Reu^{me} Domine ad te mitto: habitet atque hæreat, quamdiu in corpore iste habitabit. Fas & Fides audite. Louanij, Kal. Maiis, ∞. IOCI.

EPISTOLA LXXVIII. *Bruxellam.*

HENRICO VANNETTEN, *Præsidi Ærarij Principum
in Brabantia.*

FILIVM tuum reducem libens vidi, & vlex eo gaudium tuum cognoui. Si enim nos alieni afficimur erga notos vel discipulos: quantò magis parentes erga sanguinem suum & stirpem? Gratulor ergo tibi hoc gaudium, & ut alat idem ac foueat, Deum precor. Destinasti eum ad forum mittere, ut scribis: quod equidem probor. quia, ut nostri hodie mores sunt, limen id est ad honores. Tamen libare eum suadeam tantum: nec diu in iis tetricis, & pænè tricis dixeram, haberi vel ingenium eius velit, vel poscat usus. Ad maiora eum Deus, tu, & sua virtus ducent: id est ad ipsam remp. ô virorum quam nunc egentem! Mitte, mitte meliores has stirpes, & labantem eam teneamus his fulcris. Equidem (Deus vota audiat) omnia bona ominor & pænè spondeo de tuo filio. ita indoles mihi videtur, ita institutio: & tua manus ac directio accedent, sicubi per ætatē vacillet. Etiam auctoritas tua in producendo accedet, quam merito virtutis tuæ habes. Iterum voueo, Deus te illi tutelam, illum tibi gaudium seruet. Louanij, postrid. Kal. Maij. ∞. IOCI.

EPISTOLA LXXIX. *Mediolanum.*

IO. BAPTISTAE SACCO S. D.

ACCEPI Cardinalis Borromæi litteras, & vnâ tuas. Ille gratum habet, tu gratias agis, quod inscripsi librum, quod libro

bro inferui : vtrumque à me libenter & meritò factum . Certè de te, mi Sacce. qui & amorem iamdiu acrem in me ostendis: & eâ virtute ac doctrinâ es, vt inter paucos vcterem Italiæ gloriam sustentens. Hortaris me porrò ad alia scribenda ac vulganda: quod facio ac faciam pro viribus. quas tenues tamen esse scito, & æuo ac morbo deficientes. Beatos ingenij alios! quibus cum eo & sanitas adest: nec functiones aut fructus eius halitu morborum adflantur aut intercipiuntur. Deus mihi nō dedit, fero sortem, &

—*leuius sit patientiâ,*

Quicquid corrigere est nefas.

Tu mihi diu saluc, optime Sacce. Louanij, postrid. Non Maias, ipsâ horâ quâ vestras acccepi. ∞ . I D C I.

EPISTOLA LXXX. *Bruxellam.*

PPHILIPPO MASIO, *Consiliario & Graphiario
Ordinum Brabantia.*

SVAVE nuper fuit (ex animo dico) renouare & qua si vegeta-
re in sermone veterem amicitiam, contractam in adolescen-
tiâ & litterariis istis castris. in quibus ego quidem iam consenui,
te ad Remp. Deus, & tua virtus, & maiorum etiam exempla du-
xerunt. Sed quanquam loco & vitæ genere disiungimur, rogo
tamen vt animorum ille nexus maneat: quid rogo? ipse vltro ita
nuper obtulisti & affirmasti. Itaque mearum hoc partium, vt
ipse cum omni officiorum genere constringam: quod facturum
me animo semper, etiam operâ, vbi eâ opus, sanctè & Romanâ
fide promitto. Edidi EPISTOLARVM nuper librum, mitto: si
tamen inter seria tua & tot negotia,

Quæ caput & circa saluunt latus

(vt cum poetâ dicam) diuidere tempus his nostris potes. Sed
nihil opus, accipe tantum, & vnâ animum, Nobilis & Cl^{me} Do-
mine, æternum addictum. Louanij, postrid. Nonas Maias.
∞ . I D C I.

EPISTOLA LXXXI. *Mechliniam.*OTHONI HARTIO, *Consiliario supremi Senatus.*

AMICAM inuitationem tuam accepi, & mouit mihi dolo-
rem. Animo obsequebar, & vobis aderam: re prohibe-
bar, & compedes meæ me tenebant. An non vellem, & adspi-
rarem ad tam amicos, & Oranuū præsertim meum, iamdiu, nisi
animi oculis, non visum? Profecto facio, & vix ita, qui sitit, ad
fontes: sed ligant me cūm sollemnes occupationes, & tenuior
semper valetudo, tum ædificatio, quæ nunc feruet. Domus meæ
pars caduca erat, instaurare cœpi, & loculos meos deplere. Do-
mini oculus hîc vsui est: nec sine incommodo præsentī auellar.
Tamen velim mihi (& iam nunc rogo) significari, ecquid ibi hæ-
surus Oranus & collega sint? Si dies octo aut decem; dabo me
in viam, ad vos veniam, & illinc Bruxellam & Neruios (quod
item inuitor) pergā. Etsi iustè, vel ipsā Iustitiā iudice, Orano
succenseam, qui ita ad vos, vt nos de industriâ videatur fugisse.
Nōne per hanc urbem via recta & prætoria ducebat? Nōne
ipse spem fecerat scriptis, imò pænè promiserat? Hoc dicito, sa-
luta, & tu salue, & me etiam absente Hilaria agite, sed tamen do-
lente, imò inuidente. Heus tu, estne poculum quod Amicitia
sacræ & fidæ libes? fac meo nomine, suam præsens. Louanij,
IIII. Eid. Maijas. ∞. IOCI.

Orano meo, Oudarto meo, iterū plenam salutem.

EPISTOLA LXXXII. *Leodicum.*

IACOBO CARONDELETO V. R. & N.

ECCE Epistolas, quas bonâ fide remitto, sed descriptas in
finem illum edendi, quem adsuades. An tantū sint, nescio:
sed tamen amicorum voluntatis magis, quàm nostræ fortassè fa-
mæ ratio ducetur. Itaque Centurias aliquot etiam paramus. SE-
NECA noster lentè procedit. ætas, valetudo, tempora non cal-
faciunt, nec stimulos ad hæc quidem studia addunt. Enimuerò
cūm res nostras video, cum Homérico illo Vlyssè dixerim:

* *Κίχθαί μοι καὶ μάλλον σοὶ φρεσὶν, ἢ περ αἰθέροι.*

ad cō tristitia pleraque omnia aut ad sunt, aut instant. Optimi sanè

I. Princi-

* Sunt cu-
ra magis
meum, quàm
ludi in pe-
ditore nostro.

Principes nobis : sed fortunam pro virtute iis fluere nondum videmus. Itaque aduersarij insultant, & supra spem suam faciunt progressus. Sed omitto. ego mei reficiendi causâ Tornacum nuper excurri, & Villerium nostrum amplexus sum, ô virum omnibus elegantiar & comitatus numeris perfectum. In domo eius dies aliquot egi, non dixerim quàm suauiter, molliter, & facete: nec corpus solum, sed animum istum oculosque paui inspectione Gazophylacij (sic appellem) quod instructum omni genere vel antiquitatum vel elegantiarum habet. Audiueram sanè, & magnum aliquid animo præceperam : vicit tamen omnem expectationem. Itaque, iterum dico, valdè acquievi in tali hospitio. & omitto amorem, illum fidum & acrem in me ab ipsâ pueritiâ: quem iucundè vestigiis relegimus, & fabellas, lusus, deliria narrauimus primæ illius ætatis. Hæc apud te, id est parè alterum Villerium: & scio quàm illum virum, & cum illo me ames. Vos quoque ego videre profectò hauebam, & vina atque aquas magis vestras bibere: sed absterremur periculis, quæ certa nobis esse experti scimus. Igitur hunc quidem affectum coërceo, amorem largiter ad te mitto, vt tua fides est, reddendum. Louanij, III. Kal. Iul. ∞. IOCI.

EPISTOLA LXXXIII. *Romam.*

IOSEPHO MARTIO.

EPISTOLA tua, quæ ipsa, & suo nomine, grata esse poterat, magis fuit Bencij mei inserto, ô magni illius & fidi amici nostri! Quem quòd tibi quoque talem fuisse significas, coïpso te meum facis: nec vnquam ille amauerit, nisi ab ingenio & virtute amandum. Itaque mi Marti, (etsi minimè pro tuo nomine: Musarum enim totus es) mi inquam Marti, certò ita habe, vinculum aliquod amicitiae vinâ hac scriptione te iniicisse, arctius stringendum si iterabis, & colloquio illo magis magisque iunges, & nodum hunc apimorum velut adduces. Enimuerò si Fata (italoquendum est, nam voluntas mea adfuit, vel superfuit) mihi indulgissent Romam illam coràm videre & venerari: te quoque in câ licuisset, & libuisset, atque externis istis oculis contemplari, quem nunc animi tantùm datur. Sed vel hoc iuuat, & li-

ncæ

nec tuæ paucæ ductæ, si non Apellem, aliquem eius discipulum ingerunt & producunt: quem ego ut fauore, sic hortatione etiam (etsi opus fortasse non est) prosequar, pergendi in optimâ viâ & ad calcem decurrendi. Hæc studia sunt, quæ animo tuo fructum, apud alios gratiam aut famam sunt paritura. Apud me quidem iam nunc amorem: quem & tu mihi ætatem serua. Ita vale mi Marti. Louanij, Kal. Iul. ∞. IOCI.

EPISTOLA LXXXIV. *Duacum.*

FRANCISCO MONTMORENCIO V. N. *Bersei Toparchæ.*

QUICQUID manus hæc excusat, animus me accusat. Ut abierim nō visote heri, & sollempnibus illis dictis factum: & Deum testor, sine meâ culpâ. Decretum ita fuerat, & in essendo te visere: interrupit auriga, qui à domo tuâ aberrauit, & abnuir flectere aut redire. En peccati nostri causam: nosce, & ignosce. Atqui mansisses apud nos, inquires. Id quoque voluissim, nec sum ille Caucaaso abruptior, ut precibus non mouear, sed bonâ fide, mea & mei me reuocant, mensum totum iam ferè errorem. Sed in istis amicitia non est nixa: quam detractâ omni pompâ & velut personâ colamus, sedulo à me faciendum. Equidem duo ad te adfero, Beniuentiam & Obsequium: quorum illâ frui te rogo, isto uti. Tomaci, in ædibus Dionysij Villcrij, qui te amat, colit, salutat. XVI. Kal. Iul. ∞. IOCI.

Andream Hoyum da mihi veniam ut per te salutem.

EPISTOLA LXXXV. *Tornacum.*

DIONYSIO VILLERIO S. D.

NOVVM tibi, immane, incredibile erat, de liberis, quos veteres passim exponabant vel abiiciebant: & alienum non à ratione solùm censebas, sed à naturâ. Omnia consentio & cedo, sed non in fide: quia certò res ita fuit, & communis ac passiva adeò, ut dixi. Si vis homines accusare, qui hominem non solùm parentem extuebant, in tenellâ & innoxia plantulâ extinguendâ, non abnuo, tecum imò accusauiro: sed de facto, non de qualitate questio nobis erat. Ego autem pertendo & vel scripto nunc doceo, sic fuisse. Quid si lege etiam apud quasdam

1 2

gentes

Lib. vii.
cap. penult.

gentes permissum, atque adeo pænè iussum? Aristoteles dicit in Politicis: atque adeo ipse inclinatur, *numerum definiri prolium procreandarum: & sicui is augeatur ac duplicetur, priusquam in vitam veniant, abortum esse procurandum.* Scilicet quia hoc mitius, quàm iam natas abiici ac necari. Quid secuti isti sint, apparet nimirum ne nimiam propagatione angusta loca & fruges ac fructus fierent: sed ô diuinæ Prouidentiae parum gnaros! quæ in hac mûdi œconomiâ omnia pariare potest & solet; & siquid redundat, aliâ viâ recidere vel auferte. Tamen, ut dixi, mos ille non apud barbaros aliquos tantum, sed politos & humanitati factos Græcos: & Comœdiæ palliatæ passim clamant. Iussio aut voluntas patris expectabatur, tollendum quod natum, an abiiciendum esset: atque istud sæpius, in famineo & minùs æstimato sexu. Immanitatem! tecum adfero: & Romulus rationi propior, qui lege tulit (apud Dionysium) ἀπασας ἀρρενας γυναι ἐκείρας, καὶ θυγατέρας τὰς προτόγονας. ἀποκτείνωμαι δὲ μηδὲν τῶν γυναικῶν πώποτε βίαις, πλὴν εἴ τι γένητο παυδίοι ἀειπνεῖν, ἢ πῆρας εἶδος ἀπὸ γονῆς. ταῦτα δ' ἐκ ἐκώλυσε ἐκτείνων τοὺς γεγαμῆτους, ἐπιδιδύσοντας παρ' ἐπὶ τοῖς ἀνδράσι πῶς ἔγιντο οὐκ ἔσθην, ἐὰν κακούς στυγερῶς: *Omnem masculam prolem educari, & è femellis primogenitas. Nihil autem quod natum esset occidere, ante triennij tempus; nisi aliquid mutilum, aut monstrosum statim à partu esset.* Hec enim talia non vetuit exponi, sic tamen ut parentes prius quinque viris è vicinia ostenderent, si & iis ita videretur. Benignior, inquam, hæc Romuli lex: & quæ colorem magis æqui

Lib. i.

De Ira, li. i.

Lib. x. de
Asino.

Apolog. ca.

ix.

v. Hexa.

cap. xviii.

boni, sed colorem habet. Ad eam Seneca: *Portentosos factus exstinguimus, liberos quoq. si debiles môstrosi q. editi sunt, abijcimus.* Sed longius ab eâ Apuleianus ille pater, qui peregrè proficiens, mandavit uxori suæ, ut si sexus sequioris edidisset factus, protinus quod esset editum necaretur. Vbi enim hîc triennium expectatum? Et alij vulgò longius: qui passim abiiciebant. Christiani scriptores sæpè Romanis obiiciunt. ut Tertullianus: *Inprimis filios exponitis, suscipiendos ab aliquâ praterente matre extraneâ.* ut Ambrosius: *Pauperiores abiiciunt parvulos, & exponunt, & deprehensos abnegant.* Et quid est Exponere? plerumque in aliquâ solitudine, feris in prædâ. Suidas: *Ἐκτείνων τὰ βρέφη. ἀπὸ τῶ ἐκ βορῆς ἐνελόν, ἢ καὶ ἄλλοις ἐκ δαψσοῦς ἐκτείνων ἐκ ἐρημίας:* *Exponere liberos. pro eo quod est feris in cibum, aut aliter in exitium, solitudine aliquâ deponere.*

Quinti-

Quintilianus Declamator: *Velut expositos in aliquâ solitudine, aut in maria proiectos.* Imò & strangulare interdum ipsi solent atque oblidere. Amobius: *Vos enim (Romani) video procreatos filios,* Lib. viii.
nunc seris & auibz exponere, nunc adstrangulatos misero mortis genere elidere. Lactantius: *Non possunt innocentes existimari, qui viscera sua in prædam canibus obiciunt, & quantum in ipsis est, crudeliùs necant, quàm si strangulassent.* Idem iterùm: *Qui natos ex se* Lib. v. cap. ix.
pueros aut strangulant; aut si nimium pijs fuerint, exponunt. Tertulianum hæc impietatem damnare & in his verbis arbitrer: *Quærenda nobis onera sunt (liberorum) quæ & à gentiliùm profanis vitantur, quæ legibus locantur, quæ parricidijs expugnantur.* Negat Christiano, qui de aliâ vitâ cogitat, valdè coniugia aut liberos quærendos. ad quos, inquit, liberos gentiles legum præmijs pœnisque vocantur & velut conducuntur: quas tamen leges etiam parricidijs expugnant, tollentes & strangulantes iam natos. Sed mitiores paullùm illi, qui in publico aliquo vrbis loco exponebant: vt fas saltem ab homine tolli, vel in seruitutem. Athenis, aut iuxta eas hoc fuisse Suidas indicat. *Κυνόσαργας*, inquit, *τόπος ἐν τῇ ἀττικῇ, ἐν ᾧ τὸ ἐκείνου τοῦ παιδὸς ἔταρον:* Cynosarges, locus in Atticâ, vbi spurios infantes ponebant: & causam addit, quia Herculis ibi templum, qui & ipse inter spurios fuit. Sed & Romæ Lactaria columna. de quâ Festus: *Lactaria columna in foro olitorio, quod ibi infantes lacte alendos deferabant.* Victor, in descriptione Urbis: *Forum olitorium, in eo columna lactaria, ad quam infantes lacte alendos deferunt.* Id genus *Altellos* Latini dixerunt, vt Græci *ἄρτελος*, siue etiam *χαυπολῶς*, *Humi-reptos.* Tætigi in seruitutem sublatos: & ita mos siue lex fuit. quâ Declamator apud Senecam Lib. x C6.
ingerit: Expositi in nullo numero sunt, serui sunt: hoc legislatori visum est. Et tamen quæstio subinde exorta, an tales non possent adseri in libertatem? Proponitur à Plinio, cùm Proconsul Bithyniæ esset, Traiano: *Magna, Domine, & ad totam provinciam* Lib. x.
pertinens quæstio est, de conditione & alimentis eorum, quos vocant ὀπρωτοίς. Et is respondet: *Quæstio ista, quæ pertinet ad eos qui liberi nati expositi, deinde sublatis à quibusdam & in seruitute educati sunt, sæpè tractata est.* Et ambigit ipse quid respondeat. tamen concludit: *Et ideo nec adsertionem denegandam iis, qui ex eiusmodi causâ in libertatem vindicabuntur, puto: neque ipsam libertatem redimen-* dam

Lib. IX.
Contr. III.

dam pretio alimentorum. Quod ultimum satis novum, ne iniquum dicam, videatur, ne alimenta quidem reponi ei qui educasset: certè aliter in Senecâ patre, ubi lex est: Expositum qui agnouerit, solutis alimentis recipiat. Et hoc nisi indulges, quid nisi vetas aut tardas tolli? Nota autem, quæstionem tantum esse de liberis natis: non herculè seruis. nam & ij exponebantur. Declamator: Nascuntur, inquit, quidam aliquâ parte corporis multati, infirmi, & in nullam spem idonei: quos parentes sui proiciunt in aqua, quàm exponunt. Aliqui etiam vernulas, aut omne in fausto editos, aut corpore inualidos, abiciunt. Ait Vernulas, qui nempe à dominis abiectioni. Omnia fœda, sæua, & ideo à Christianis Principibus coercita. Primi fuerunt, opinor, qui vetuerunt Valentinianus, Valens, & Gratianus: quorum lex in utroque Codice Theodosij & Iustiniani extat, Ad legem Corneliam de Sicariis: Siquis necandi infantis piaculum adgressus adgressus sit, erit capitale istud malum. Qui putant hoc iam antè legibus cantum; quia in Pandectis mulier ex silio damnatur, quod visceribus suis vim intulerit (intellege in abigendo partu:) errant. quî posset? cùm testimonia, quæ dedi, vulgati illius moris, retriora sint Pandectarum scriptis. Itaque abortus tantum ibi vetatur: & merito, quia nesciri de partu utili, inutili, quidquam etiam potest: & odium item suberat prioris mariti. At Christiani, ut dixi, damnarunt. & est etiam

De Pœnis,
I. XXXIX.

Cap. IX.

Canon Concilij Vasensis, qui ait: De expositis qui reclam processisse, eos non misericordie iam, sed canibus exponi: quos colligere calumniarum metu mens humana detrahet. Ideo mox decernit, iuxta vetera statuta Augustorum & Principum, ut quisquis expositum colligit, Ecclesiam contesletur, & nisi intra decem dies repetatur, sit eius qui collegit. Hoc totum pertinere & spectare Traiani rescriptum illud videtur: quia certè calumniarum metum gignebat, cùm nescirent an liberum tollerent, id est mox, & sine pretio, reddendum. Itaque deferebant. sed Concilium miscellis subuenit, & contrà, ut audisti, censet. Hæc cruda veterum, sed non omnium.

v. Histor.

*nam Iudæi aliter, de quibus Tacitus: Augenda tamen multis admi-
consulitur, & necare quemquam ex agnatis nefas. Vbi gnatis legendum monui: aut certè ita capiendum, quasi nefas esset tollere eos qui adnascuntur. nam primos, quis velit? Etiam de Germanis idem scriptor: Numerum liberorum finire, aut quemquam ex agnatis*

*agnatis necare, nefas habetur. Vbi de finitione habes, in Aristotele
suprà expressum. Estne aliquid? imò olim Indis consumilem il-
li Romulæ legem fuisse, de quâ Curtius: Gens, vt barbari, sapien-
tiâ excellit, bonisq̃ue moribus regitur. Genitos liberos, non parentum
arbitrio tollunt, aluntq̃ue; sed eorum, quibus spectandis infantum habi-
tum cura mandata est. Si quos insignes, aut aliquâ membrorum parte
inutiles notauerunt, necari iubent. Satis meum dictum firmaui,
vt Deus tibi valetudinem, rogo. Louanij, x. Kal. Iulias. ∞. IOCI.*

Ante biduum de priuatis ad te scripseram : hæc libuit in otio
contextere, & velut coràm sermocinari.

EPISTOLA LXXXVI.

PHILIPPO DE CROY, Equiti aurei Velleris, Gubernatori
Tornaci & Tornacesij, Comiti Solrano.

DOLEO equidem nec tuo, nec meo desiderio, hoc quidem
tempore à me satisfactum. Nam neque Condati te vidi,
vt volebas & benignè inuitabas; nec Bruxellæ ad manus tuæ of-
culum veni, quod non cupiisse me tantùm dicam, sed destinasse,
imò promississe. Quid ergo impediit? festinus meus transitus,
& quia domum me, cùm tenuior valetudo, tuum & res meæ vo-
cabant. Rogo Ill^{me} Domine istam mihi veniam dones, aliàs ex
arbitrio, vel imperio tuo, emendaturo. Remitto scriptum, quod
super Repub. nostrâ prudenter (ita me Deus amet) legi conce-
ptum. O vtinam consilia locum habeant, quæ Principibus au-
gendis, rei nostræ firmandæ sint! Et spero aliquando habebunt,
& fides nostra, integritas, amor perspicientur: quæ inter omnes
gentes, propria nobis Belgæ vindicamus. O Deus audiat! & te
Ill^{me} & Excell^{me} Princeps, bono Principum & nostro diutissi-
mè incolumem seruet. Louanij, xii. Kal. Iul. ∞. IOCI.

EPISTOLA LXXXVII. *Madridum:*

LYDOVICO TRIBALDO TOLETO S. D.

TV verò ad me perbenignè, mi Tribalde: quod mihi
gratum acceptumq̃ue esse è talibus locis, & à tali in-
genio debeo adfateri. Longè à nobis abestis: scripta ad vos &
famâ

fama mei, & quod caput est, amor atque æstimatio venit, vitanam ex vero, non opinione aut præiudicio, concepta. Sed vestra hæc cura sit, mea rependere affectum, & inuitantibus, benignè verbis atque animo respondere. Delectauit me autem epistola tua & scitè scripta (rem dico;) & in eâ iudicium de summo viro- rum, qui fuerunt aut erunt, & cuius magnitudinem nō nisi magni capiunt, nec plenè etiam ipsi. Is Homerus est, ô apex ingeniorum, ô fastigium & culmen scientiæ, prudentiæ, sapientiæ, quò pertingere homini quidem datur. Nos ita censemus,

Nil oriturum aliàs, nil ortum tale fatentes.

Et probamus igitur vtraque manu, non solùm pollice, iudicium super eo tuum: sed non illud, quod rescribi velles iis qui nuper eum detrudere conati è loco, quem omnis antiquitas consensu adsignauit. Quis sapiens aliter iudicauit? quis non maximè talis, talem habuit, & conatus pænè dicam

Stellâ inferere & concilio Iouis?

Equidem sensum meum liberè apud te promam. non arbitrari me sine numine & entheâ quadam vi præclara illa scripta scripta, & aut ipsum (si fas dicere) Genium fuisse, aut Genium adstitisse: ex illis quidem magnis, sublimibus, & valdè confortibus supremæ illius Mentis. Duo in eo singularia. & quòd primus, certè inter primos, Poësim colere cœpit, eandemque perfecit: & quòd semina omnis scientiæ, prudentiæ, sapientiæ in eâ aut expressit, aut ostendit. Et aliquem huic conferemus? aut Virgilium aliquis anteponet? ipsi viderint: ego quidem

—vix lumine fesso

Explorem, quàm longus in hunc despectus ab illo.

Sed omitto. tu me ama vel hoc nomine, quòd Homerum tuum amo, imò veneror, imò pænè adoro. Louanij, prid. Kal. Iul. ∞. LDCI.

EPISTOLA LXXXVIII. *Tornacum.*

HIERONYMO WINGIO l^{to} & Canonico S. D.

EGO verò tria verba ad te debeo mi Wingi, quæ centena ac millena tam suauiter tecū miscui, cum vnâ essemus. Crede mihi, volupe fuit, & nūc item iuuat, apud candidas illas & virtuti amicas mentes egisse: cum vno illo morsu, non semper licere.

O cre-

*O crebrò memoranda dies, qua mente reporto
Gaudia!*

Ipſa mea ſcriptio incitata dicet, è calido & aperto peſtore hæc
dic, & fucum abeſſe. Veni igitur ad nos ſæpiùs, inquires. Imò
quod iuſtiùs ego reponam, vos ad nos, & æmulamini exem-
plum. Serio hoc rogo, & tam auidè me Deus in cæleſtem illam
domum, quàm ego vos meam, recipiat teneatque. Quid ais? ſti-
pulator, repromitte: & Villerium adhibe, non vt teſtem, ſed exa-
ctorem, & qui ſeſe teque vnà ſiſtat. Facite, facite: ita Deus lon-
gum vitæ, valetudine, amicis frui vos faciat, & ſi quid optatis.
Louanij, III. Nonas Iul. ∞. ICCI.

EPISTOLA LXXXIX. Mediolanum.

ERYCIO PUTEANO.

AMICO illi gratia, per quem tandem noſtræ Septalio red-
ditæ. nam nunciij illuſerant, & miramur iure improbita-
tem. Tuas vltimas, & cum iis *συντάγμα* De Diſtinctione accepi-
mus: bonum ſanè, vt iis ſcriptum qui in ſtudioſorum velut incude
etiam ſunt, & tuo malleo formantur. *Promulſis Episto-lar-ibus* quan-
do ad nos? auidè exſpectamus, vt ipſam illam olim, qui à gym-
nade aut balneo veniebant. Conſulis me autem ſerio de genere
vitæ, & ecquid *ῥῆς* *ἱστορίας* illud probeam, quò libra deliberationis <sup>*ofacerdotia-
le*</sup>
tua vergit. Ego verò toto animo, mi Puteane. nam te cùm video,

Eſt pudor ingenue mentis, tranquillaque morum

Temperies:

id eſt, indoles tranquillæ huic vitæ facta. Addo ſtudia, quæ es
amplexus. quæ caue alibi feliciùs, addam & vtiliùs, tractari cen-
ſeas, quàm in hâc togâ. Viden' tu philoſophos veteres, & pleroſ-
que abhorruiffe hæc nuptiarum vincla, vt verè compedes quaſ-
dam liberæ & ſeſe efferentis mentis? Ita ſunt, expertis crede. & ſi
quietem, doctrinam, famam amas; ama libertatem & otium,
quò iſtis vaces,

Expers curarum, atque animum virtute quietâ

Compoſitus, ſemperque tuus.

Hæc mihi ſic viſa in te, quem alta & ſeria capiunt: quid ſi in alio,
quem vilia & externa? Eorum etiam hîc ſeges, nec paratior alibi

videtur,
factum.

(vt Attici Oratoris dictum vsurpem) aurea illa *messis*. Itaque ego quidem, te præsertim inclinante, huc ducam, imò impellam: & si me audis, ἀμείψομαι, ἀμείψομαι: ne iterum fortasse de cælo in cœnum. Nunquam me aut huius consilij, aut te facti pœnitebit. Salue, cum Septalio. Louanij, v. Id. Iul. ∞. IOCI.

EPISTOLA XC.

Atbum.

PETRO IARDINO, *Rectori Scholæ Athenfis S. D.*

IVRE dolui, & præter animi mei ipsam mentem fuit, quod rediens te non vidi. Cur fecisti? inquires. Festinabam, mea me reuocabant, & vel inuitum ad solita munia admouebant. Scis honestam aliquam seruitutem, nos qui publicam personam toleramus, sed tamen seruitutem sustinere: quæ apud te, rogo, excuset, & animum, si non factum, probet. Illum certè iam olim scito tuum & illius loci esse: quem suauiter, & addam vtiliter, in primo tirocinio meo velut castra aut palæstram habui, animo huic exercendo & formando. O iucunda cogitatio!

Quæ mihi flex animo mentem perfundit amore.

Et verò, fateti debeo, aliquid noui ignis à te etiam adspirasse: quem sic benignum in me repperi, & ex animo volentem. Quid possum rependere? me ipsum: etsi iam totum olim vobis debeo, &

Quod monstror digito prætereuntium,

Quod spiro & placeo, si placeo, tuum est,

ô Athum meum, ô diatriba pueritiæ meæ & schola! Quam tu diu & feliciter rege, quod facis, tuæ laudi & patriæ bono. Louanij, III. Idus Iulias. ∞. IOCI.

EPISTOLA XCI.

Tornacum.

DIONYSIO VILLERIO V.R. & Optimo S. D.

PONE metum mi Villeri, valeo. quid istuc tam timidi & anxij amoris est? Vultus meus in discessu visus pallidior: nō à morbo, sed ab amore fortasse fuit, quem in Neruios vestros concepi. Citra iocum, vultus ille meus sæpè imponit, & alterutram valetudinem fallaci colore mentitur. Sed à vobis equidem,

ut meus habitus est, benè sanus redij : & animo certè alacrior, quàm de more. Qui tamen animus sæpè ad vos reuifit, & vix auello hærentem. O sermones, ô conuiuia, ô ambulationes! ô, quod caput est, pectora niuea & aperta! Iterare opto, atque etiam spero : sed te præcunte, & choream hanc apud nos instaurante. Ita facies, si amare aut amari vis : & cur non instante hoc Autumno? Fruamur.

—*improvisa leti*

Vis rapuit rapietque gentes.

De Bibliothecâ tuâ optimis libris adornandâ, curâ est & erit: Audeantius meus Indicem breui mittet. Iube siquid vltrâ volles: ego hoc vnum, AMA. Louanij, XVI. Kal. Sextil. ∞. IOCI.

EPISTOLA XCII

Romam.

MARCELLO VESTRIO BARBIANO,

S. Pontif. à Secretis.

BENEFICIO me à te affectum quidni agnoscam, in missio Diplomate illo, quod SVMMVS noster PONTIFEX, te scriptore, vulgavit? Ipsa missio animum & mei memorem & volentem significat, gratum à talibus viris : & Diploma delectauit, inuentum & publicatum ad tutelam rei Christianæ. Vtinam ne malo nostro sciremus, quos progressus immanis ille hostis fecerit, dum Principes parum inter se concordēs, quisque res suas agunt, & omnes paullatim vincuntur, dum singuli pugnāt. Vidit hoc nostrum illud Caput, monet, clamat, & remedium intereà auxiliumque à se fert, utinam & audiendus, & imitandus! Quàm vertatur mox alea rerum? quàm gloria & victoria ad nos redeant? quàm fines & fides ipsa Christiana propagetur? votis à nobis optandum; factis, ab iis qui possunt, iuuandum. Sed, ut illuc redeam, tibi gratia esto & pro animo in metuo, & pro Diplomate: in quo te scriptorem agnoui, & cā parte ut tuum sum amplexus. Deus tibi porro det vtiliter & decorè hæc agere,

—*tantamque verendi*

Mentem implere PATRIS, iussisque ingentibus vnum Sufficere:

& me inter cultores tuos censere & amare. Louanij, xv. Kalend. Sextil. ∞. 1661.

EPISTOLA XCIII. *Bruxellam.*

D. GEORGIO AVSTRIO, *Preposito Louanienſi,*
& *Academie Cancellario.*

DELECTAT meritò apud te eſſe. qui ſermonem & conui-
ctum non ſolùm comitate condis, ſed neſtare quodam
miſces rerum veterum, aut obſeruationum rariorum. Multa le-
giſti, vidisti: & præter hiſtorias, locorum etiam ſitus & ingenia
noſſe tibi cura fuit,

Quà parte debacchentur ignes,

Quà nebula pluuijque rores.

Itaque in his talibus inquiris, doces, audis, regeris; & plurimùm
Ioue a quo (vt ille ait) *iudicas* & definis. Velut nuper, cùm in men-
ſâ Ampliſſimi Præſidis Richardoti eſſemus, diſſertatiuncula de
itinere Annibalis & ingreſſu eius in Italiam à te iniecta: ac dixi,
quæ memoria tunc ſuppeditabat. ſed quia non omnia, neſtam
compoſitè, vt ſolent deprehenſi, & ſermocinantes: libuit ea &
plura ſcripto complecti, in otio à te legenda & arbitrandæ.

* *Monte
maiore S.
Bernardi.*

De itinere Annibalis, triplex opinio. Alij *Peniniſ* iugis intraffe
volunt, alij *Graiſ*, tertij *Tauriniſ*. Primi auctorem Plinium ha-
bent: *Alpium fauces Graia atque Pænina: his Pænos, Graijs Her-
culem tranſiſſe memorant.* Ammianus in eadem parte: qui à *Pæniſ*
Alpes excogitatas Pænicas ſcripſit. Quid, quòd ipſum Liuium cò
trahit Paullus Iouius? *Liuius*, inquit, *grauiffimus hiſtoriarum ſcri-
ptor, de tranſitu Annibalis ambigens, non Graiſ, ſed Pæniſ eum
traieciſſe memorat.* Sed verè trahit, inuitum & in alia omnia (mox
dicam) palàm euntem. Altera ſententia de * *Graiſ* eſt. quæ au-
ctorem Æmiliū Probum, ſeu quis alius ſcripſit, in vitâ Anni-
balis habet: *Ad Alpes Annibal venit, quas nemo ante eum cum ex-
ercitu, præter Herculem Graium tranſierat: quo factò is hodie Saltus
Graius appellatur.* Silius accedit, apud quē ipſe Annibal gloriatur:

* *Monte
minore S.
Bernardi.*

—quà ponere greſſum

Amphitryoniade fuerit labor, iſſe ſub armis

Pænorum tinnas.

Et Liuius fauere videtur, in oratione Scipionis: *Vtrum Annibal*
bic

hic sit amulus itinerum Herculis, ut ipse refert. Itaque plerique litterarum hodie in hanc manu & voce inclinant. At tertia Polybii est & Liuij, de *Taurinis*; quam ibo assertum. Polybius clarè scribit, *οξέιγента στάδια ᾗ Ρηοδανὸν Ἀννιβαλεὲς προέβηκεν, & τότε ἤρξατο πορεύεσθαι ἀπὸς τῆς ἀνατολῆς: ἡ δὲ ὁδὸς αὐτοῦ ἦν ἡ αὐτὴ ἡ ὁδὸς τῶν ταυρίνων, ἢ τῶν ἀντιβῶν.* εἴτα τὴν διὰ τῶν θαλάσσιων. τὰ δὲ ῥαίται: *Quatuor transitus Alpium Polybius agnoscit tantum. per Ligures, qui proximus est Tyrrheno mari, per Taurinos, quæ Annibal transiit; per Salassos, & per Rhatos.* Hæc ita sentire etiam Liuium dixi. quid certius scrutanti? Nam facit Annibalē flexissē à Rhodano in Vocontios, inde in Tricorios, mox transisse Druentiam: ac tum demū scandisse. Vide & gentes, & ipsum maximè flumen: nō potest vel Graiis, quæ interiores sunt; vel Peninis, quæ etiam magis, nisi flexu & reditu transisse. At quæ causā irriti laboris fuisset? quis redisse eum scripsit? cur etiam fecisset, cum Gallos viæ duces haberet, quibus loca ea nota? Plura sunt, sed in ipso Liuiο, si placeat, videnda: cuius verba super hac re dabo, illustrabo, emendabo. Nam ab eo Prætoris arbitrium maximè huius litis pendet: & tu ad ipsum appellabas. Scribit libro XXI.

Sedatis certaminibus Allobrogum, cum iam Alpes peteret (Annibal) non rectā regione iter instituit, sed ad leuam in Tricastinos flexit: inde per extremam oram Vocontiorum agri tetendit in Tricorios, haud vsquam impeditā viā, priusquam ad Druentiam flumen peruēnit.

En, non rectā ad Alpes (quod fuisset per Peninas aut Graias) iuit: sed flexit in vltiora, ut ad Coctias postea dictas veniret. *Ad leuam*, inquit. quomodo? profectò *ad dextram*: nisi si relegere iter, & transire iterum Rhodanum voluit. Tabulas Geographicas vide: & Glareanum, qui Liuium incuriæ vel erroris hinc notat. Ego legendum putem, *à leuā*: & verum est. nam fluuium ad leuā reliquit, & ab eo flexit in Tricastinos, & mox Vocōtios. Pergit Liuius:

Annibal ab Druentiā, campestri maximè itinere, cum bonā pace ad alpes incolentium ea loca Gallorum peruēnit.

Transito igitur Druentiâ, cœpit scandere, & ut ipse statim addit, *erigere in primos cliuos agmen* : quod factum putem circa *Ebrodunum* opidum, quod hodie *Ambrunum* dicunt : atque ita descendisse per aut iuxta montem *Vesulum* (hodie *Viso*) ad fontes Padi. Sed videamus propriè verba, in quibus ambigit disseritque de hoc transitu. cum narraffet, quæ in *Alpibus* fecisset passusque *Annibal* esset:

Hoc maximè modo peruentum in Italiam, quinto mense à Carthagine nouâ, quintodecimo die Alpibus superatis. Et statim: Quanta copia transgresso in Italiam Annibali fuerint, nequaquam inter auctores constat. L. Cincius Alimentus, qui captum se ab Annibale scribit, confundit numerum Gallis Liguribusque additis. Ex ipso autem Annibale audisse, postquam Rhodanum transierit, triginta-sex millia hominum, ingentemque numerum equorum amisisse in Taurinis, quæ Gallis proximagens erat, in Italiam digresso. Id cum inter omnes constet, eò magis miror ambigi, quânam Alpes transierit: & vulgò credere Pænino, atque inde nomen & iugo Alpium inditum, transgressum. Cælius per Cremonis iugum dicit transisse. qui ambo saltus cum non in Taurinos, sed per saltus montanos ad Libuos Gallos deduxissent. Nec verisimile est, ea tum ad Galliam patuisse itinera, utique cum quæ ad Penninum ferant, obseptagentibus semigermanis fuissent. Neque Hercules montibus his, si quem forte id mouit, ab transitu Pænorum vlllo Ueragri incole iugi eius norunt nomen inditum: sed ab eo quem in summo sacratum vertice Penninum montani appellant.

Lustremus verba. *Amisisse in Taurinis.*] In solis ergo Taurinis tanta ea iactura? imò inodica ibi, aut nulla: in ipsis Alpibus perierant. nectamen XXXVI. M. (nimium sit) sed XXVI. scribe. Hoc primum. de Taurinis autem, viderunt Glareanus & Sigonius, conati que inderi: in *Taurinos*. quasi ab Annibale hoc Cincius audierit, digresso iam in Taurinos. Logi: distinguo, & lego: aliorumque iumentorum amisisse. E *Taurinis*, quæ G. p. g. erat, in Italiam digressum, cum inter omnes constet: eò magis. Firmat ipsa res, tum & libri prisca, in quibus, *amisisse Taurinis*, sine voculâ illâ mediâ scriptum. Vides igitur clarè, in Taurinos descendisse quod & Liuium, ut solet, secutus Silius expressit:

His tandem ignotas transgressus casibus Alpes,

Tauri-

Taurinis ductor statuit tentoria campis.

Sed de ipsis Taurinis addit, *quæ Gallis proximæ gens.*] An non igitur Taurini tunc Galli? non, sed Liguribus videntur accensiti. Strabo de iis : *Λυγικὸν ἔθνος* : *Ligurum natio.* quod ad originem fortasse veriùs referas, & situtamen Galli erant : ideoque hîc rescribas, *quæ Galliæ.* Ea gens Galliæ, proxima Italiæ erat, in illo tractu. Pergit, *Vulgò credere.*] Siue potius, *vulgum.* Audisne porrò vulgum hoc credere de Penino, non Liuium, qui apertè nunc & in sequentibus damnat? vt nesciam vbi mens Iouij fuerit, cùm, Liuius hoc affinxit. Item: *Per Cremonis iugum.*] Hæc Cœlij sententia est, & incidit in nostram secundam de Graiis: quam & nûc Liuius adspernatur. Nusquam tamen lectum hoc *Cremonis iugum*: & ideo Glareanus inclinât legere *Centronis*, quia populi *Centrones* in eo ipso tractu. Atqui *Centronum* tunc potius dixisset. Leuis mihi suspicio, ne *Greionis*, vel *Graionis iugum* sit vera lectio: quod à *Graijs* Alpibus non abludit, & Plinius ibi *Graios* populos locauit. Germanicæ originis vox est, & *Gravvi* dicti fuerunt: hodieque is mons *Gravv-alp* tabulis quibusdam inscriptus. Causa, autem, cur abnuat hac aut illac transisse, additur: *quod ij ambo saltus eum non in Taurinos, sed per saltus montanos ad Libuos Gallos deduxissent.*] Verbum observa, & mecum sperne, qui *saltus motani*? aut potius, qui *saltus non montani*? adhærent ista : & inamœna etiam repetitio sit vocis iam anteeuntis. Itaque scribam, *Per *Salluos montanos* : quos in eo tractu, & circa Ticinum, Liuius diser-

* Sine Salluos, vt Glareanus.

herclè

herclè superstitione. Intellegit autem Liuius verticem, qui pòst quoque nomen tenuit, & leges in Antonini Itinerario: *Summo Apennino*: corruptè, pro *Summo Pennino*. Sanè *Pinnas* aut *Pennas*, locorum vertices etiam nunc nos Belgè appellamus. Perambulauit hæc Liuiana: & quis de eius vltà mète ambiget? At enim dixit in oratione Scipionis, *emulum itineris Herculis*. Ita, sed *ἡ τὸ πᾶν* & laxè, quòd vterq. per Alpes icrit, sed non signatè easdem earum partes. Quæ mens & in Silij suprâ, fortassè & Æmilij verbis. Annibalem verò per Taurinos saltus venisse, cùm dicta suadent; tum & illud, quòd Gallos viç ducis habuerit; Gallis autem vetus is transitus & solens. Ipse Liuius lib. v. *Galli per Taurinos saltusque Iulie alpis transscenderunt, fufisque acie Tuscis, haud procul Ticino flumine condidère urbem*. Vbi mira tamen hæc *Iulia alpis*: & quomodo iam tunc sic dicta? an *ἡ πόλις* Liuius anticipat? Posset, sed video *Iulias alpes* in Camis & Rhætis, non illic poni. Corruptio est: & bonus meus codex, *saltus qua mliæ ante alpes*. Alterutra emendatio vera: siue, *Taurinos saltus, quâ minimè altæ alpes* (res enim ita habet:) siue, *quâ inuia antè alpes*. Vt concludam. transit per alpes, quæ *Coctie* postea dictæ: etsi itinere parùm commodo, & per fraudes vel errores (in Liuiο notatum) aspero: & quod posteritas videtur desiisse. Cn. Pompeius, apud Sallustium, in epistolâ ad Senatum: *Hostes in ceruicibus Italie iam agentes, ab Alpibus in Hispaniam submoui, per eas iter aliud, atque Annibal, nobis opportunius patefecit*. Itaque frustrâ hodie quæras, & suo nomine designes. De ipsis Alpibus, earumque discrimine & sectione, dici quædam poterant opportunè: sed epistolæ modum excessi, & iam tunc veniâ video mihi opus esse. Largire, Deus tibi valetudinem & vitam, Domine Illustris & Reuerende. Louanij, XII. Kal. Sextil. ∞. MDCI.

EPISTOLA XCIIII.

Hispalim.

IOANNI WOVERIO meo S. dico,

SED & robur item precor. nam quid istud iacere aut trepidare est? turpe mi Woueri, in ictu non maximo, & qui tuum nil petiuit. De re aliquid detractum est, omnia tua facta & tecta habes, si tamen talem ipsam veterem tuam mentem. Ego adeò non

non solor te, vt gratuler etiam hanc occasionein datam desinendi, & spes illas incidendi, quæ catenam negotiorum necessebant. Satis tibi Dei benignitate & parentum virtute partum est:

—desiste, nec vltra

Sollicitam in vastas puppim dimitte procellas:

Collige vela, collige animum, & melioribus cum studiis, quibus natus est, defige. Dij boni, quousque aliorum potius iudiciis & sensibus, quàm tuis sapias? Quando erit illud tuum,

Aetas per tacitum fluens?

Iterum dico, omitte nugas, & vnum hoc Sapientix studium amplectere, quod

Aequè pauperibus prodest, locupletibus aequè,

Aequè neglectum pueris senibusque nocebit.

De Italiâ parens mihi scripsit, & quod per eam redire te patietur.

Sed meo consilio, redire tantum. diutiùs insidere te, & à nobis imò à teipso abesse non suadeo: veni, & illud Sophi nostri audi:

Compositæ mentis signum est posse consistere, & secum morari. Quid

opus est pedes & corpus hoc circumferre? quantò iucundiùs vtiliusque animus peregrinatur per grande hoc vniuersum? Quod

ego sæpè facio, imò in ambulatiunculis meis cottidianis cælum

hoc, terras, maria, nouum priscumque orbem, & causas rerum

indago vel lustrò. Veni, ades, & hæc talia inter nos suauiter alter-

cemur, cum mutuo etiam fructu. Epistolas habes ad duos ami-

cos: si ad aliquos è grandibus, pete, submittam. Est & ad Ve-

strium, illuc in auctoritate & gratiâ: prima mea est, trade. EPI-

STOLARVM tertiam CENTVRIAM edidi, in eâ ad te vnâ alter-

amque. Videris, aut videbis, & me ac BONAM MENTEM, vt so-

les, amabis. Louanij, IX. Kal. Sextil. ∞. IOCL

EPISTOLA XCV.

Gracium.

MARTINO DELRIO, *Presb. Soc. Iesu.*

FALSUS sum in tuo discessu. doliturum me in absentia sciebam: sic doliturum nulla opinio fuit, sed res condocfecit. Scriò, destitutus mihi videor: de scriptis & ingenio etiâ loquor,

—labat incerto mihi limite cursus

Te sine, & orbata caligant vela carinae.

n

Sed

Sed dolor etiam à te increfcit. quò iuifti? ad quietem? cenfebam, aliter euénit: in turbas & flammam rerum. Animum tuum noui parem fortunæ aut fupra eam: fed in certamen te venire hoc ætatis, & neceffitate nullâ producente, noluiſſem, fi quod ego tu & Deus voluiſſent. Loqui me de bello & discrimine propinquo intellegis, an pace ponendo? ſcribis, & riſi. Colloquantur, adſimulent, nihil fiet, & poëta olim tui hoc audi:

Mars grauior ſub pace latet.

Nos ſine ambage in bello, & res ad Oſtendam valdè çalent. Breui noſtram fore, ſpes & ſermo erat: fed validum tamen intus præſidium, & Britanna rem ſuâ facit, & ſic tuctur. Tamen ea etiam de pace, & litteræ nunciique non deſinunt comincare. Interea Bercka nobis crepta, & Bataui Romanum in morem vallo & foſſis clauſerant: quod noſtri mirentur, vtinam imitentur. De SENECA vrgeſ. quid opus ſit, ſi qui fui ego ſum? Volo enim hercules, fed & potui: nunc valetudo abiicit, & manum panè tollere cogit & fateri victum. An non etiam (ſine ſuperbiâ) partes meas in hoc theatro functus ſum? non licet perſonam veſtemq. ponere, & ad me redire? Da tu aliiq. veniam: ſi non, à me ſumendam. Siquid lucis in nobis & à nobis olim; non lubet tenebras inducere, & oſtendere

Dilapſam in cineres facem

Tamen EPISTOLAS nunc edebamus, & in iis ad te quaſdam: omnes nam nefas, nec arcana & *μυστερά* noſtra ſciant *εἰθελαι* iſti & profani. Editas nuper, habebis his Nundinis. Vale, & cum alias, tum in ſacris votis memor eſto

De te pendentis, te reſpicientis amici.

Louanij, Idib. Sextil. ∞. 1551.

P. Leonardus te ſalutat, ego ex animo P. Deckerium, & illum Satyræ duplicis auctorem quando videndæ? A titulo malum omen eſt, *Veſperilio* timet lucem.

EPISTOLA XCVI.

NICOLAO DAMANTIO, *Cancellario Brabantie,*
& à consiliis Status.

BENIGNITAS tua aditum mihi ad te facit, sed & aliena importunitas, qui renitentem impellunt. Cognatus hic meus est, qui litem in tuo Tribunali habet, quæ Lipsianum nomen in parte tangit. Nomen, non rem: & est quæstio de titulis & tabulis, quæ videntur, obscurando illi & maiorum meritis, in alienum locum inductæ. Si ita est, rogo tuâ auctoritate ius nostrum consequamur, nec aliud. Nam ego te Iustitiæ rigidum Præsidem scio, & gaudeo: & absit ut vlla insinuatio mea aliud velit aut possit. Talem te, Nobiliss^{me} & Ampliss^{me} Domine, ille Deus diu seruet Principibus, patriæ, & nobis. Louanij, XVI. Kal. Septemb. ∞. IOCI.

EPISTOLA XCVII.

RICHARDO *Baroni STARRENBURGIO.*

AGNOSCIS hanc manum? Lipsij est, illius qui iam olim te nouit, colit, amat. Per locorum spatia, quæ nos abiungunt, non fuit promere hunc affectum: sed est qui antè, vtinam in te sic perennet. Etsi cognati tui, quos iam nunc vidi, adolescentes ingenui vultus ac sanguinis, & in quorum ore habitat atque offert se nobilitas, idem mihi adfirmarunt, & in sermonibus, imò laudibus tuis, Lipsium multum esse. Ab iisdem didici, in coniugio & quiete agere, à publicis remotum: gaudeo, gratulor: atque illud mihi, non ista contigit. quia malo fato Belgarum

Nos rursus in bellum resorbens
Vnda fretis tulit astuosus.

Erigo me tamen & compono, quæ datur: id est animo, & inter medias turbas Musis studiisq. operor, & videris illuc opinor, industria: meæ aliquos fructus. Parum coctos aut maturos fortasse: sed si non illos, ut me ames tui amantissimum rogo. Louanij, XII. Kal. Octob. ∞. IOCI.

EPISTOLA XCVIII.

*Leodicum.*PETRO ORANO *I^{re}.*

TVI hîc fuerunt, te non vidimus, & semper aliquid est quod Oranum nobis subducatur. Ego interea Antuerpiæ, & hæc causa silentij, quam nec tu damnes. De filio, ô gratum! ô benignum illum in te tuosque Principem! ô Billéum etiam amicum! nam & hunc operam nauasse non ambigo, & partem ei beneficiij iure inscribas. Pecuniam Taboieto adnumeravi. In studiis, EPISTOLAS edebamus, & Centurias earum plures. Tum & SENECA recipiemus, nescio quo frigore aut fastidio sepositum ac penè relegatum. Sed recipiemus, ut dixi: auctor est cui meritò laborem, imò vitam impendam, nato ad sapientiâ animis infundendam. Vestri collegium hîc meditantur, & domum iam emerunt: cedit vsui & gloriæ Eburonum, ut speramus. Valere te mi amicitissime opto. Louanij, XII. Kal. Octob. ∞. MDCI.

EPISTOLA XCIX.

*Mechliniam.*IANO BERNARTIO *suo.*

QUID hoc est mi Bernarti? monstra & prodigia clamas, & quasi lapides pluerint, flumina stiterint, iuerintque à mari sursum. Quid factum? Mechliniam vidi, & te non vidi. Peccatum fatear, si hoc fatear. Quid ergo? vix dicam vidissè me Mechliniam, sed transisse. ita cursim inquam, ut vix Ladas aliquis aut cum Pegaso suo Perseus. Ut rem scias, Antuerpiæ cum essem & destinatum certò te in reditu visere & amplecti; ecce nuncius Richardotum mecum à patre reuocari, in Italiam mittendum. Rem moram non ferre (& vides ipse anni tempus) eandem velle, ante discessum ut conuenirem. Itaque statim manè facto celocem conscendi, ventis fluctibusque aduersis Willebrokam veni: inde curru conducticio in vestram urbem: sed sic serò, ut de curru in currum fuerit transcendendum, si Louanium eo die vellem. En factum, quod rationi adsidet, non monstro. Dixisse hoc satis est, & simul purgasse. A te quidem mi Bernarti,

*Me nec Chimæra spiritus ignea
Diuellet vnquam:*

nec alia vis aut fraus, securus eius esto. De nuptiis quod audisti, ita est. domum meam sera Venus intrauit, & ancilla viro iungitur grauior iam in annis. Hoc potius si non monstrum, monstrelum dixeris: aut non dixeris, si noris sexum. Nuptiæ ex proximâ septimanâ celebrandæ. si vis interuenire, licet, & gratus eris: si post venire, iam tempus dixi. In Boëtio videbo, & adminiculus labor, quod copia tēporis aut ingenij mei feret: & Versiculos pro eo ecce habes. Sanè Versiculos, inquires. quid refert? ipsi breues, tenues, ab animo tamen amplo largoque sunt; & hunc amabis. Ita vale cum tuâ tuisque. Louanij, XI. Kal. Octob. ∞. IDCI.

IN BOETII CONSOLATIONEM

A IANO BERNARTIO I. C. ET COGNATO

suo illustratam & emendatam.

EN BOETIVS ille, qui sophorum
In primis sophus esse gloriatur:
Qui doctum nimis, & satis disertum
Scriptum hoc edidit, omnium bonorum
Bonum iudicio. sed id tenebras,
Æui aut ingenio suo pte, habebat.
Quas BERNARTIVS ille, flos meorum
Belgarum pepulit; facemque claram
A se pratulit. hanc sequere, quisquis
Doctrina sapientiæque cultor
Non audire, sed esse, concupiscis.

EPISTOLA C.

FRIDERICO TAVBMANNO, P. L.

TVNE ad me sæpius? credere me par est, sed & te mihi, vnas has vidisse: atque eas ferotinas. nam Maio scriptæ, hoc ultimo Septembri ad me venerunt. Nihil miri. rara per hæc tempora fides est, atque ea citra verba ferè consistit. Illud miri, si veteri meo more & ingenio expertus ego factus, tibi humanissimè prouocanti, & optimas nostras artes profitenti, nō responderem,

102 I. LIPSI' EPIST. CENT. I. AD BELG,
aut communione affatus mei censere in indignum. Ah, fuge cre-
dere. non est mihi praeligatum pectus, quod molle & affectui
penetrabile gero: utique in tales, qualem te sentio magis, quàm
dico. Quid, quòd singulari iudicio, aut certè raro, Plautum no-
strum amas? vel te ego ideò, ut alia absint. Nemo illum, quem
non melior Musa & Phœbus. Persuades hoc ibi tuis? dic serìò,
non solent, & vidi nouellæ eloquentiæ addictos, & qui magistro-
rum dictata vel oratiunculas, crederent

—*Albano Musas in monte locutas.*

Scilicet imperitis tanti vitreum est, quanti margaritum. Nos sa-
piamus, inter nos amemus, à me tibi promptum. Louanij, IX.
Kal. Octob. ∞. 1661.

F I N I S.

